

For ninth sitting on Monday, the 28th March, 2005

MEMBERS PRESENT

PU LALCHAMLIANA, Speaker at the Chair, Deputy Speaker, Chief Minister, 15 Ministers and 22 Members were present.

QUESTIONS

1. **QUESTIONS** entered in separate list to be asked and oral answers given.

DISCUSSION AND VOTING ON DEMANDS FOR GRANTS

2. **PU R. TLANGHMINGTHANGA**, Minister to submit to the vote of the House various Demands under his charge.
3. **PU AICHHINGA**, Minister to submit to the vote of the House various Demands under his charge.
4. **Dr. R. LALTHANGLIANA**, Minister to submit to the vote of the House various Demands under his charge.

S P E A K E R

: Mi duham chuan a ma chhungkua a tibuai thin a, tham hawtu erawh chu a hmuingil ang.

Thufingte 15 : 27

Starred Question No. 121 na zawt turin Pu Lalduhoma i sawm ang.

PU LALDUHOMA

: Pu Speaker, PWD changtu Minister chhan atan - Mizoram tan PWD Code leh Manual neih tunna a awm em ?

**PU ZORAMTHANGA
CHIEF MINISTER**

: Pu Speaker, Pu Duhoma zawhna chhanna chu tunah chuan awm rihlo tih a ni.

PU R. LALZIRLIANA : Pu Speaker, hei PMGSY a kawng-lai ho hi a hunchhung tur hi thla 12 hun vel pek a ni a, chumi chhung chuan an hna hi revise a awm tawh em ? Revise loh tur a ni tih dan hi a awm em ?

S P E A K E R : PWD Code a ni a, PMGSY hna a ni a. A chhan theih chuan han chhang sela, a in kungkaih vaklo na a.

**PU ZORAMTHANGA
CHIEF MINISTER** : Pu Speaker, PMGSY-a an hnathawh kha revise a awmlo. Awm thei chi pawh a ni lova, khulam atangin fixed sanction a lokal a. Chumi chhung atanga contain tur tih chu a ni a, mahse revise han tihah a kawng khat atana a tira estimate kha entirnan - Rs.100/- lo ni ta sela, hemi kawng lehlam a mi kha Rs.100/- lo ni ta bawk sela, hemi kawng a kha a tak taka han thawh khan Rs.100/- chiah hman ngai lovin Rs.80/- an lo hmang ta a, lehlam kha Rs.100/- in a daih ta chiah lova. Chutiang erawh chu hetia adjustment kha chu khulam PMGSY guideline siamtuten an phal chinah khan dah theih a ni a, report thlap a ni. Chutiang nilo chuan a hranpa chuan estimate tura tih theih a nilo.

PU R. LALZIRLIANA : Pu Speaker, Chhawrtui leh Rullam inkar kawng Pu Nghaka thawh leh Pu S.M. Vanhnuaithanga hna kha Pu Nghaka kha nuai 70 a revise sak leh Pu S.M. Vanhnuaithanga nuai 50 vela revise sak ni a hriat a ni a. Hei hi khatianga phal anih si loh chuan engtia revise bik nge an nih tih kha kan zawt leh e.

**PU ZORAMTHANGA
CHIEF MINISTER**

Pu Speaker, tuna ka sawi ang type khan khatiang ang, kha lo pawh kha a awm zauh zauhin kan ring a, a tira estimate ah chuan hmanhmawh deuh hleka estimate anih avangin kham sut tur deuh te a awm a, mahse, uluk lehzuala han tih khan kham su lo deuha kalpui khan pawisa kha hmangzo lovin a awm theih ta a. A tirah nuai 100 lo ni tase, nuai 100 chiah chiah hmanglo khan engemaw zat khan an hnathawh bill atanga siam anih chuan engemawzat share theih a awm nual a ni. Chutihlaichuan a then khilai Rullam lama mi pawh chu kawng harsa lutuk a tira estimate ina a lo phak loh kha a awm ta a, chutiang atan c huan helai a saving awm kha lehlam a mi phalo lutukah khan khulama PMGSY thuneitute hnenah pawh hrilh thlapin phal a ni e, tiin phalna awmsa anih avangin hmun 2/3 ah chuan nakinah pawh kan la tih a ngai ang.

S P E A K E R

Starred Question No. 122-na zawt turin Pu H. Lalsangzuala i sawm ang.

PU H. LALSANGZUALA

Pu Speaker, Agriculture Minister chhan atan - (a) Sorkarin MIP la hmu ve lo khuate pek chhunzawm a tum em ? (b) Tum nise, engtikahnge pek a tum ? (c) Kan sorkar hian leilet neituten an leilet puitlin theih nan an mamawh Tractor lian loan pek a tum em ? (d) Tum nise, engtikah nge pek a tum ?

**PU H. RAMMAWI
MINISTER**

Pu Speaker, chhanna te chu :-
(a) Sorkarin Mizoram Intodelhna Programme hi kalpui zel a tum a, la hmulo khuate pawh tuam chhoh zel a tum. (b) A remchang hmasa berah tuam chhoh a tum. (c) A hrang a hraiin loan hi sorkarin a pe lova, loan pek tumna pawh Tractor lei nan a nei lova. Mahse, subsidy erawh chuan a pe ve zeuh zeuh a ni. (d) Loan a pek tumna a awm loh avangin chhanna a awm lo.

PU H. ROHLUNA : Pu Speaker, MIP hmang hianin 2005-06 chhungin khaw engzatah nge hma thar lak an tum ? Tin, a cash lovin, in kind in tanpuin pek tawh ani ang tih kha Minister in a sawi tawh a. Hei hi kuthnathawktuten an mamawh hun takah pek theih an in ring em ?

PU LALDUHOMA : Pu Speaker, IWDP hnuaiia beneficiaries te hian MIP tanpuina sum sem kha dawng ve thei lo tura tih an ni reng em ni ?

PU R. LALZIRLIANA : Pu Speaker, la pek lohna-ah chuan pek leh tum a ni tih a ni a. A cash a pek loh chuan in kind a pek tum hi kei chu ka zu ngaihdan takah chuan 'i sawi zawngin i nihna a lang e' tih ang deuhin Vaimim chite tul hleilo, Antam chite lei vak vakna-ah khan kan kir leh dawn niin ka hria. Chuvangin, tuna Rs. 700/- tih leh Rs. 7500/- a hma a guideline a mi ang pawh kha ni lovin hetia in tih rau rau chuan zokhua a kuthnathawktute chawikanna atan Rs. 50,000/- te hian in pe thei zawk lawm ni ?

S P E A K E R : A pawimawh aniang in ding sup sup mai, Pu Saikapthianga i sawm mai ang aw.

PU SAIKAPTHIANGA : Pu Speaker, ka bialah khuan MIP tan hian ram an nei lova. Ram neilo kha eng thlai chi nge an pek dawn ?

S P E A K E R : Pu Lalrinliana pawh sawm tho mai ang. A chhanna a sei vak lovang.

PU LALRINLIANA SAILO : Pu Speaker, MIP an pek tawhna khua si, khawte zat zet aia tam mah pek loh an awm thin a. Biate ah pawh in 70 chuang thlan tawh sa an cut leh tak an awm a, min telh sak leh thei ang em ?

PU H. RAMMAWI MINISTER : Pu Speaker, a hun takah in pe thei ang em tih zawhna kha Ngopa bialtu zawhna niin ka hria. Tunah hian guidelines siamthat mek anih avangin a tih dan tur chianguang tak kan la duan fel loh avangin kan duan fel hunah a awmdan kan sawi thei ang tih ka chhanna a ni. Tin, IWDP dawng tawhte MIP atanga tuam veloh tur tihna lam niin ka hria a, hei tak hi Pu Speaker, guideline siamthat a ngaihna chu hengte nen hian tang tlang a, coordinate khan awmzia a nei thei dawn a, chung ngaihtuahate nen chuan tunah hian guideline kan siamthatna chhan pakhat a ni tih kan sawi duh a.

PU LALDUHOMA : Pu Speaker, ka bial Sawleng-ah IWDP hnuuia beneficiaries ho kha an cut vek a ni. Chu chu an dawnglo tur reng nge kan hrechiang ve si lova, engtia hrilhfiah tur nge ni. ?

PU H. RAMMAWI MINISTER : Pu Speaker, cut tawh kha chu cut tawh a ni mai ang a, a hma a kal tawh anih avangin tuna siamthat theih chi chu a ni lovang a, a hma kha chuan a theih chung kha chuan duplicate lo se tih ngaihtuahna nena thil kal anih avang khan an cut ni turah ka ngai a. Chhungkua engemaw zat chu an cut a ni tih kan hria Ratu bialah chauh lo pawh. Tin, Saitual bialtu zahawm tak zawhna in kind a pe lo hian a pawisa fai hian awmze nei hian Rs.50,000/- te hian pek theih nise a tha zawk lawm ni tih kha Pu Speaker, a dikna lai a awmin ka hria. Mahse, a lehlamah chuan that lohna lian tak a awm ve tawh a, kan practise-naah khan a takin kan hmu tawh a, khangte avang khan chem hriam tak mahni insah nana tha silo, lo vah nana tha ang deuh hian sum an hmuh hian kan farmer te an inang lova, khatianga awm thin avang khan a aia kawng tha zawk a awm em tih hi tunah hian kan ngaihtuah mek ani tih ka chhanna ni sela.

Pu Speaker, Kawrthah bialtu zahawm takin ram neilote hian eng thlai nge an chin ang tiñ kha heng avang takte hian a nia guideline te pawh kan siamthat a ngaihna. Farmer te an inang lova, a then chu dik tak ten an ti a, a then chu dik chiah bik lem lova, chu chu a hnuah heng House-ah te hian kan in chhuahchhal leh ta si a, khawchhunga kan Farmer Association te thil tih dik loh rah kan Officer te pawhin kan hriatpui loh tha kan tih loh, mahse a hnu a lo lang leh si te hi a awm thin avang hian uluk deuhin i en ang tiin tunah hian a guideline kan siamthat tumna chhan pakhat a ni a.

Tin, Pu Speaker, House information atan MIP ah ka bial chungchang kha Saitual bialtu khan a sawi a, mahse wind up na ah khan ka sawi lem lova, House information atan ka bial Pang khua IWDP thlan chungchangah khan 209 thlan anni a, mahse Minister inrawlh vang a 166 hnawl a, 148 pawm ang khan chanchinbu hrang hrangah a chhuak a, Aizawl ah kan hmu theuh ang a, chanchinbu tinrengah a chhuak a, P.R. te ani maithei a. Thil awmdan ka sawifiah lova, thil awmdan chu hei hi a ni - Pang khua hi MIP Phase-II a mi an ni a, Phase-II chu 2003-2004 period a mi kha an ni a, 2003-2004 period chu 2004 March thla a tawp tur a ni a, 2004 February thla a Pang khua a ka kalin "Pang khua hi in engzat chiah nge maw in nih le, tunah hian in 200 chu in tling tawh lo maw" tiin ka zawt a, an V/C ten tling ve tawh e, in 202 kan ni an ti a, chu chu an rawn thlannaah khan in 209 a ni tlat a. Engtingge in 202 in ni si a, in 209 anih tlat theih ? enchiang leh teh u, a in aia tam te in thlang a ni lo maw, Pang khua ah hian High School, Middle School leh Primary School pahnih a awm a, Sangau ah IRO Office hnathawk an tam kan hria, Sub-Centre te pawh a awm a, chuvang chuan helai hi chu en tha leh teh u, kan in tih lai thil mai a ni. Pu Thangchemsanga hming hmerhin chanchinbuah pawh a lang a, Pu Thangchemsanga'n a tir tih angte kha Pu Speaker, Pu Thangchemsanga kha an hrechianglo maithei a, tun tum MLA inthlanah te kha chuan MNF tan ni lovin pawldang tana thahnemngai taka campaign anih kha kan hrelo a ni maithei tih kha House information atan kan sawi duh a ni e.

S P E A K E R : Pu Rohluna zawhna kha chhan loh niin a lang a.

PU H. ROHLUNA :

Pu Speaker, 2005-2006 chhunga hmalak tharna tur khuate kha engzatnge tih mai kha a ni a, kha kha i hrelo nge ?

PU H. RAMMAWI :
MINISTER

Pu Speaker, guideline kan siamthat mek avangin tunah hian kan sawi thei mai rihlo a ni.

PU LALRINLIANA SAILO :

Pu Speaker, hmannah Demand sawi ni khan ka sawi tawh a, Biate ah mi 70 chuang kha Rs.30/- an collect vek hnuah MIP beneficiaries

turte tan 70 chuang an pe ta lova, tunah hmalak leh zelna turah hian khaw te aia tam mah la lo an la awm a, chu chu min cover sak leh thei ang em tih chauh a ni, Pu Speaker.

S P E A K E R :

Kha kha chu a chhangin ka hria. Starred Question No. 123-na zawt turin Pu Sailothanga Sailo ilo sawm ang.

PU SAILOTHANGA SAILO:

Pu Speaker, Higher & Technical Education Minister chhan atan - (a) SLET atan sorkarin cheng engzatnge fee a pek ? (b) SLET

leh NET hi inang reng a ngaih tur a ni em ? (c) Hna pakhat lak turah SLET leh NET qualified in dil ve ve se, tu zawk nge sorkarin tha a tih zawk tih ka zawt e.

S P E A K E R :

Chhang turin Higher & Technical Education Minister Dr.Lalzama i sawm ang.

Dr. LALZAMA MINISTER : Pu Speaker, SLET atan Sorkar in cheng engzatnge fee a pek tih kha Rs. 1,25,000/- a/ ni a, affiliation fee Rs. 1,00,000/- leh center fee Rs. 25,000/- nena belhin a ni. Tin, SLET leh NET hi inang reng a ngaih tur a ni em? tih kha chu hnalak chungchangah a inang reng a, a huam zauh lam a inang lo mai a ni e. Tin, hna pakhat lak turah SLET leh NET in dil ve ve se, tu zawk nge lak tur tih kha chu interview-na a ti tha zawk zawk a ni mai. Academic record te an en ang a, interview na a ti tha zawk zawk kha a tha chu a ni mai.

S P E A K E R : Starred Question No. 124-na zawt turin Pu Lalhmingthanga ilo sawm ang.

PU LALHMINGTHANGA : Pu Speaker, ka lawm e. Ka Starred Question No. 124-na Minister zahawm tak General Administration Deptt. enkawltu chhan atan - Group 'A' Officer ten an hlawh siamthat an ngenna hi Mizoram Sorkar hian tih hlawhtlinsak a tum em? tih a ni e.

S P E A K E R : A chhang turin G.A.D. changtu Chief Minister zahawm tak Pu Zoramthanga ilo sawm ang.

PU ZORAMTHANGA CHIEF MINISTER : Pu Speaker, a chhanna chu hei hi a ni - Mizoram Sorkar hnathawk zawng zawngte hlawh siamthatna ngaihtuah turin Mizoram Pay Commission, 2005 din a ni, tih hi a ni e.

S P E A K E R : Starred Question No. 125-na zawt turin Pu K.Lalrinliana ilo sawm ang.

PU K. LALRINLIANA : Pu Speaker, ka lawm e. Ka Starred Question No. 125-na Horticulture Deptt. enkawltu Minister chhan atan - (a) Kolasib District Horticulture Office building hi tu sak nge ? (b) Pawisa engzatnge senral a nih ? (c) DHO & Staff Quarter sak tumna a awm em ? tih ka zawhna a ni e.

S P E A K E R : Chhang turin Horticulture Minister Pu H. Rammawi ilo sawm ang.

PU H. RAMMAWI MINISTER : Pu Speaker, a zawhna chhanna chu (a) Kolasib DHO Office hi Deptt. sak a ni. (b) Pawisa engzatnge senral tih kha. Rs.10/- lakh senral a ni tawh a, kum 2003-2004 ah Rs.5/- lakh, 2004-2005 ah Rs.5/- lakh. Avaiin Rs.10/- lakh senral tawh a ni. (c) DHO leh Staff Quarters, Kolasib ah sak tumna a awm em ? tih chu - Awm e. Kum 2005-2006 Annual Plan ah DHO Quarter, Kolasib sakna tur ruahman a ni tih ka chhanna a ni e.

S P E A K E R : Starred Question No. 126-na zawt turin Pu R.Lalzirliana ilo sawm ang.

PU R. LALZIRLIANA : Pu Speaker, ka lawm e. Saitual College building sakthat tumna a awm em ? tih hi Higher & Technical Education Deptt. changtu Minister zahawm tak chhan atan ka zawt e.

S P E A K E R : A chhang turin Higher & Technical Education Minister zahawm tak Dr. Lalzama ilo sawm ang.

Dr. LALZAMA : Pu Speaker, Saitual College building hi a la tha a, sak zawh bak erawh chu awmin a sak zawhna tur atan leh thildang pawimawh atan sum dilsak a ni a. Tunah hian a sakthatna tur ang chi kha chu sakthat tumna a awmlo.

PU LALDUHOMA

: Pu Speaker, a chhang thei thovin ka ring a. Keini North East ho tana Itanagar-a NERIST ah khuan kan naupangten kumtin quota an nei ve ziah thin a. NERIST ah chuan kan Minister zahawm tak pawh hi member a ni tih a inhriat ka beisei a. Engemaw harsatna chhete avangin kan quota kan hnawhkhatlo thin nia sawi a ni a. inchuh a na si a, tui lian avanga ni hnih khat tlai lek te pawh an lo hnarin state danga mi an luhtir zel tih hi a dik em ? kan quota ang hi kan chang full thei em ? Heng harsatna chhete te chhuanlam chhete te hmanga min dan an tumna hi sorkar hian a sutkian sak thei em tih ka zawt e.

S P E A K E R

: Kan zawhna chai mek nen chuan a relevant chiahlo na a, a chhan theih chuan han chhang sela a lawmawm khawp ang.

**Dr. LALZAMA
MINISTER**

: Pu Speaker, kha kha chu engemaw helama a selection-ahte kan lo khawtlai hlek palh emaw, tin, tlai loh pawhin a sawi ang khan chhuanlam lo siam an ching khawp mai a. Nikumte pawh khan, keima office atang ngei pawhin ka zuk phone viau tawh a, chutiangte pawh chuanin han puih chang kan nei a. Helai hi chu meeting-te a awm leh dawn a tunhnai majah hian kal turte pawh kan awm ang a, chungahte chuan kan lo sawi leh dawn nia.

S P E A K E R

: Starred Question No. 127-na zawt turin Pu Zodintluanga ilo sawm ang. 'record kan break dawn e' ka ti rilru a, kan lokal chak lutuk ani.

PU ZODINTLUANGA

: Pu Speaker, ka lawm e. Starred Question No. 127-na kan Minister zahawm tak Public Works changtu chhan atan - (a) Road Protection Squad atan sorkarin engzatnge vawin thlenga sum a sen tawh ? (b) He Protection Squad hian eng hna ber nge a thawh tih ka zawt e.

S P E A K E R : A chhang turin PWD changtu Chief Minister Pu Zoramthanga ilo sawm ang.

PU ZORAMTHANGA CHIEF MINISTER : Pu Speaker, kan Member zahawm tak Pu Zodintluanga zawhna chhanna chu - (a) Road Protection Squad bik atana vawiin thlenga sorkarina sum a sen tawh chu Staff ho tan hian (Salary) Rs. 41,42,471/- a ni a, POL atan Rs. 3,74,442/- a ni a, a vawiin Rs. 45,16,913/- a ni.

(b) Road Protection Squad hnathawh ber chu kawng anihna tur ang taka hman anih theih nan a kawng dal thei bungrua eng ang pawh kawng area a kan dah thinte leh encroach thin te, chung chu lo veng tura tih an ni e.

S P E A K E R : Pu Zodintluanga sawm leh ang.

PU ZODINTLUANGA : Pu Speaker, zawhbelhna. 45 lakh chuang kha Road Protection Squad bik khan an hmang tawh a ni a. an hnathawh tura kha hetiang ang kawngsira kawng daltu leh kawng ti thalotute ven hna kha a ni a, an venghim tha tawkin an in hria em ? Hei, Aizawl khawpui chhung hi nitin kan vei a, kan hria a, a tirah an dintirh kha chuan kan Minister changtu kha chuan thawmna tak neiin kha Protection Squad khan khawlaite an fang thin a ni a. Vawiinah hian Minister dangin an han chang leh ta a ni a, an thawm hi hriat tur a awm ta lova, khawlaia rod dahte, rod chhut te khatieng an phal loh thin a kha vawiin hianin a check-tute pawh hian an check tawhlo niin a hriat a, sum heti zozai seng si hian an hnathawhah hian sorkar hi hlawhtling a in ti em tih ka zawhbelh e.

PU LIANSUAMA : Pu Speaker, Aizawl khawpui chhunga kawng, mipuiin kan duat lohzia leh pawisak loh zia chu tlang hriat a ni a. Tuna ka hma a mi sawi ang khan Road Protection Squad an ding kha a lawmawmin mipuiin kan thaw hawk a. Mahse, tunah hian an activities hi a tlahniam hle mai a keini lokal chhohna kawng Temple Square leh Vaivakawn inkar kawngkam vel ringawtah pawh hian building material zawrh sum leh insakna hmanruate an chhek nasa lutuk a, tin, motor chhe ding, a ding kumhlun emaw tih mai turte hi a tam em em bawk a. Tin, Parking hmun atana sorkarin a ruahman lovah chhun zan zawmin rei tak tak a ding bawk a. Hengte tikiang tur hian Road Protection Squad kha tunhma ang khan a tharthawh theih lawm ni ? Tin, tunhma leh deuh khan D.C. Office-ah hian Magistrate 1st Class power te pawh pe in Town Administration dah thin a ni a, khangte pawh kha han tharthawh leh nise. Mizo hi thuawih thei tak, hlauh tur an awm loh chuan in thlahthlam thei tak kan ni a, chutiang zawng chuan he Road Protection Squad hi a thumthat theih deuh lo maw ? Tin, tun ai hian an nawr chak theih deuh hlek lo maw ?

Tin, a in laichin tho ang a, Road Protection chan lam, Home chan lam chu a ni deuh nangin Chief Minister a chhangtu a ni tho bawk a. Kan Traffic Police-te indaihlo lutuk neh hianin a in kaihhnawih tlat mai a, hei hi improve theih hlek dan a awm tel ang em ?

S P E A K E R : Pu R. Lalzirliana

PU R. LALZIRLIANA : Pu Speaker, ka lawm e. Ka hriat loh vang nge, Road Protection Squad hi Sorkar hnathawk PWD lam leh a Chairman ah Minister lam te leh Sanitation lam a mite an lamkhawm thin ni khan ka hria a. Chutiang anih chuan salary leh vehicle atana pawisa hman vak kha engnge a awmzia ? Pawisa nuai 40 chuang zet kan hmang anih si chuan staff te a hranin kan nei nge ni, office hran a nei em tih kha min hrih thei se.

S P E A K E R : Chhang turin Chief Minister ilo sawm leh ang.

PU ZORAMTHANGA Pu Speaker, Pu Zodintluanga leh.
CHIEF MINISTER Pu Liansuama zawhna kha hlawm-

Protection Squad te hi an active tur angin an active tawklo angin member ten kan hria kha dikna chen a awm ka ring a. A Deptt. lam pawhin tan kan la lehzuat ang a, House-ah kan member ten hei ai hian tan lak a ngai a ni in tih chuan a dik ka ring a. Chuvangin, tan kan lo la lehzuat ang a, Development a lokal a, insak te a pun hian kawng hi vawikhat clear chho mah ila englaipawha vil reng loh chuan an lo ti hnawk ve leh thin bawk nen kawngsira motor chhia dahte leh rod chhut te leh dah te nen khan. Chuvangin, a tul angin administrator te leh magistrate te pawhin hma kan lo la ang a, active lehzuat pawh kan lo tum ang e. Tin, kan mipuite hi Road Protection Squad ten an tih hi chuan luhlul tak tak hi an awmlo viau a, rin aain thu an awi a, a deptt. pawhin chak lehzuatin hmalak kan lo tum ang a, magistrate in an nawr a, chawitir ngai khawp tumah an awm lova. Helajah hi chuan Deptt. in chak lehzuatin hma kan lo la ang e.

Tin, kan Member Pu Suama zawhna Traffic Police-te indaihlo tih kha a dik a. Tunah chuan kan police-te pawh I.R. Battalion lakthar lehna turte pawh alo chhuak dawn a, a indaihlo zual hi chu insiksawi kual dan kan lo en ang a. Tin, kan Finance Commission pawisa lochhuak tharah hian hnaruak fill up theihna a indaihlo zualpuite hi chu tih theih dan a a wm turah kan ngai a, kan Traffic Police te leh kan Police te indaihlo zual lai hi chu hei hian a thawm theih ka ring.

Tin, Pu Zira zawhna kha Staff hi PWD lamah Road Protection Squad ah hian a post hi an fill up kim lova, a thenah chuan awmbelhna lai a awm bawk a, he Road Protection Office ah hian SDO an awm a, tin, Inspector anga kan dah J.E. te leh Sub-Inspector anga kan dah S.A. te U.D.C. pakhat L.D.C. pakhat leh Peon pakhat Staff an awm ve a, an hlawh atan chuan kan sum hi hman a ni a. Tin, POL tlem a awm bawk a tunah Road Protection Officer pakhat kan nei a, Inspector phei chu kan nei lova, Road Protection Officer chu SDO ka tih kha Inspector atan J.E. kan nei lova, a aiah Sub-Inspector ah S.A. kan nei a, U.D.C. kan nei lova, L.D.C. leh Chokider pakhat ve ve kan nei bawk a. Mahse, S.A. erawh chu paruk lai kan nei a, chungte hlawh awmkhawmah chuan PWD a mi kan depute a te kha kan total khawm kha a ni a. Chuvangin, heng hi kan pawisa hmanna te kha a ni a.

S P E A K E R : Starred Question No. 128 zawt turin Pu Andrew Lalherliana ilo sawm ang.

PU ANDREW LALHERLIANA : Pu Speaker, kan Minister Agriculture Deptt. changtu chhan atan ka zawt e. (a) Khawzawl biala Chawngtlai Phaisen Agriculture Link Road siam mekah hian sorkarin sum engzatnge a sen tawh ? (b) Engtikah nge zawh anih ang ? tih ka zawt e.

S P E A K E R : Chhang turin Minister, Agriculture Pu H. Rammawi ka sawm e.

PU H. RAMMAWI MINISTER : Pu Speaker, a chhanna chu - (a) Sorkar sum sen tawh chu kum 2003-2004 ah Rs. 2,00,000/- a ni a. Tin, 2004-2005 ah hian Rs. 2,00,000/- senbelh thei turah kan inngai a. Engtikah nge zawh anih ang tih kha, a chhanna chu - A zawhnni leh thla chu sawi theih a ni lova, a hma thei ang ber a zawh kan tum tih ka chhanna ni sela. Kan zawhtlai nachhan hi culvert pakhat siam a ngaih ve avangin sum tlemin a kal lo thei lova, chuvangin kan zo tlai a ni.

PU ANDREW LALHERLIANA : Pu Speaker, kan Minister chhannaah khan kum kalta a 2 lakh hman a tih kha, nuai 2 sanction chu ani ngei a. Mahse, an hmanna kha culvert siamna deuh chauh ah khan sing riat vel an hmang an ti a. A dang kha a tirah chuan a la awm alawm tiin siambelhna atan khan. Mahse, a hnuah Deptt. a Staff ten an puk zo a ni tih a awm leh a, nuai 2 atanga sing 8 vel chauh hman ni a ngaih ani tlat a ni. Mipuite pawhin Chiang takin an en a, kan Minister in hei hi min chhui chian sak sela.

Tin, a zawh hun tur chhanna kha hei hi kan hmanhmawh avangin ka zawhbelh a ni a, kan Chief Minister sawiah pawh khan Phaizawl siambelh hi hnapui bera neih turin Bulldozer te nen nawr a hmalak tur a ni tih kha a tha hle in kan hria a.

Khalai hmunah khan Bulldozer hire a lakluh nise chuan a kawng siamna a ni nghal mai dawn a. Tin, a phaizawl siambelh tur khi hectare 100 chuang fe siambelh tur a awm bawk nen, a hlawk dawn a kan hriat avangin khawngaihin min hmanhmawh sak thei em aw ? Hemi Intodelhna Programme atan chuan a tha a ni.

S P E A K E R : Starred Question No. 129-na zawt turin Pu R.Lalzirliana ilo sawm ang.

PU R. LALZIRLIANA : Pu Speaker, ka lawm e. Vigilance changtu Minister chhan atan -
(a) Prevention of Corruption Act hian sorkar hnathawk ten an hlawh leh midangte hriatpuia an sum lakluh mil lo tawpa sum emaw, in leh lo emaw an neih chuan hrem theih niin a sawi a. Hetiang chungchangah hian sorkar hnathawkte hi mimal taka hektu an awm kher loh chuan sorkar hian hma a la theilo em ni ? (b) Hetiang kawnga tumahin an hek kher loh a sorkar a lo thianghlim theih nan Mizoram sorkar hian a ma pualin hmalak tumna a nei em ? tih ka zawt e.

S P E A K E R : Tunah a chhang turin Vigilance changtu Chief Minister zahawm tak Pu Zoramthanga ilo sawm ang.

PU ZORAMTHANGA CHIEF MINISTER : Pu Speaker, kan member zahawm Pu Zira zawhna chhanna chu -
(a) Prevention of Corruption Act Hmangin Sorkar hnathawkten an hlawh leh midangte hriatpuia sum lakluh millo tawpa sum emaw in leh lo emaw an neih chuan hrem theih an ni a. Hetiang kawngah hian a tul angin sorkarin hma a la thei e. (b) Hetiang kawnga tumahin an hek kher loh pawin sorkar hian a lo thianghlim theih nan Mizoram Sorkar hian ama pualin hmalak tumna a nei em ? tih kha - Hemi chungchangah hian a tul a ng zela hmalak chu sorkarin a tum a, a kaldan tur pawh a ni e, tih a ni.

PU R. LALZIRLIANA : Pu Speaker, zawhbelhna - Hei Mizo kalphungah hian inhek te hi a hrehawm khawp mai a, hetiang ang sorkar hnathawk bikte sang tam tak mitha an awmlaiin zak miah lova eiru lang ham ham ngam i. engemaw zat an awm a, an tam lova. Chutiang chu kan hming sawi kher lo hian, a sawi pawhin vantlanga puang kherlo pawhin sorkarah hian hek ta ila an hming kha thupin a awm thei ang em ? tih kha kan zawt leh duh a ni.

S P E A K E R : A chhang turin Chief Minister ilo sawm leh ang.

PU ZORAMTHANGA CHIEF MINISTER : Pu Speaker, an hmingte chu tarlang veklo pawhin Vigilance chuan mi engemaw zat a chhui tawh thova, chuvangin a hektua kha tarlang kher lovin tam tak a chhui tawh thova, kha kha chu thil theih tho a ni.

S P E A K E R : Starred Question No. 130-na zawt turin Pu Sailothanga Sailo ilo sawm ang

PU SAILOTHANGA SAILO: Pu Speaker, Higher & Technical Education Minister chhan atan Starred Question No. 130-na ka zawt e. (a) Higher & Technical Education Deptt.-in Guest Lecturer Panel siam a tum em ? (b) Lecturer awmsa an indaihlo em ni ? (c) Guest Lecturer te sorkarin engzatnge hlawh a pek ?

S P E A K E R : A chhang turin Higher & Technical Education Deptt. changtu Minister Dr. Lalzama ilo sawm ang.

**Dr. LALZAMA
MINISTER**

fixed a ni e.

Pu Speaker, Starred Question No. 130-na chhanna chu a hnuai a mi ang hi a ni e. (a) Tum e. (b) Aw, an indaihlo (c) Rs.4500 p.m.

S P E A K E R

Starred Question No. 131-na zawt turin Pu Andrew Lalherliana ilo sawm ang.

PU ANDREW LALHERLIANA

Pu Speaker, ka lawm e. kan Minister zahawm tak Planning & Programme Implementation Department changtu chhan atan kan zawt ang a. (a) Mautam dona tur a sorkar pawisa ruahman zawng zawng engzatnge ? (b) Scheme hrang hrang engzat hnuaiah nge ruahmannate siam anih ?

S P E A K E R

A chhang turin Planning & Programme Implementation changtu Chief Minister, Pu Zoramthanga ilo sawm ang.

**PU ZORAMTHANGA
CHIEF MINISTER**

Pu Speaker, kan member zahawm tak Pu Andrew Lalherliana zawhna chhanna chu hetiang hi a ni e - (a) Kum 2004-2005 atanga 2008 -

2009 chhunga Mautam dona tura sorkar pawisa ruahman, estimate chu vaibelchhe 566 nuai 54 sing riat leh sangkhat a ni a. Tin, Deptt. hrang hrang 14 hnuaiah heng scheme hrang hrangte hi siam a ni e.

PU ANDREW LALHERLIANA

Pu Speaker, Mautam dona atana scheme hi ka bial nena inzawm deuh hlek ka zawt duh a, Bamboo Road Project tur atan anih ka ring a, Tualpui, Khawzawl, Ngaizawl te kha ruahmanna kha a awm niin kan lo hria a, khi khi kan mamawh hle mai a, a bik takin tunah hian motor a kal thei tawk tawk a ni a, a bik takin Tualpuiah te khanin Road scheme te kha a awm anih chuan khawngaih takin a hmanhmawh theih deuh lawm ni ? Kan mamawhna atangin Tualpui, Ngaizawl te khing khuate khi tih kha kan zawt leh duh a ni e.

PU ZORAMTHANGA
CHIEF MINISTER

Pu Speaker, Khawzawl - Tualpui road kha kan BAFFACOS Mau-tam dona kawng hnuai a awm anih pawhin Bamboo Road type chuan a kal em tih heti mai hi chuan ka chiang chiah lova. Amaherawhchu, kawng hi chikhata kal tir kan tumna chu thingtlang khua buhfai kan phurh thlenna tur atana PMGSY in Truck Road a lain hma khan buhfai thiar thlen a lo ngai ta si thin a. Chu chu Motor te Gypsy leh Jeep tena a kal thlen theih tur tal khan a tha pangngai a thlen loh chuan head load ngawt chuan tih remchang a ni dawn lova. Chuvang chuan thingtlang khua a kilkhawr leh harsa zualte chu he kan BAFFACOS hnuai hian motor te tal pawha emergency a akal tlang theihna tur tunah hian kan buaipui mek a, chung chu scheme chi hrang hrang pawh PWD ah an rawn thehlut a, chuta tang chuan kan kalpuina tur a awm a. Tin, khami PMGSY pangngai ang khan engemaw chen chu a kal bawh ang a, Bamboo Road hrim hrim erawh hi chu BAFFACOS hnuai ai mahin tuna kalpui kan tumdan chu hemi DONER hnuai NLCPR atang hian Bamboo Road chu kalpui kan tumzawh mah a ni e.

PU ANDREW LALHERLIANA :

Pu Speaker, helaia Bamboo Road ka han tih kha BAFFACOS tih kha a dik zawkin ka ring a, kha kha ka sawi sual deuh a ni e. Tin, zawhbelhna kha - Khawzawl bial pumpuiah mai ni lovin khawchhak lamah khian Motorin a la thlen ve lohna khaw pakhat awmchhun a ni tawh mai awm mange aw, ka ti a. Vankal khua kan nei a, khi khi tun BAFFACOS emaw, a remchang anga scheme siam theihin motor hi lut ve hram thei se, chutiang chuan ngaihtuahna kan Chief Minister hian a hmang thei lawm ni tih kan zawhbelh leh e.

PU LALHMINGTHANGA :

Pu Speaker, ka lawm e. Kan Chief Minister zahawm tak thusawi atang khan beiseina thar tun maiah khan min siam a. Hemi Supply-ina thingtlang khaw kilkhawr berte pawh a thlen theihna turin kawng hi siam tum a ni a tih tak khan saw ka bialah sawn Lunglei'S' nisi, khaw pahnih Runtung leh Buknuam saw motor-in a la thleng ve lova, Jeep pawhin a la thleng lova, a kal a harsa em em a, an tan pawh ration buhfai han lakte a harsa a. Entirnan - Rungtung chuan Hauruangah an rawn lak a ngai a, Buknuam chuan Lungrangah an rawn lak a ngai a, hemi pahnih hi min lo chhinchhiah sak in kha scheme-ah khan tun 2005-2006 inkar programme ah hian min lo telh ve thei ang em ? tih kan ngen duh a, kan zawt duh bawh a ni.

S P E A K E R : Chief Minister ilo sawm leh ang.

**PU ZORAMTHANGA
CHIEF MINISTER** : Pu Speaker, kan Member zahawm tak Pu Andrew-a zawhna - Vankal kawng kha a kal dan tur hi tuna kan sawi ang khan chi hnih a ni a, Vankal te chu PMGSY in a thlen theih tura tih a ni a, PMGSY kha wawi leh khatah Mautam hma in kan ti tlang nghal fai vek theilo maithei a, chutiang anih avang chuan he kan BAFFACOS hnuaiiah hian chumi PMGSY kawngin a thlen hma pawhin kawng te, Jeep talin supply a pek theihna tura tihdan chu kan programme a tel anih avangin khalam kha kan lo ngaihtuah zui bawk ang a.

Chutiang bawkin kan Member zahawm tak Pu Hminga zawhna Runtung leh Buknuam Jeep thlen loh tih pawh kha Mizoram chu Jeep in a thlenna hnih loh khua tih tlak pangngai chu awmlo tura kan scheme anih avangin hetah pawh hian kan lo telh bawk ang e.

S P E A K E R : Starred Question No. 136-na hi wawin a kan question 12-na tur tur a ni a, ka hriat theih chinah chuan zawhna kan lak tam ber tum a la ni dawn a, a zawt turin Pu F. Lal Thanzuala i sawm ang.

PU F. LAL THANZUALA : Pu Speaker, ka Starred Question No. 136-na Horticulture Deptt. changtu Minister chhan atan - Thingfanghma ching turin Sorkar in engangin nge hma a lak ? tih ka zawt e.

**PU H. RAMMAWI
MINISTER** : Pu Speaker, a chhanna chu - Thingfanghma ching turin sorkarin tunah hian a bul tanna atan Hectare 250-ah hmalak a tum a, a chingtu tur sorkarin a thlang mek a, a chi hi a variety swallow papaya variety a ni a, a chi hi tunah hian chite farm ah kuitiah mek a ni a. Kan tharchhuah hunah hian a leitu tur atan Sun Fruit Limited nen MOU kan sign tawh a, kan tharchhuah hi Sun Fruit Limited ho hian kg. 1 Rs.5/- zelin an lei dawn a ni.

PU LAL THANZUALA : Pu Speaker, ka zawhbelhna - Thlan bik area a awm em ? tih a ni.

PU LALHMINGTHANGA : Pu Speaker, Thingfanghma ching tura kan sorkarin a rawchhuak hi a tha viauin ka ring a, a tir atang khan ka support a, kan Mizo thinglung hna han thawh a, a rah seng nghal mai duhna nen hian a inmil em em in ka hria a, a puitling hma a, kan ram sik leh sa nen a inmil bawk a, hectare 250 kha a area a target a ni a. Hetah hian mihring engzatnge chingtu tur kha hectre 250 ching puitling tur hian ruahman anih ? Lo ni tase, ka bial bawk kan sawi ang a, Pu Thargtea bialte nen hian Lunglei Urban Area tih in a huam si, mahse thingtlang eizawn dan dik taka eizawng ho, Theiri at te, Lungpuizawl te, Lunglawn te, Runtung te, Hauruang te, Buknuam te, Ramthar te sawng ho saw compact area deuh a ni dawn anih pawn hectre 250 zingah hian engemaw zat kha chang ve turin sawngah sawn select theih an ni a ngem ? Chu chu kan Minister hian min tihsak thei ang em ? A chhan chu Rural Area ah an economy nei an ni a, Urban Area ah chhiar an nih takah khan R.D. Programme hian a huam tawh si lova, an khawngaih thlak em em mai a. Chutiang tho chuan hetah Pukpui te, Zohnuai te, Zotlang te, Vanhne te, Rahsi Veng te, Sazaikawn Pu Thangtea bial pawh anni tho mai. Kha kha ka zawt duh a ni.

PU ANDREW LALHERLIANA : Pu Speaker, Horticulture Deptt. changtu Minister zawhna hi a khat bawk a, a lo chhuah tumin hetiang hian kan zawhbelh duh a. Ka bialchhung Kawlkulh ah hian Serthlum a tam nasa em em mai a, an pawisa hlauh zat chu nuai kua leh sing li leh 2918 chuang pawisa an hlauh a, kung 16000 chuang a thi a ni. Hei hi mithiamte rawn en tura an tih khan an en lo a, hriat a ni a, a pawihle mai a, engnge a chhan an en thei lawm ni ?

Adang lehah chuan heti khawpa an sum lakluhna hnar a chhiat takah chuan Kawlkulh Serthlum grower te khi sorkarin tanpuina compensation a pe thei lawm ni ? tih ka zawhbelh duh a ni.

PU LALDUHOMA : Pu Speaker, ka zawh duh chu tuna an sawi Thingfanghma chi kha an thlan chhuahte chauh em ni an pek dawn ? a leitu tur company hrienah khan sorkarin a chintirte thar chauh em ni hralh theih dawn tih ka hre duh a. A chhan chu midang pawhin a chiin a daih chuan an mahni huanah an lo ching ve duh ang a, khatiang rate tho khan an hralh ve thei dawn a, chu pawh chu a huam thei lawm ni ? a chi pawh kha thildang tangkai vak lo tih teuh ai chuan mamawh khawp tur, midang duh ve pawh kep theih turin a siam theih em ? chung mite chuan an huanah ching ve in market chiangsaah an hralh ve theih chuan a tha dawn lawm ni ?

PU H. LIANSILOVA : Pu Speaker, ka lawm e. Kan zawh-belh duh chu - Tuna Thingfanghma chin tur ruahmanna hi a tha hle in ka hria a, kan ngaihthlak tawh ang khan. Hei, hi tunlaia contract farming an tih system niin a lang a, MIP kan sawi tawhah khan a guideline te enthat leh tumna sorkarin a nei ani tih kan hria a, MIP pawh hi hetiang contract farming system hian kalpui nise a tha lawm ni ? Sorkar hian ngaihtuahna a hmang zui thei lawm ni tih ka zawt duh a ni.

PU SAIKAPTHIANGA : Pu Speaker, hectare 250 chinna tur ram buatsaih a ni tih kan ngaithla a, hetah hian chhungkaw engzatnge leng ang ? tih ka zawt duh a, Thingfanghma hi a tiak chu nem tak, dimdawi ngai tak a ni a. Kui tiah sa a sem hi nge mipui tan tha zawk ang a, a chi a mipui pek tih kha Deptt. ngaihdan hriat a chakawm a, ka zawt tel duh baw a ni.

Khawthlang lama kan Home Minister bial pawh telin, kan Ser huan zawng zawng a chhiat tawh avang khuan ram faisa ram awl kan ngah hle mai a khung kan ser thlakna tur atan khuan Tuidam, Horiculture Division hnuaiah khuan chhungkaw 400, 500 tal min cover thei sela, kan chhawr ngawt ang tih ka ring a, chutiang chuan khawthlang lam hawiin hma a lak ve theih ang em tih kan zawt duh a ni.

**PU H. RAMMAWI
MINISTER**

: Pu Speaker, a hmasa berin zawhna neitu Pu F. Lal Thanzuala zawhbelhna kha thlan bik area a awm em i tih kha 'awm e'. Bul tan tur kan nih avangin fimkhur takin i ti ang kan ti a, a leitu turte nei pawh inrawnin Aizawl Area hnaih kha an duh a, chuvang chuan Aizawl atanga hla lo nise an ti a ni. Area kan thlan bikte chu Khamrang tlak lamah a ni a, tin, Lengpui bul Sairum area chu kan thlang bawk a ni. Chulo leh ah chuan Tlawngzau an ti a Lawipui thlang khu kan thlang chhin phawt a, area hi fimkhur ve deuh hlek a ngai a, hei hi organic a ni tur a ni a, inorganic an duh lova. Chuvangin, helai area hi bul tan nan kan thlang phawt a ni. Kan hlawhtling anih chuan hak kan zauh leh deuh hlek ang chu tih ngaihtuahna in tunah hian kan kal a ni.

Pu Speaker, Pu Lalhmingthanga zawhna kha, khatiang ang bul tanna-ah chuanin Aizawl hnai vai kan thlang, an supervise na a hnaih avangin.

PU LALHMINGTHANGA

: Pu Speaker, a dik chiah mai a Company te agreement siam anih chuan. Amaherawhchu, Aizawl hnai an supervise theihna leh anmahni pawhin a inspect theihna chiah tho khan road facility leh engkim hi Lunglei-ah sawn a thleng ve tawh si a, chuvang chuan review leh theihthe anih chuan ka ngen a ni e.

**PU H. RAMMAWI
MINISTER**

: Pu Speaker, Thingfanghma hi variety dang deuh hlek anih avangin low land area metre 600 hnuailam hi an duh a, cultivation ah pawh hian khatiang anih bakah khan delicate deuh mai a ni a, a tirah chuan thlawhna in kan phur mai ang an ti a, a target hi export oriented a ni a. Amaherawhchu, a hnuah khan darkar 24 chhungin by-road in a thleng thei tih an hriat khan by-road a phurh leh a Guwahati atanga Bombay kha darkar chuti zatah a thleng thei ani tih kha an hrethar leh a, tah khan by-road a phurh leh kha an tum a ni. Chuvang chuan a vawikhatna atanah chuan keini pawhin hertare 600, 1000 talin kan nawr ve a, a bultanna-ah chuan hei hi i ti phawt ang u, a tul d an a zirin hak kan zauh dawn a nia, an ti a. A chi hi a thlawnin min pe ve thung a ni. Chuvangin, Lunglei lam leh hmundang kha kan cover ve thei dawnlo a ni, a hnuah cover dan tur chu awm turah ngai ita.

Tin, Kawlkulh Serthlum chungchang Khawzawl bialtu zawhna kha a buaithlak khawp mai a mithiamte kan rawn pawhin tihngaihna an hre bik lova Serthlum tam hi National Research Centre for Nagpur Scientist kan chah chhuahte pawh khanin hetiang tam tawh hi chu tih ngaihna an hre bik lo a ni. A chi atangin fimkhur a ngai ani an ti a ni. Chutiang ang chua. Serthlum tam chungchang hi Scientist tepawh an harsatna a ni. Compensation pek tih kha chu Pu Speaker, tunah rih chuanin khatiang ang a sorkarin ngaihtuahna kan hmang rih lova, amaherawhchu, a tul dan a zirin a crop thlak dan erawh kha chu sorkarin ngaihtuah zui a ngai dawn a ni.

Pu Saikapthianga zawhna pawh kha ngaihtuah ngun a ngai a, farmer-te an beidawng deuh tawh a, a thlakna turte pawh kan ngaihtuah a. Amaherawhchu, Central atangin tuna well-pump kan tihte khu a area a tha tur a ni a, allocation min pek dan tur kan hriat rih loh avangin kan tawng ngam rih lo a ni tih kha ka chhanna ni zui sela.

Tin, Kawrthah bialtu zawhna Thingfanghma hi kui tiah hian nge tha ang a, a chi a sem tih laia kha. Mizoramah chuan a chi a tuh hian a tha duh khawp mai a, mahse kan rawt thin a engpawhnisela, bul hnih khat te chu in ti ve chauh ang a kan tihdan hi a ni ve lova, anmahnin khatiang ang khan kan kal a ni.

Pu Lalduhoma zawhbelhna kha - Thlante chauh lo kha chu tun tumah hian chin tir kan tum rih lo a ni. A thlan danah pawh hian Deptt. te an fimkhura uluk takin Deptt. ten an en mek zel a ni.

Tin, a dang chin hi MOU kan sign pui hian a lei ang em tih laia kha, a variety a hi an duh uluk khawp mai a hemi variety a hi chidang a ni a, tuna local variety nen a inang lova ni, a rah pawh a te ta a, a te kha export ah an duh avangin. Chumi anih avang chuanin a variety kha No. 1 a ni phawt ang a, a chin dan a kha organic a ni tur a ni tih kan duhdan anih avangin midang local variety ang te kha chu an lei loh hmel a ni.

Tin, Pu Speaker, Aizawl North - II bialtu zahawm tak Pu Liansialova zawhbelhna kha a dik khawp mai tuna MAP guideline kan siamtha mek kan tih pawh hi hetiang ngaihtuahna nen hianin tuna hetiang anga kan hmalakna nen hianin tan ilan tira a theih chin khatiang ang tangkai zawka farmer te tan pawh, tin, kan hnam tan, kan ram tan pawh awmze nei zawka kan kal theihna turin production oriented anih rualin a thenah hi chuan market oriented a ke kan pen a ngaih avangin uluk takin khatiang lam hawi khan kawng kan zawng mek a ni tih kha ka chhanna a ni e.

S P E A K E R

: Kan question hour a lo' tawp ta a, List of Business a kan kal hma in kan member zahawm tak Saitual bialtu Pu R. Lalzirliana'n Zero Hour hman a rawn dil a, thutlukna kan siam hma in zero hour tih chungchanga bulletin kan lo' chhuah tawh nikum 25th November Bulletin No. 27 Part-II kha a pawimawh z'ual hi kan chhiar ang a, 'Recommendation made by the Committee of Presiding Officers on regulation of zero hour of the hon'ble members' pakhatna te-ah 'Zero Hour may be brought within the ambit of rules and given the nomenclature special mentioned' tih a ni a, palina te-ah khan 'only those matters which arise during the period after the conclusion of the previous days sitting and before the commencement of the day's, sitting be permitted to be raised' tih a ni a. Pasarihna te-ah 'the text of the notice may be restricted to a minimum of 150 words' pakuana te-ah 'during special mention 10 members may be permitted to make submissions and on an average 2 minutes may be given to each member to raise an issue', sawmna te-ah chuan 'the text of the notice should be read out by the member and no speeches should be allowed'. Sawmpakhatna te-ah 'the concerned minister may respond immediately to the matter raised if he has the information readily available with him otherwise the reply may be given by the minister at the earliest' tih a ni a. Hei hi rules ah chuan kan la siam chiah lova han hmang chhin ila, rules a kan tihngal mai chuan memberte pawh kan chep lutuk thei a tih ngaihdan kan neih deuh avangin rules a lakluh mai hi a la tut tut deuh e tihna rilru kan nei a. Amaherawhchu, hetiang hi han hmang chhin ila a tha ange tih rilru chu kan nei bawk a. Chutiang rilru nen chuan Pu Zira rawn thehluh hi uluk takin kan ngaihtuah a, zero hour ni lovin special mention ang hian han hmang chhin sela.

Tin, a in ziaka kha a copy a nei tho ang a, a rawn thehluh hi chhiar mai sela word 150 ai chuan a tam deuh a, a let hnih velin a tam a, a let khat ni lovin a let hnih velin a tam a, tichuan a chiang thovin a rinawm a, kha kha tiang chuan hun han hmang mai sela a tha in ka ring a, chuan special mention angin he issue workman compensation vanga PHE M.R. Skilled-II ban chungchang chu a ni a. Tiang chuan hun han hmang sela a tha ang e, tin Minister in a chhan nghal theih chuan chhanna a pe thei ang a, amaherawhchu a chhan nghal a rem loh deuh pawhin remchang hmasaah a chhanna pe turin beisei ila a tha ang e. Ilo sawm ang Pu R. Lalzirliana.

PU R. LALZIRLIANA :

Pu Speaker, i zahngaihna avangin hun min siamsak thei a, ka lawm khawp mai Workman's Compensation claim vanga ban V.L.Lura s/o

Liansawta, Borai, Zawlnuam kum 30 mi tuna Lawipu Veng, Aizawl khawsa mek a nupui Lalnunziri leh a fate pahnih chu 24th March khar Skilled-II Muster Roll anga a thawhna atangin ban a ni a. A thawhna chu transmission pump house No.-II Quarter a awm a ni. Quarter pawh chhuahsan nghal tura hriattir a ni. Hetia ban leh hnawhchilh taka quarter chhuahsan tura tih anih chhan hi 2nd July, 2004 khan pump house no. 1 a hnathawhna battery puakin a mit khing hnih a tih chhiat avanga workmans compensation claim vang a ni. Hemi ni zinglam dar 11:00 khan battery hlui tawh tak terminal wires nghet thei tawhlo bawk si chu pump khawl diesel tih nun nan an tinung a, a ke in a rap bet a, a kutin a chelh bawk a, chutihlai chuan a lo puaka a mit khing hnih kha a ti chhe ta a ni. Guwahati ah Deptt. hmalakna in vawi 2 a kala, Rs.60,000 lai a seng a, a hnuah kal leh tura tih a ni a, lens vuah a ngai a, amaherawhchu a hnuah a kal leh thei ta lova Doctor-te pawhin a mit hi a that leh tak tak an beisei tawh lova, a lehlam a del phui a, a lehlamah lens vuah a hman theih tura ngaih a ni a. November, 2004 a kal leh tura tih anih a Deptt. lamin pawisa an pek theih tak loh avangin a kal thei ta lo a ni. Chu chu workmans compensation form te hmangin a claim ve a, chu compensation chu an hotute hian claim lo turin a ti a, amaherawhchu inenkawl zuina a neih tak loh avangin he compensation hi a claim ta a ni. Chuvang chuan an hotute S.D.O thu in J.E. hnenah thupe in ban turin 24th March khan an ti a.

Hei hi Pu Speaker, khata ka ziak bak deuh hlek kha tlem khalai kha kan sawi hlek ang a. V.L.Lura hi kum 14 lai Muster Roll a thawk tawh a ni a, vanduaina a chungah alo thlenga an han ban ta hi a khawngaihthlak hle in ka hria a, chutih hnuah amah hi a khawngaihthlak em avangin tanpui theihna kawng a awm lawmni tiin hotute ka bia a, anni chuanin tuna ka sawi ang khan workman compensation hi a claim avangin kan ban lo theilo a ni, sorkar a khin avangin an ti a. Sorkar khin avanga ban tur ni ta sela Engineer te Supreme Court te, High Court thleng thlengin an kala an tum an hlawhtlin a, ban anni chuang lova hetiang ang sorkar hnathawk ban anni bik hi mite mi hnuaihnuung lampang rahbehna niin ka hria a, hei hi a awmlo hle in ka hria.

Tichuan, Pu Speaker, hetiang hun hi ani dawn lawmni mipui thlan lai leh thuneitu kan nih hman hun tur chu, kan minister zahawm tak hian rethei leh chanhai zawkte tana thawktu ani tih in hria in hetiang thil tih awmlo tak hi thiat a, a ngai a V.L. Lura hi thawhtir leh tur leh a mit chhia pawh chu a tul anga enkawl zui a, Deptt. hotute hi hrih ngei se tih hi ka ngen a.

Tin, India ram leh Mizoram Sorkar ngei pawh rualbanlo mitdel, ke bul, bengngawng, tawng theilo leh piansualna chi hrang hrang neite tan hnaruak za zela pathum tunah hian reservation an siam mek a ni a. Hetih laia a duty rinawm tak thawktu vanduaina a lo tawh tak avanga ban ani hi a diklo hle in ka hria a. Hna an thawh loh pawha piangsualte vawiinah sorkar hnathawkah laklul kan tum ani tawh a, hetiang ang hnathawh nei sa tawh ban ani hi a nunrawn thlak hle in ka hria. Pu Speaker, khawngaih takin hei hi banlo turin ka han ngenpui a ni. Ka lawm e.

S P E A K E R : A lawmawm e. Minister-in a chhang dawn nge, nidangah ?

PU TAWNLUIA MINISTER : Pu Speaker, kan chhang nghal mai ang chu. V.L. Lura, Muster Roll Skilled-II, PHE Deptt. a mi hi 1975 a piang a ni a, 1990 ah PHE ah

Water Transmission Division ah M.R. in a thawk a, tunah chuan Skilled-II a ni tawh a, vanduaina a tawh ni hi nikum 2nd July, 2004 a ni. Diesel Engine an start dawnin battery chungah chuanguin clamp lehlam ke khingkhata rapin lehlamah a ke khingkhatin a rap bawk a. Engine start veleh battery a puak ta a, acid in a hmai a per te a ni, a vanduaithlak khawp mai. Battery hi a post ah clamp vuah a, nghet taka kilh leh tur a ni a, a ngheh loh deuh avangin a chungah a chuan mai bakah a in tih nghehna atan battery wire in a in pawt nghet a. Tichuan, accident ni hian Civil Hospital, Aizawlah admit nghal a ni a, 13th July, 2004 ah a lo chhuak a, Guwahati ah refer a ni a, August thla chung Guwahati ah enkawl a ni a, November thla a check up leh turin Aizawlah an lo chho leh a, tichuan 7th October, 2004 hian Guwahati ah in check up in a kal leh a, an lo haw hnu pawhin treatment leh hahchawlin in lamah enkawl zui zel a ni a. 4th January, 2005 hian Office-ah attend theiin a rawn kal ve tan a, Deptt. in a accident tirh atangin hetiang hi a enkawl dan a ni.

Guwahati ah in enkawl vawikhatna atan hian SDO Technical in Rs. 30,000/- pukin a senso atan a pai a, tin, a vawihnihna atan SDO bawkin Rs.30,000/- pukin amah a in enkawl na atan hian a pai bawk a ni. A damloh chhung zawng hian a hlawh hi a full a pek vek a ni a, 21st March, 2005 thleng hian a hlawh hi pek kim vek a ni a. Disabled Certificate la in workman compensation a claim ta a, chu disabled certificate nen chuan workman compensation chu claim in court ah a kal ta a. Tin, Doctorin disabled

an tih tawh hnuah chuan Depts. hian helaia an rawih pawh kha a remchan lohna a awm ve a ni. A lehlamah chuan vanduaina tawh chungchang hi thildang ani hauh lova, amah pawh a tlawngai a ni tih a chiang mai a, a accident ah hian khawh bula hnathawkte an nih avangin accident hi chu kan duhlo chungin a awm ve fo mai a, vanduaina a ni. Hei, tunah hian Doctor berin disabled certificate an pek tawh chuan a thawh chhonzawm zel dan kha chu a har ve khawp a ni.

Tin, tunah khan member zahawm tak khan heta pulut kher lo hian thil tih theih dan a awm vek a ni. Workman compensation rules, labour & employment hnuaiyah hian a awm a, chu chu Judicial hian an kengkawh a, hemi workman compensation claim commissioner pawh hi Pu Lalthazuala kan nei a, dan angin a claim theih mai a, dan angin hei hi chu enkawl a ni ang. Pu Speaker, chu chu ka chhanna a ni e.

Tin, hemi accident tirh atang hian Depts. hian theitawp an chhuah tak meuh meuh a, dik tak chuan hotute hmel hmuh leh an hnea sawi pawh a hrehawm an ti ve kan SDO te hian. An mahni hnuaiyah an theih chung chu an lo enkawl ve a, mahse a vanduaina hi heti hi a ni a, anni pawhin court ah kal em em lo pawh hian dik tak chuan a duty ve theihna ang tur laia ngaihah pawh duty tir zui zel pawh an tum a. Amaherawhchu, helaiah hian mimalah a inghat vek a, mimalin an kal chuan anmahni right a ni a, sorkarin kan haw reng reng lova, kan ban chhan pawh kha kan huat vang emaw a ni lova, kan hria a. Mahse, Doctor ber pawhin disable certificate nen an lo issue tawh khan chuan khatianga court-ah te a kal chhoh dawn taka claim a neih takah kha chuan kan tih tur niin kan hria a, kha kha a chung a kan rorel dan a ni a, chu chu House zahawm takah hian ka han sawi a ni e. Ka lawm e.

S P E A K E R : Awle, List of Business a kan kal hma in thupha chawi a ngai a, kan member zahawm tak Ratu bialtu Unstarred Question No. 159-na chhanna kha Depts. tihsual ni lovin, Assembly Staff tena kan tihsual a ni a. Tul lovah inhnialnate a siam lek lek a, a pawh ka ti takzet a ni. Corrigendum kan siam tawh a, Bulletin part-II corrigendum, Assembly Unstarred Question No. 159 ni 23.3.2005 a chhuak (b)-na Pu Lalduhoma zawhna - He ram insem tur a tih hi V/C ten lo duhlo tase, Depts. hian tihluh tir a tum em ? tih chhanna chu - 'Tum e' tih ni lovin 'Tum lo' tih zawk tur a ni. Tihsualpalh avangin pawh kan ti takzet a ni.

PU R. LALZIRLIANA

Pu Speaker,.....ka hre lova. Mahse, a inthlau lutuk a. Pu H. Liansailova zawhna Starred Question No. 106-na kha, tuna kan hman mek 'The Drugs & Cosmetic Act, 1094, Rules 1945' tih hi a inhlal em em ve ?

S P E A K E R

: Kha kha typing mistake a ni a, Minister pawn khan khatiang khan a sawi deuh a. Mahse, 1940 tih kha a dikna zawk a ni. Kha kha chu a ngaih dik theih deuh maiin ka hria e. I ngai dik mai ang u.

PU LALDUHOMA

: Pu Speaker, Zero Hour hman chungchangah khan rules kan la siamlo chungin i lehkha rawn siamah kha chuan rules hman nghal tur I rawn siam a ni ta ber mai a. I hmanhmawh mah mahin ka hria. Parliament-a an tihdan te, state danga an tihdante hi han ngaichang ve in GPC ah te pawh sawikhawm ve ila, a va tha awm ve.

S P E A K E R

: Kan chep lutuk dawn chuan heti lo deuh hleka kan tih te pawh hi a tha ang a. Mahse, a principle in Presiding Officer ten tha tura an tih kha kan enchhin ang a, a chuti deuh a ni lawm maw ni kan tih chuan khatiang khan rules-a kan tih hunah kan enchho dawn nia.

Awle, vawiinah hian Member zahawm tak takte Pu Sainghaka leh Pu K. Lianzuala damlohna avangin an lo tel thei lova. Tin, Pu P.P.Thawla leh Pu S.Hiato tuldang avangin kan zingah an lo tel theilo a ni. List of Business ah kan kala ng a, Discussion and Voting on Demand for grants a ni a, Business-a a lan ang khan Minister-te pathum Demand kan sawi dawn a ni. Kan tihdan pangngai khan a indawtin han present sela, chuan a hun kan inpekdan pangngai ang thin khan kan sawiho leh mai dawn em ni ang ?

Awle, a tha kan tih chuan tunah Pu R.Tlanghmingthanga, Minister zahawm tak a Demand te House-ah rawn submit turin i lo sawm ang.

PU R. TLANGHMINGTHANGA:
MINISTER

Pu Speaker, on the recommendation of the Governor of Mizoram and with your permission. Sir, I move the demand No. 11, 24 and 29 for Rs. 1,12,95,41,000/- only for meeting expenses during 2005-2006 in respect of the following depts. Demand No. 11 - Secretariat Administration Rs. 27,64,10,000/- Demand No. 24 - Health & Family Welfare Rs. 69,26,40,000/- Demand No. 29 - Social Welfare - Rs. 16,04,91,000/- Thank you Sir.

S P E A K E R

Tunah chuan Minister zahawm tak Pu Aichhinga a demand-te House-a han submit turin ilo sawm ang.

PU AICHHINGA
MINISTER

Pu Speaker, on the recommendation of the Governor of Mizoram and with your permission. Sir, I moved the demand No. 33, 38, 44 for Rs.44,62,50,000/- only for meeting expenses during 2005-2006 in respect of the following Depts. Demand No. 33 - Soil & Water Conservation Rs. 7,65,65,000/- Demand No. 38 - Rural Development Rs. 32,20,95,000/- Demand No. 44 - Trade & Commerce Rs. 4,76,00,000/- Total - Rs. 44,62,60,000/- Thank You Sir.

S P E A K E R

Tunah Minister zahawm tak Dr. R. Lalthangliana a Demand-te House-a han submit turin ilo sawm ve leh ang.

Dr. R. LALTHANGLIANA
MINISTER

Mr. Speaker, Sir, on the recommendation of the Governor of Mizoram and with your permission Sir, I moved the Demand No. 20, 26, 36 for Rs. 2,19,78,15,000/- only for meeting expenses during 2005-2006 in respect of the following Depts. - Demand No. 20 - School Education Rs. 19,29,40,000/- Demand No. 26 - Information & Public Relation Rs. 4,36,40,000/- Demand No. 36 - Environment & Forests Rs. 23,32,35,000/- Total Rs. 2,19,78,15,000/- only. Thank you.

S P E A K E R : Tikhan kan Minister pathum ten an Demand-te an han submit ta a, ka han sawiho leh dawn a ni a. Minute sawm member-te an han in pe leh ang a, tunge han sawi hmasa ang Pu R. Khawpuithanga.

PU R. KHAWPUITHANGA: Pu Speaker, Demand No. 24-na hi han sawi hmasak ka duh a. Health & Family Welfare Deptt. chungchang hian an normal duty bakah hian hei thil hrang hrang an hnathawhte han en hian han sawi duhlai tlem tlem ka neihte han tarlan hmasak ka duh a. Civil Hospital hian out reach programme an nei a kan hriat angin Hospital-ah an duty a, mipuiin kan bawh nasa em em a. A bakah khan an hunawl neihah hianin thingtlang lamah te an kalchhuak thin a, chu chu thingtlang lam mipuite pawhin an tangkaipui em em mai a, hei hi ti zel sela a tha in ka hria a. Civil Hospital-a an awm ang chiah khan hmanruate nen an chhuak a, hei hi ropui khawpin ka hria.

Tin, a dawt lehah chuan School Health Programme an nei hi a tha khawpin ka hria a. Primary School-ah te pawh Doctor ten anmahni bialchhungah khan Thawhlejni leh Zirtawpni ah khan School naupangte check up an nei thin a, kumkhat chhunga an check up phei hi chu tam tak a ni a. Kha kha School naupang tam takin hriselnan an lo hmang a. Tin, natna khirh bik neite pawh kha an detect a, chutiang chuan a bika hman hmawh taka enkawl sakte anni thin a. Hei hi a pawimawh hle in ka hria a ni.

Tin, Malaria dona chungchang thuah hian Malaria P.F. te leh a chi hrang hrangah te hian kan nat hi a bang thei chuang lova, an fail dawn emaw ka ti deuh tawh a, ka lo thlir ve danah chuan. Amaherawhchu, tunah hian hmanraw changkang zawk leh sum tam zawkte nen world bank tanpuina in hma an la leh dawn a ni a. Hetah hian an hlawhtlin ngei pawh beisei ila. Amaherawhchu, a pangngai ang lek an ni leh ang tih ka hlau deuh hlek a. Kumkhat chhungin Malaria avanga thi hi Mizoram chhungah hian kan tam viau a ni. Chuvang chuan damdawia min enkawl mai bakah hian zirtirna chi hrang hrang leh a lo in hmakhua dan te pawh hi a bik takin thingtlang lam a mite pawh hi zirtir deuh te pawh kan ngaiin ka hria a.

Tin, AIDS Control chungchang
thuah hian - Hei, Mizoramah chuan State AIDS Control Society hianin
Medical te nena inzawm hian an thawk tho mai a. Helaiiah hianin AIDS
chungchang thuah hian a pun chak tak em avang hian mi awmherh
deuhte an han thih pheih chuanin an ruang hi kan tih deuhin a lang ...
Kan hre theuh a, tunah hian mi 14792 an en tawhah hian positive
1019 lai mai kan awm tawh a, mi 103 in an vei a, mi 55 lai an thi
tawh bawk a. Chutiang chu kan lo nih ve takah hian Kristian ram si a
hetiang zat kan lo awm mai hi tan kan lak a ngai hle a. A bik takin anni
tluka tan la thiam tur kan nei chuang lova. Helaiiah hian engtingge ni
ang zirtirna chi hrang hrangte pawh hi nasa zawkin min neih sak zel
dawn nge ni, a society ang te pawh hian an tan kawp a, chak zawka
hma an lak hi tul hle in ka hria a ni.

Tin, Cancer hi a pung nasa em em
mai a, khawvela capital hrang hrang an lak khawmah Tokyo khi
number one a ni an ti a, a pahniha-ah Aizawl niin an sawi a. Tin,
Aizawl bikah chutiang taka kan lo tam anih chuan tanlak a ngai nasa
hle a ni tihna a ni a. Hemi chungchang thuah hian Cancer hi heti
taka engvanga hjuar nge ni tih hmuhchhuahna fek fawk hi kan la
neih nge ni tih laite a kha han uar pawh tha in ka ring a. Zorama
heti taka Cancer a lo tam hi engtingge kan tih a ng a, engtingge kan
tih loh ang tihlal a pawh kha in zirtirna awm thei sela tha in ka hria a.
Tin, thawktu indaih lohna hi he Deptt. ah hian a nasa hle a ni tih kan
hriatpui a, Group A atanga D thleng hianin post ruak hi 401 lai mai a
awm a, Group A ah engemaw zat officer ho an lo awm a, B C D
khatiang khan 401 lai mai a awlta hian an hnathawh hi a ti bahlah nasa
em em a ni tih kan hriatpui a. Vawi leh khatah chuan hei hi fill up
theih a ni lovanga amaherawhchu heti em em a post ruak a han awmta
hi a pawh hle a, a tihdan kawng sorkarin hriat ni thei sela a tha viauin
ka ring a. Chu chu a bik takin Health & Family Welfare Deptt. ah
chuan kan sawi duh a ni.

Tin, Social Welfare Deptt. ah hian
han luh ka duh a, Demand No. 24-naah hian. Hei hi Deptt. langsar
tehchiamlo, amaherawhchu an enkawl te hi mirethei leh chhumchhia lam
te an ni a, a pawimawh hle mai a, kan society a natna tam tak nu leh pa
zan muttui lohna te pawh hi anmahni kutah engemaw chen chu an
enkawlna hnuaiah hian a awm si a. Entirnan - Welfare ah Women te
pawh hi hei hmeichhia hi kan hriat theuh angin tunlai khawvelah
chang kang tak tak an awm lain khrih ve tak takte hi an lo tam ta a,
awmtha duhlo te, awm herh te. Chung enkawl tur chuan he Deptt.
bawk hi a lo ni a, tunah nasa takin an enkawl chho niin ka hria a,
Self-help Group ringawt pawh hi 601 lai an siam tawh a, block hrang
hrangah hian. Chutiang chuan an eizawna tur leh thil hrang hrangte

pawh hi an buatsaih sak a. Tin, Child-welfare ah hian Creche Centre ang chite, Pre-school te leh Motherless baby tih ang chite, adoption cell te khatiang chi hrang hrang kha an enkawl na hnuai ah hian a awm bawk a. Hengte hi han ngaihtuah chuan an lak atanga revenue beisei tur awm silo, lehlamah erawh chuan kan society in a buaipui ta. te anni bawk si a. Tin, chubakah chuan pianphunga rualbanlo ah-te pawh hian hma an la nasa viau mai a. An enkawl bikah a number-ah chuan khatiang mi bikah khan stipend 863 hnenah tanpuina an pe tawh a ni.

Tin, Employment chungchang thuah te pawh hmu ve lemlo engemaw training an pek ang chi te pawh kha thlatin Rs.100/- a han tanpui tawp tawpte an nei bawk a. Khatiang khan chi hrang hrangah khan in pianphunga rualbanlote hi he Deptt. hian an enkawl a ni. Tin, chubakah chuan upa lam te, tin, hriseina thalo te pawh anni ang a, old age home te an ti a, kan nei bawk a, scheme hrang hrangte kha an nei a. Chuvangin, Mizo zinga hetiang ang harsatna nei dinhmun harsa kum lam thuah te, hriselohna te, pianphunga rualbanlohna ah te leh thil chi hrang hrang, nun khawlohna avanga correctional service ngai chi ang pawh kha a tam mai a. Chutihlai si a an budget hi nuai sawm laia kum hmasa an han phaklo hi a pawi viau a. Chuvangin, hemiah hian engtingge ni ang sorkarin a tihdan kawngte pawh hi a hriat a rinawm a, State harsa deuhte pawhin NLRCP te pawh siamsak an ni a, khawimawlai Deptt. luangliamte pawh hi huikhawm ve a nuai 20 dawhlai mai a deficit a awm kha a tha ber dawn em ni ka tihpui deuh a. Chuvangin, hei hi kan dinpui duh deuh hlek a.

Tin, Demand No. 38-na Rural Development hi han en leh lawk ila. Hei, mipui hten thlengphak tak tak a ni a, BADP te an enkawl a, thingtlang block 16 lai mai ah hian hna an thawk a, an thawhna pawh hi a zau tawh a. Tin, insak chungchangah pawh hian new construction ah leh up-gradation ah hian new construction ah hian in 5266 lai up-gradation a han thuan thatnaah hian 3346 lai kum kalta chung khan an khawih hman a ni a. Tin, Hall te leh khelmualte leh thingtlang kawnglah te, tin, chubakah BPL Family te an enkawl a, heng hi han en hian an budget pawh hi a tha lenglawng a, chuvang chuan an kalpui a hetiang zela kan pass pui hi tulin ka hria a ni.

Tin, Trade & Commerce Demand No. 44-na ah hian State pawna Sawhthing hralh chungchangah hian price control an monitor bawk a, chuvang chuan a hralh chhuahna lamah hian kumin kalta chhoah khan an ti tha hle in ka hria a, nikum hmasa lamahte Sawhthing kg 1 Rs. 3/4 pawha hralhna vang kha Rs. 13 leh Rs. 17 inkarah khan an dah chhoh sak thei a. Chuvang chuan,

kuthnathawktute tan an hnathawh hi a ropui hle in ka hria a, chutiang chuan Trade & Commerce hian hei kan dep ramte nena kan insumdawna tur atan pawha Centre an siamah pawh hma an la thi hle a. Chutiang chuan School Education information lamah te pawh hian sawi tur ka la ngah a, mahse Pu Speaker, vawihnih lai I hmetri tawh si a, inthlahrun a na hle a, hei Assembly te pawh hi Information & Public Relation te pawh hian min han live telecast sak te pawh hi a lawmawm hle in ka hria a. VVIP te leh VIP te an han chhuah a, media an cover thin te calendar min han pe te, hengte pawh hi information hi lian vaklo mahsela an hanthawhah hian lawmthu sawi tur tam tak a awm a, chutiingin Environment & Forest ah te pawh sum an hailut tam em em a, Forest lamah te pawh hian (SPEAKER : Awle, i pel thei dawn e) lakh 762 lai sum an hailut a ni. Sawi tur tam mahsela hun a tawp tawh a, engpawhnise ka member pui duh takte he Demand te hi waviinah hian lungruah taka pass pui turin ka han ngen che u a ni e. Ka lawm e.

PU LALDUHOMA

Pu Speaker, ka lawm e. Hei waviinah hian Deptt. 9 Demand kan sawi dawn a ni a. Deptt. pakhat sawi nan minute 1 vel hun kan nei tihna ang vel a ni. Chuvang chuan member te hi kan lo tuah deuh hlek chuanin min hrethiam d euh la ka duh khawp mai a, chu chu kan sawi lawk duh a ni.

Demand No. 38-naah hian ka lut nghal ang a. Food for Work Buhfai, Civil Supply Buhfaite anga Retailer kaltlanga pek anih loh avanga thingtlang khaw tam takin harsatna kan tawh thu helai hmunah kan sawi tawh thin a. Tun thlengin a chin fel dan sorkarin a la hrelo hi a paw hle a, chutih lai chuan phuahchawp deuh hleka he harsatna hi tikhian theih niin ka hria a. Hei, khaw thenkhat V/C te chu Aizawl-ah an lokal a, carrying contractor te hnenah hian a buhfai ni lovin a pawisa in an hawn daih mai a ni. Tichuan, buhfai harsa taka an phurha a kalna man tura buhfai vek engemaw zat hralh ngai tawh lovin a pawisa in a kimin an khua an thlen a, kha kha retailer atangin buhfai lei nan an hmang hlah mai a, a tha khawp mai a. Amaherawhchu, carrying contractor khan a phurh miah loh man kha a bill ta thin a, a dik bawk silo. Hei hi phuahchawpin kan Minister hianin rem a ruat thiam ka ring a, khua reng reng Aizawla carrying contractor hnen atanga a pawisa faia la duh zawkte chu lak phalsak ta sela, tichuan a pawisa hian ak haw nelh nelh mai sela tih hi ka rawt duh em em mai a ni. Chu chuan thingtlang harsatna tam tak hi a sukiang dawn a ni.

Tin, IAY leh PMGY chungchangah hian hei PMGY a insakna tur thlan hi a dik takin ruling kutah kan papek fel tawh a ni ber a, dan chu a nilo na in kan inhnamnawih lem tawh lo, an kutah hian kan dah tawp hi a ni tawh ber mai a. Amaherawhchu, IAY erawh hi chu V/C tin kaltlangin V/C te rawn a thlan a la ni ve hram hram zel a, BDO Meeting kan han nei a, chutah chuan khawtin atangin V/C tinin insak tanpuina tur an dawn theih zat tur hre sa in chumi number zat chu recommendation BDO ah an rawn thehlut thin a, chu chu DRDA lamah thehlutin an hming nen lam AAP ah tihluh vek a ni leh a. Hetiang hi guideline angin a kal nge kallo tih kha District Level ah te leh State Level ah te monitoring cell awmin MLA te pawh chutah chuan member kan ni ve hlawm a. Hei hi a kalphung anih lain BDO a khawtin V/C tena insak tanpuina dawng tur list an rawn thehlut tawh hnuin tunah hian khaw engemaw zat list kha tihdanglam a, thlak thleng a ni leh tlat tawh a ni. PMGY chu party kutah kan dahfel tawh ni mai rawhse, IAY leh zel hi chu V/C kaltlanga an rawn thlan heti tak mai a tihdanglam hi tawp se ka duh ngawih ngawih mai a ni. Pu Speaker, heti anih loh hi chuan Administration ah hian politic thalo kan thun hnem lutuk dawn a, kan ram hi a nuam dawn lo. Helaiah hian pawika tih em em mai chu kan R.D changtu Minister zahawm tak hian a letter head in BDO thenkhat hnenah V/C in an rawn thlan rawn thun miahlo tur leh an thun chuan action a lak dawn thu ziakin a hriih tih chiang takin ka hria a ni. He House-ah hian vawinah sawifiah se ka duh, helai District Level leh State Level a Member awm ve te pawh hi min zah lovin min palzut lutuk deuh hlek a ni. Chuvangin, ka bialah pawh BDC kan thut tuma list te ngei kha vawinah hian a kaltlang loh chuan ka bengchheng khawp ang kei chu. Chu chu uar takin ka sawi duh a ni.

Tin, Demand No. 36-naah kan pakai ang a, Darlawnah khian 2003 kum khan Sanghalin buh a ei vakin mai a ni. Chumite tanpuina tur chu chhungkaw 50 tan Rs. 2,000/- zel nikum 2004, January thla khan sanction lehkha an dawng vek tawh a ni, a rei tawh a ni kumkhat achuang tawh. Vawin thleng hian chu pawisa chu an hmu leh silo a ni, lehkha an hmun vek tawh hnu in. Hei hi a rang thei ang bera pe turin ka nawr duh a, ka ngen duh a. Engvanginnge khatianga lehkha awm vek tawh, tun thlenga hetiang a tih anih. An dawnglo thei mai ang tihte a hlauhawm a, a dawnglo turin an dawng ta nge ka hrelo a, hei hi chahuih a ngai ka ti a ni.

Tin, VFDC leh Wildlife Division ho hmalakna hi a bik takin Wildlife Division hmalakna hi bialtu DFO ten an hriatpui si lova, a biru em em a ni. Ka bialah pawh Bikepath te lai angin an in report a, an lai ruiah si lo a ni. Chuvangin tun hnuah chuan henga an sanction order te hi a bialtu MLA te min pe ve zel se kan lo enpui ve theih nan tih ka rawt duh bawka ni.

Tin, tunhnaiah khan Forest Deptt. hian chhungkaw 5000 chuang Forest Area-a an ram atanga chhuak tura tihna eviction notice an pe a ni. Pu Speaker, huan lo ram inpek chungchangah hian hmanlai atang tawhin kan hnamdan a awm a, Lal hunlaia ram kan inpek dan te, a luah hmasa apiangin ram kan neih dante kan hria a, British hnuaiah kan awm hnu in District Council hnuaiah kan lo awm chho a, chutianga traditional system a kan tih thin dan chu behchhanin The Mizo District (Agricultural land) Act. 1963 kha ciam lo nian ram lo pek tawh te chu regularize in, LSC te, Periodical Patta te pek an lo ni ta a ni. 1963 dan hi tunah pawh hian hman a la ni a, chuti chung chuan chung mi chhungkaw 5000 zette chu chhuak turin thupek an ni thut mai hi kan ram balhmang kan traditional system bawhchhiatna a ni. Chu chuan India Constitution a Natural Justice hi a bawhchhe chiang a ni. Tin, chulo-ah chuan he dan 1963 dan hi la nungreng, la hmanlai a ni bawksi a, chubakah Conservation of Forest Act hi 1980 atanga hman chauh kha a ni. 1980 hmalam pang hi sorkarin he dan tlawhchhan tho hian khuate a din a, Sangha dil te, phai lo leh huan tam tak pass a lo pe ve tawh a, Conservation of Forest Act hman anih hma a ram nei tawhte chhuak tura thu han pek ngawt hi a tih chi loh reng reng a ni. Tin, chubakah, National policy, Packages & Guidelines for Resettlement & Rehabilitation, 1998 para 5-na kan en chuan Forest Area a mite chhuak tura tih an nih chuan an ramri ramdang pak anih loh pawin compensation pek ngei ngei tur a ni tih a ni. He guideline pawh hi an bawhchhia tel a ni. Chuvangin, mi chhungkaw 5000 zet mai engmah sawi lova chhuak tura tiate hi Pu Speaker, tihluh tur anni lova dan tamtak bawhchhia in Forest Deptt. hian he thupek hi a kengkawh tur a ni lo. Chuvangin, heng mite hi an intel khawm ang a, court ah te pawh an kal duhin ka ring a, puih pawh ka duh a ni, heti ringawt hi chu a diklo reng reng. He Forest Act awmhma a an huan, ram te hi engahnge a lo awm tlai zawkin chhuak rawh u, a rawn tih ringawt ? Anmahni thua huan te hi va nei anni hleinem, sorkarin pass a pe a lawm, dan ang thlapin. Chuvangin, khati ngawta in tih chi kha a ni lova, hei leh Tuirial Hydel Project Compensation hi a in kaihnaawih lo an ti na in a in kaihnaawih chiang a, Mauchang area te, Saipum area a mite, Lalchhungkaw ho compensate lakna tur a mite hi notice an serve ve lo Pu Speaker, i bial te, ka bial te, hnuandang a mite an serve si a ni. Chuvangin, hloih nei takin he tel hi kalpui a ni a, abak chu naktukah a Deptt. chanch kan la sawi turah ngai ilangin. Chuvangin, hei hi si...

Tin, Demand No. 24-naah hian kan ngaih pawimawh zawng kan thlandan hi diklo in ka hria a. Hei, vawiinah pawh ka bialah mithi an awm a, ambulance hmuh a har em em mai a, Civil Hospital-ah pahnih chauh a awm a, pakhat a chhe deuh reng lehngal a, chu ringawt chu kan vaiin kan intawm a, mipuiin a aia tam kan mamawh a, lei belh awm tak anih lain he Deptt. in ek-in kal thei 20 lai mai an lei duh zawk tlat mai hi priority an thlan dan hi dik ka ti theilo a ni. Mipui oriented in kan priority hi a kallo a ni. Tin, he ek-in kal thei supply-tu pa hlir hian ani Deptt. dangah pawh hei hi supply ni. Hepa hi kan ram Deptt. hrang hrangah hian a thil siam zuar tur hian a thei leh lutuk, mamawh loh heti zat zat lei thei a, kan mamawh lei thei leh lova kan awm hi a dik ka ti lova. Chuvangin, ambulance hi leibelh ngei ni rawh se tih hi ka rawt duh a.

Tin, kan building neih sa, quarter te thawm an ngaih em em lai leh national staffing pattern chanve pawh phaklo te a kan hospital te a kal laia a thar eng engemaw kan rek kan rek hi a tha ber em aw, ka ti a. Tihloh tur ka tihna ni chuang lovin, a awmsa tih phuisui lamah hian tan lak a ngai hle in ka hria. Tin, Health Sub-Centre awmlohna khua ah a injection petu tur a te zawk an khua-ah injection tir turin zin sela, nu raipuarte khaw dangah ko suh se tih hi he House-ah ka sawi tawh a, kan Minister zahawm takin hei hi kan ti ang a ti a, vawiinni thlengin an la tir kal hlei theilo, an kallo tluk a ni, kumkhat chhungin. Chuvangin, hei hi min rawn ennawn sak leh selangin hunbi nei taka an mahni injection titu tura te khua a an kal a, an va tih hi a tul ngawih ngawih a ni mipui tan.

Tin, hmannah ruihhlo chungchang kan sawi lain kan rama kan buaipui ber Proxyvon te, awmna damdawi leh thil hrang hrang hi legal drugs vek a ni a, man theih a ni lova, convict theih pawh a ni lova, dan anga zawrh thieng anih vek avangin. Mahse, chu chu kan ram buaipui ber a ni si a, chung damdawite khap theihna tur dan hi kan ram pual bikin siam ve ni rawh se kan ti fo va, kan Minister zahawm takin tul a tih loh thu he House-a a sawi kha a lungchhiat thlak tih hi ka sawi nawn leh duh a ni. Vawiina kan tlawmngai pawlte hmalaknate hi a palzut ka ti lo theilo. A hmusit ka ti lo thei lo, section 144 Cr PC tlawhchhanin Magistrate ten rem leh remloa an tih tawk tawk lai leh heti khawpa kan ramin dan thar a mamawh laia India dan dinglai Drugs & Cosmetic Act, 1940 hi a tha tawk a, adang tih tul kan ti lo an ti hmiah mai kha chu a pawl ka ti khawp mai. Hei hi ngaihtuah vat tur niin ka hria a, ngaihtuah mai mai chi ah ka ngailo a ni.

Tin, thil hote Cancer Hospital ang reng kan neih ve Zemabawk a mi panna atana Bus Service awm thin kha tunhnai atangin a service leh ta lo hi mipui ten an harsat phah a, tih sak leh theih hram nise tih kan ngen sak duh bawk a.

Tin, a hnuhnung berah chuan Demand No. 44-na Trade & Commerce chungchanghian 2003 kum a Sawhthing leina support price leh transport subsidy nuai 178 kan sorkarin vawiin thlenga a la bat sak hi a rang thei ang berin pek ni thei se. Hei chen chen hetiang mipui harsatna thlen sak hi a tha lo. Khang Registered Buyer te khan Sawhthing kha mimal hnen ata a ba in an lo lei chhawng ve leh z el a, an in ba kual ta pup thin a, harsatna chi hrang hrang tunah hian a chhuak mek a ni tih hi kan Minister in min hriatsak se, sukiang vat turin kan ngen duh bawk a.

Tin, nikumah khan he House-ah hian Trading Regulation chungchang mizote min humhalh thei tur neih a tul chungchang thu kan sawi khan Mizote tan a him tawk tur Trading Regulation duan mek anih thu Minister zahawm takin he House zahawm takah hian a sawi a ni. Kha kha vawinah hian eng chen nge an thlen tawh ? an peih tawh em ? sumdawna chungchang ah VAT intoduce an tumna chungchangah te hian kan him dawn em ? Trading Regulation Mizote min humhim thei tur chu vawinah hian rawn chhawp chhuah tur an nei tawh em ? engnge an progress tih hi ka hrechiang duh bawk a ni. Ka lawm e.

.....636/-

S P E A K E R : Pu Saikapthianga.

PU SAIKAPTHIANGA : Pu Speaker, ka lawm e. Ka hma a member zahawm takin a sawi ang khan hei vawiin Demand hi a tam hle mai a. Mahse, a pawimawh kan tih zual tak tak ka sawichhuak dawn a ni a. Pu Speaker, Demand 36-na Environment & Forest ah hian han luh hmasak ber ka duh a. Hei, ka zawhna mawl tak zawh hman loh takah khan Environment & Forests Department hian mihring nge an ngaihhlut zawk rannung? tih ka zawt a. Mihring ngaipawimawh zawkin an rawn inchhang a, a lawmawm khawp mai a. Mahse, ka biala an tihdanah chuan rannung an ngaipawimawh zawk a ni tlat mai a. Dampa Wildlife Sanctuary hi hun rei tak atangin a awm tawh a. Tichuan Congress sorkar lai khan a ramri fel tak an siam a, Central Forest Ministry pawhin min pawmpui a. Mahse, vawiinnia sorkar lo pian hian hei tihian zau deuh maiin Buffar area an rin belh ta a. Chutah chuan khulaia mipuite khu lo neih an phal reng reng lo mai a, engtintin emaw hian an ti an ti a, an mangan tawpah erawh chuan pawisa te pawh khu an lo neih man khu an chawitir emawni tlem a zawng hi chu an han nei leh a, mihring hi an hnawt chep em em mai a. A ramri sanctuary chhungah hi chuan loneihte mihring va chet luh remtilo se a awm ka ti a, an rin belh zau tak mai hi tunhmaa sanctuary chhunga awmte an inbenbelna leh an eizawna tur atana ruahman kha, a ni a. Khatah pawh khan an la nek chep zel mai hi chu mihring hi rannung aian an ngai pawimawh zawk lo a ni, an ngai pawimawh lo zawk a ni tih angin ngaihtuahna ka nei a, chu chu ka zawh chhan a ni a.

Tin hei sanctuary hrang hrang hi a pawisa hmuh zat hi atam hle mai a, ka hmaa kan member zahawm tak khan a rawn sawi tawh bawk a, mahse, thawk nia an insawi hi an thawk lo nasa em em mai a. Chuvang chuan sanctuary hrang hranga thawk nia an insawi an thawh si lohte hi endik ngaiin ka hria, chutilo chuan anasa lutuk tawh he Department a corruption inphum dan hi. Pu Speaker, chutichuan kan duhtawk zel mai ang a, chipchiar takin kan sawi hman dawn lo a. Tin, nangpawhin i lak laite, keini te pawh ina kan hunlaia kan lo ruahmanna ti mai ang heng Joint Forest management chungchang tuna kan kalpui dante hi a nasa lutuk tain ka hria a. Corruption inphum nasat zia, ka bial chhung tawite tein kan sawi ang a. VFDC guidelines fel tak ka nei a. Tichuan, khaw tinah vantlang mipui lam atangin Chairman an awm tur ani a. Chu Chairman chuan seal an nei ang a. A joint-a expenditure te hi engkim hriat tur a ni a. Tunah hian ka bial a VFDC

Chairman hian pakhatmahin seal kawl reng reng an awm lo. Kawrthah DFO in a kawl sak vek. Tichuan, Serhmunah hian 2003 - 2004 hian he programme a hman tur hi Rs. 2,80,660/- an hmu a. Hetah hian Rs. 80,000/- an hmang kai lo hret a ni. An hmanna zawng zawng ka zuk chhut pui vek a. Tichuan, 2004 ah hian Rs. 2,00,000/- an hmu a. Rs. 75,000/- hi an hmang kai lo hret. Chutiang chuan Mualthuamah 2003 ah Rs. 2,80,760/- an hmu a. Chutah pawh chuan Rs. 70,000/- pawh an hmang kai lo a ni. Tichuan an hmang kai lo tih lam kha hun ahak mai mai a. 2004 ah Rs. 1,50,000/- an hmu a. Rs. 60,000/- vel an hmang a. Tumpanglui mihring pawh awm mang lohnaah hian 2003 ah Rs. 1,11,662/- an hmu a Rs. 50,000/- a hmang kai lo a. 2004 ah Rs. 1,50,000/- an hmu a. Rs. 5,000/- an hmang kai lova. Kawrtethawveng ah 2003 ah Rs. 1,07,914/- an hmu a. An hman dan chu Rs. 80,000/- pel hi khawi khua mah an awm lo a ni. Tichuan 2004 ah Rs. 2,00,000/- Darlak ah 2003 ah Rs. 3,00,000/-, 2004 ah Rs. 2,00,000/- hetah hian a vaiin Rs. 1,40,000/- vel an hmang niin a hriat a. Chu chu entirna pakhat ka rawn sawi chhuah a ni a. Kawrthah DFO hian nikum Budget Session dawn khan VFDC chairman pakhat hian nachang a lo hreve deuh nge ni, kha khuaa in pawisa hman dan zawng zawng hi kan MLA ka sawtir vek dawn House-ah a ti a. Buh tin 30 ka hup nan a lei sak ringawt mai a. Chuvangin khu DFO khu sawn ngei ngei tur. Hei hi kan hriatpui a. A department hotupa ber atanga kan hriatpuia thil tih a nih loh chuan. Chuvang chuan Pu Speaker, kan ti nasa lutukin ka hria a. Kan lo enkawl ve thin tawhte ani a. Sawi ka hreh khawp mai a. Mahse, sawi tul ka ti a. Pu Speaker, kan sawi chhuak a.

Tichuan ka zawhna pakhat a lo la chhuak lova, ka zawhna hi engatinge mawni, ka tihsual a ni ta ber ang chu. Starred Question-a ka zawh hi Unstarred-in a lokal deuh fur mai a. Ka tihsual ah kan ngai mai a. Khatah khan Tuirial Hydel Project chhunga compensation lakna hi Riverine reserve chhung a ni em tih ka zawt a. Tunah hian Forest Department hian Teak hralhna turah Forest riverine reserve chhung a mi reng reng chu assessment an siam thei lova. Helam ah riverine reserve chhung a mi a man an tel si chuan Mizoram pumpui a mi hian kan telve tur a ni. Chuvang chuan helam a mi leh khalam a mi a in ang vek tur a ni tih hi ka ngaih dan a ni. Thenkhatin Forest reserve chhung ami compensation a nuai tela an lak theih chuan an phun leh thil awm mang lo leh nghal. Thenkhatin hah taka an lo thawh, District Council hun k lai leh U.T. hun laia danin a la khap miah loh, chuta an kut thlakna rah chu an seng ngei ngei tur a ni tih hi revenue leh forest department chan kawp deuh ni mahse, tunah hian Forest department hi hma latu a nih avangin hei hi House-ah ka sawi duh a.

Tin, Budget Session hmasa khan ka sawi tawh a. 1970 District Council kan nih laia Assam L/A, Tut thlang zawng zawng a khawi lai mai pawh reserve a an puan chungchang kha ka sawi tawh a ni. Chu chu kan Minister zahawm tak hian hei hi thil pawimawh tak a ni a, kan lo sawi ho ang a ti a. Vawiinni thleng hian kan la sawi ho lova, sawiho turah pawh inbeisei ila. Tih ran a ngai a. Khawthlang lamah tun hma atangin NLUP kan tiha hma te pawhin, a ramin a zir vangte pawh a ni ang a. Luipui kamah te, luipui kam lovah te teak tam tak kan phun a. Chung zawng zawng chu tunah hian working plan pawh siam ve theih loh ani a. Chumi a nih loh chuan kan sorkar hian kha dan kha a ngai pawimawh a, a palzut ngam lova. Kha dan kha engtin emaw mipuite chhan chhuahna tura ati ngam lo a nih chuan Tut thlang zawng zawng khu, kha dan a an ziak Phaileng grouping centre, Mamit grouping centre, Kawrthah, Tuipuibari, Rengdil, Zawlnuam kan tih tak Lokicherra, Kanhmun khami area zawng zawngah khan engmah facilities hi kan dawng dawn lo a nih chuan kan in leh lo leh kan thlai neih zawng zawng compensation hi min pe seia, Aizawl lamah hian min sawn rawh se. Chumi ni lova Mizoram chhunga awmve siin kan dikna, kan right, kan thawhchhuah pawh engmah chang thei lo tura he sorkar hian min kalpui dawn a nih chuan chuti tala min tih sak loh chuan khulailah khuan harsatna nasa tak Pu Speaker, kan tawh ani tih kan sawi leh duh mai a. Hun a tawi si a.

Pu Speaker, vawiina kan Demand hi kan ram hnuk inngahna tam tak a awm avangin Department dang a pawimawh lo ni lovin sawi tura tam lehzuol a. Education Department te hi sawi tura tam em em mahse, kan sawi seng dawn silova, Pu Speaker, Demand 21 na Health & Family Welfare ah hian han luh ka duh a. Hei ka zawhna chhannaah khan BAFFACOS atangin nuai 100 kan hmu dawn a. Non-Plan ah hian nuai 110 hman mai tur an nei niin a lang bawk a. Ka sawi tam tawh a. Khawthlang lam Medical facilities kan neih loh avanga kan thih nasat bik thute, kan Minister pawh hian a hre tam tawhin ka hria a. Chu lam chu sawi ngai lovin hmanni General Discussion ah khan Doctor ka dil leh a. Min pek ngei tawh pawh ka beisei a. Civil Hospital ah leh hmun tin maia damdawi awm lo lutuk te hi a mangan thlak a. Non Plan lamah engemaw zat kan nei a. BAFFACOS ah engemaw zat kan nei a. La hmu leh zel turah pawh inngai ila. Heng pawisa avangte hian damdawi te hi tun aia ta deuh zawk turin nei thei tura inbeiseina sang tak kan neih laiin report thenkhat leh mi ti ti atangin kan Minister zahawm tak Health & Family Welfare changtu hian thil lei tur tul lem lo pawisa siamna tur chi engemawzat tunah hian department hi lei luh tir a tum niin ka lo hria a. A pawh khawp mai. A lei luh tir

Hmingte pawh ka nei vek a, tah hian. Amahin a inhre vek ang a. Chu chu sawi lo mai ila. A thil engemaw han siam hlek a, nuai tlemte han sen a khawl tha mai tur te. Rs. 13,38,000/- tih vela lei luh tur han tum angte hi chu kan ram pawh hi a ni tak takin ka hria a. Tin, kan hotupa, kan M.P. hlui ti mai ang Pu Hipheia ina M.P. fund atana a thilpek tlema han repair theiha han repair-a hman theih mai tur chi nuai tam taka han lei tir tur ang chite hi Pu Speaker, ka hmaa member zahawm takin a sawi ang khan kan sorkarah hian thil ti thei bik, pawisa siam thei bik, chumite nena inzawm tlat hi kan Minister zingah hian tlema zawng kan awm niin a hriat a. Mizo mipuiin kan mamawh ni si lo sum tam tak, thil danga hmana, tangkai tak, mi rethei leh harsa ber pawhin an dam chhuahpui tur leh an nunkhua tisei tur thilte pawh chutiang lama hmang lova, hman hi ram tan a pawh takzet zetin ka hria a. Pu Speaker, chulai chu hmai hmaa han sawite pawh hi a that chang awmin ka hria a, kan sawilang duh a.

Pu Speaker, kan Education Department- ah hian ka zawt a, nichina ka sawi ang khan khatia English Medium School kan han neih taka School tam tak mai leh Hostel tam tak mai kan fee inang ta lo lutukte ka zawt a. Tah hian sorkarin a hriatpui lo a ti a. Tin, Primary School, English Medium hetiang a lo chhoh tak zelah hian defunct kan ti dawn nge ni khar a awm em tihte ka zawt a. Hun a lokal zel ang a, khawpui ah hi chuan reiloteah Primary School hi kan hmang tangkai lo thuai dawnin ka ring a. Chumi hun a lo thlen a Middle School a lo dawngsawng thei turin hemi English Medium atanga lo chho zel Middle School a lo dawng sawng thei turin kan sorkar hi kan Education Department ah hian a lo inpuahchah hi a pawimawh mang e aw tih chu rawtna ang deuhin kan sawi tel duh a ni. Hun min pek that thawkhat avangin ka lawm e.

PU H. VANLALTHALIANA: Pu Speaker, ka lawm e. Hun a reilo bawk a, churang chuan Demand lam ah hian lut nghal phawt mai ila, a thain ka hria a. Demand No. 24 na Health & Family Welfare Department hi bul tan nan han sawi ila a thain ka hria a. Vanneihthlak takin sorkarin min ngaihsakin ka hria a. Lawngtlai Damdawi In a kan mamawh em em Medicines Specialists kan nei thei ngai loh kha nikum November khan pek kan ni a. Lawngtlai mipui an lawmin, hei vawithum vel ka va tlawh tawh a, lawmthu hi min lo hrilh ziah mai a lawmawm viauvin ka hria a. Sorkarin tunhma Damdawi lama kan harsatna, Doctor te chu an rawn dab thin a, amaherawhchu, Medicine Specialist kan

mamawh tak mai, kan neih theih ngai loh kha kan nei ta a. Tin ninipiah mai pawh khan kal tha lo, lokal te pawhin lawmthu min rawn hriha kan doctor zarah kan natna dik tak kan hrechhuak a hei a hun takah in checkup thei turin kan kal dawn niin kan hria a. Kan vannei a ni tiin sorkar hmalakna lawmawm an tih zia thu kha an sawi a.

Tin, chu lo lehah chuan Malaria dona chungchanga sorkar hmalakna hi a chhuanawmin ka hria a. Ka hmaa MLA zahawm takin a sawi dan khan Mizoram khawthlang lam Zawlnuam atanga Lawngtlai, Bungtlang tih vel khu abikin Malaria natna tamna niin ka hria a, hemi kawngah hian sorkarin Malaria dona kawnga hma a lakna hi tha hlein ka hria a. Thosilen chiah te leh engemaw inzirtirna hrang hrang scheme a han siam chhuak hi sorkarin mipui hriselna a ngaih sak zia pawh a ti langin ka hria a. Chulai chu tarlan loh theih niin ka hre lova, a chhan chu ahmuna tuar lo tan chuan Malaria te hi Mizoram, Aizawl ang te leh khawchhak lam deuh te chu boruak a lo nuam a, Malaria an tawrh dan a nep a. Keini khawthlang lampang, khawlum phaia awmte tan chuanin, Malaria avanga thi kan tam zia hriat chuan hemi kawnga sorkar hmalakna hi tarlan loh theih chi niin ka hre lova. Chu lai chu kan tarlang tel duh bawk a ni.

Tin, chu lo lehah chuan Health Department hmalakna ropui tak nia ka hriat chu Doctor indaih loh zia kan hria a, Nurse indaih loh zia pawh kan hria a. Technician-te chutichung chuan indaih zai thei ang tur bera sem rual an ni a, tlawmngai taka Department athawk tena an han thawk hi ropuiin ka hria a, ka sawi tak ang khan Chhim lam keini Lawngtlai te chu Doctor thate Doctor thiam te beisei phalo kan lo ni a. Aizawl sorkar taka kan vui tamna pawl tak pawh hi a ni a. Chutih lai chuan kan Minister zahawm tak hmalakna a zarah Doctor te kan han nei a, kan mamawh tak mai, Medicine Specialist te kan han nei hi sorkarin Mizoram chhung ah min ngai ve ani tih hi ka rilruah a langin ka hria a. Chulai chu kan tarlang tel duh a.

Chu lo lehah chuan Lawngtlai District Headquarter Damdawi Inah khum 30 chauh a awm a, hmanah CMO pakhat awm laiin kan Minister pakhatin a tlawh a, chumi tuma ka sawi chuan heti hian a ti a, Lungdar te leh hmun hrang hrangah (CHC) Community Health Centre Mizoram hmun dang zawng zawngah hian ka awm deuh vek tawh a, Lawngtlai hi ka awm hnuhnun deuh berna a ni a. Hetianga Damdawi In hetiang ang tiat leka rit hi pakhat mah ka la tawng lova, a theih hram chuan min upgrade sak ula, khum 100 tal ni turin hma min lak sak rawh tiin Minister kha a ngen a ni. Sorkar sum neih loh zia te ka hre vek a.

Chutiang a ni chung chuan kan hriat tak ang khan Governor Speech-a lo lang kha khum 50 a awm tura upgrade tura hmalak ani a. A ropui hlein ka hria a, lawmthu pawh a changtu Minister leh sorkar lakah ka sawi duh a ni. Kan bial hlatak mai leh hmun harsa tak mai, Aizawl atanga hmun kilkhawr tak mai kan niin, Damdawi In tha te pan ve thei lo kan nih laia khatianga hma la tu, ngiahsaktu ka nei kha lawmawm kan ti a. Uar takin chulai chu kan sawilang duh a. Hei Secretariat building kan hmu hlawm a, building tha pui pui an han sa chho va hma an han la hi a ropuiin ka hria a. Thingtlang atanga lokal te tana. Office penhleh tak tak leh kilkhawr tak taka awm hi an dawr a hara, chutianga ruahmanna tunhma atanga sorkar ruahmanna sorkarina a lo nei leh vawiinnia building tha tak ta an sa hi sorkar hmalakna a ropuiin ka hria a. Sorkar, mipuite tana hnathawk sorkar kan neih zia alangin ka hria a. Chulai chu tlemin kan tarlang tel duh a.

Tin, chulo lehah chuan Social Welfare Department Dedmand No. 29 na hei hi kan rama NGO te leh sorkar kan thawhdun theihna ber Department hi a ni lawmni aw, ka ti thin a. Amaherawhchu, fund a harsat avanga NGO te tanpuina engemaw zat awm ta lo, an hmanrua entirnan P.A. set kan tih te No ang chite NGO hman hi vanltlang hman, khawthlang ina kan hman vek a ni a. Hetiang han awm thei ta lo hi chu a pawh hlein ka hria a. Sorkar hian helamah hian sum a dah uar theih deuh lawm ni le? ka ti deuh a ni. NGO te leh khawtlang, sorkar anga ka tan ho theihna hmun a niin ka hria a. Hei hi chu a changtu Minister pawhina nasa lehzuala a nawra sorkar pawhin ngaihtuahna a siam tur niin ka hria a. Chhiatniah, thatniah, kan mamawh tlan vek a niin ka hriat avangin hei hi chu enkawl that deuh tha hlein ka hria a. Chu lo lehah chuan Social Welfare Department atanga Anganwadi Centre kan tih te, Crech a Centre kan han tih te hi, khawpui ah pawh hei, Tuikhuahtlangah Legislator Home ah kan awm a, kan fanu, kum 2 mi lek kan kalpui thin a, Anganwadi ah, a tangkaipui riauin ka hria a. Nau awmna thatak a niin ka hria a. Khawpui chhungah pawh, Thingtlang atan phei chuan nau awmtu nei lo, nu leh pa hnathawka chhuak vek an ni a. Chutiang kara an fate him taka leh tha taka zirna pe paha an lo enkawlina hmun a ni a, helamah hian sorkarin hei aia nasa lehzuala tan lak a thain ka hria a. Ratu bialtu zahawm tak khanin a bialah Anganwadi Centre pakhat chauh awm lohna khua kha a sawi a. Kan CDPO ka va phone a, sawm hi chu a awm lo ngei a, amaherawhchu, khua anga awm ve In 40/50 awmna V/C an pek si loh ho hi chu ka sawi ngam lo a ni ati a. Chutiang chuan Anganwadi awm lohna hi sorkar record angin 10 bawr kan awm a ni. Dah belh leh theih a nih chuan kan Minister zahawm tak han min chhinchhiah sak sela a tul hlein ka hria a. Thingtlang miin kan

mamawh nasa hle a khawpuiah pawh an chhawr a ni. Anganwadi Centre te, Creche Centre te hi naupang thanglian tur an enkawlina hmun a ni tih hi min hriatsak hram hram thain ka hria a. Sorkar pawhin ngaihtuahna a sen nasat tulin ka hria ani.

Tin, Demand No. 38-na Rural Development Department hei hi Chhimtuipui District a awm, District Council area a awm kan ni a. Mizoram sorkarin District Council engemaw chenah chuan a ring a nih ka ring a. Department tam tak a tanga development kal hi a awm lo deuhthaw tluk a ni. District Council engemaw chen a rin avangin. Amaherawhchu, kan District Council fund kal dan hi han en ta ila, sorkar department vantlang, District Council 3 te sum hmuh hian a pha mang lova ni. Chutiang a nih avang chuan a ram mipuite tana inhlawhfakna tur leh sum leh pai awmdan tur chu kan hriatthiam theih ka ring a. Chutih lai chuan Rural Development Department min chhawktu ber leh mipuina hna ka thawh vena ber a ni. Food for Work te leh Scheme hrang hrang hianin min cover a. MLA anga kum khat chhung ka awm ve hnu a mipui vantlangin inhlawh an dilna ber chu R.D. ah tih deuh vek hi nin ka hria a. Chutiang khawpa kan ramah chuan pawimawh a ni a. Chutih lai chuan hei kan fund hmuh ve chhun BDP Scheme kan en a hei Block zau tak, block lian ber pawl kan nih laiin hei a sum hmuhna BDP fund ah pawh hian a tlem pawl tak, a tlem lam atanga chhiera 3 na kan ni ang a. Chuti chung chuan kan hlawkpui em em a kan tangkai pui a hna pawh a thawk thain ka hria a, kal kawngte, Session hmasaa ka sawi tak ang khan, Jeepable road khua engemaw zat min tlawh tir ve tu hi BDP fund a ni. Jeep kawng ina a tlawh pawh miah loh khua mihring 900 awmna khua hi khaw thum khaw li kan la awm a ni. Chutiang a nih lai chuan BADP atang hian nasa taka hmalak ani a. Scheme tha tak tak min tihsak a leidawh te, kawnglahi te, leh School In thenkhat te sak a ni a. Home te sak a ni a, kan chhawr tangkai a, Department a pawh hi a ropuun ka hria a, kan Minister zahawm takina min chhinchhiah sak se ka duh a, hetah hian, sum kan hmu tlem hle chung khan mipuite tana tha zawk tur scheme thenkhat divert a awm nual a. A divert-a hi chu mipui tana tha zawk tur hi chuan dikan ka hria a. Amaherawhchu, a sum chawpa block danga an sawm vek theih hi chu, sum kan hmuh tlem tawh nak alaiin kan Minister zahawm takin min hriat sak se ka duh a ni. Lawngtlai bial ah mihring 900 awmna Motor kawng ina a pawh lohna khua awm laia a fund awmchhun min sawn sak thin a hi chu, khawngaih takin min tihtawp sak a, tunhnuah chuan awm lo turin ka duh ani. Mipui chhawr tur zawka scheme divert hi chu Minister chingchang hriain hmalakna ni hialah ka ngai a, alawmawm pawh ka ti a, hmun dang leh block dang, sum hmu teuh a block a an han divert daih hi chu a bialtu tanah a hreawma, mipui te tanah a hreawm a, min hriatsak hram hram se thain ka hria a, kan ngen duh a ni.

Tin, Trade & Commerce ah hian chhimlamah chuan Division Office pawh hi Aizawlah pawh hian a a wm nange aw, ka ti a. District level Office hi, chuvang chuan sorkarin tan a la a, hma a la tha riau mai a, kan beisei loh, a scheme pawh kan hriat ngai loh kan Minister zahawm takin Community Hall hawnga Tuipang, Bualpui te a tlawh tumin ka zina tahchuan, i bialah hian Market kan sa dawn a sin min ti a. Eng Scheme atangin nge? R.D. atang bawkin em ni? ka ti a. Ni lo, Trade & Commerce atangin hei hi MULCO kaltlangin a ti a. Tunah hian hmun 3 ah, Diltlang, M.Kawnpui, Kawlchaw West a h te sak a ni a. Hetiang Department ina hma an la thei mai hi sorkar hian mipui mamawha va hre em tih hi ka rilruah a lang a. A ropui hlein ka hria a. Kan thlai thar ve ang angte khawdanga Bus lokal nia kan zuar anih loh chuan Mahni khuaa vahpui ngawt ngai thin a kha hetiang Market hi sak anih chuan a ngai dawn ta lova. Thingtlang mipuite harsatna tak tak a phuhrukin ka hria a, a ropuiin ka hria a. Sorkarin mipuite mamawh, mipui te tana tangkai tur a ngaihtuah thiam niin ka hria a, ropui ka ti tak tak a, chu chu kan tarlang tel leh duh a, Warning bell kha a ri ta maiin ka hria a.

School Education Department lam tawite a han sawi leh ka duh chu, tunhma Mizoram District pathum kan nih lai Aizawl, Lunglei, Saiha (Chhimtuipui) kan nih lai khan Pu Speaker, tun sentence chiah Zirtirtu training-na DIET kan tih hi pahnih chiah kha a awm a. Tunah hian kan sorkar hmalakna a zarah Mini DIET 6 District danga awm lo zawng zawngah hmalak a ni hi ropuiin ka hria a. A building an sa mup mup a, hei, District headquarters zawng zawngah zirtirtu ten tha takin training-na an nei thei dawnin ka hria a, ropui ka ti a. Sorkarin zirna kawng leh mipui mamawh kawng tinrengah tan a la niin ka hria a. Helai hi tarlan loh theih miin ka hre lova, chu chu kan sawi duh a ni e, ka lawm e.

S P E A K E R : Awle, pakhat hun tha lam hret a la awm a, Pu Andrew Lalherliana sawm ila tawp hun takah, aw.... nia aw.

PU ANDREW LALHERLIANA : Pu Speaker, hun min pek avangin ka lawm e. Pu Speaker, minute 10 vel lek hun hi kan nei thin a. Kan sawi tum ang chanve pawh hi kan sawi zo ngai lova, chuvangin bial lamah ka in-concentrate deuh hlek ang a, tawite ka sawi dawn a ni.

A hmasa berin Demand No. 20-na School Education hi kan luhchilh hmasa ang a. Chuta tang chuan bul han tan nan Khawzawl kan dinhmun atang hian tan ila thain ka hria. Khawzawl hi kan hriat theuh angin atirah chuan District Headquarters turah technical recommendation engkim awm tawh a ni a. Amaherawhchu, Politic-a a kalsual avanga Champhai District Headquarters dah zawk anih kha kan hria ang a, khami anih atang khan development kal danah hian Champhai leh Khawzawl inthlau ta lutuk hi chawhrual a ngai niin ka hria a ni. Entirnan - Education lamah hian sawi ta ila, Champhai thlang lawk khawlian tak In 2000 chuang awmna ni chung si hian SDEO Office pawh kan la nei lo a ni. Chuvangin, khawngaih takin SDEO Office tal te chu neih a thain ka hria a. Kha kha kan recommend duh a ni.

Tin, School Education chungchangthuah pawh hianin ngaihthah ani ta em em mai a, han en ta ila, a chhak lawk Champhaiah engkim mai awm a nih rualin Government Primary School te khi 8 chuang awmah khian zirtirtu hi 25 chauh an awm a. Zirlai khi sang dawn an awm a ni. A indaih lo lutuk, chuvang chuanin YMA pawhin mangan thlak tiin Committee kovin hetah hian hma alak theih lawm ni an ti a. Tin, Govt. Middle School te pawh khi 6 chauh aawm a ni. Zirlai khi 700 chuang an awmna a ni a, tahkhian zirtirtu 40 chauh an awm a ni, regular chu. Khingte pawh khi a manganthlak lutuk a, chuvang chuan, zirtirtu indah belh angai ngawih ngawih a, hei kan hriat angin Aizawlah te, tunah Private School te English School te theih tawpa nasain a ding chhuak a, helamah hian kan mamawh ang ai hian aletin thingtlang lamah zirtirtu hi kan mamawh tawh a ni. Chuvangin, zirtirtu distribution hi rationalised a khing apawimawh indaih lo nasa lutukah te khian kan dah a tul a, chuvang chuanin hemi kawngah hian Khawzawl hi School Education hian kan ngaih pawimawh a tul a ni. Tin, High School te kan dinhmun khi en ta ila, In 2000 chuang fe awmnaah khian High School pa khat chiah Govt. High School a awm a ni. Tahchuan, a dawt lehah Private High School Model High School khi kum 15 chuang an lo 'run' tawh a ni a, khi khi atira politic-a kan Manifesto-ah te ngei pawh tuna ruling hian Provincialised tura an tiam a ni a, mahse, vawiinni thleng hian engmah tih a la a wm lo mai ni lovin, tunah hian Private Status aia sang zawkah kan dah e, an ti a. Aided School Status-ah kan dah anih hi. Amaherawhchu, Aided School Status-a dah tihah khianin awmzia a awm lo em em mai a, achhan chu, Rules pawh a awm si lova, Aided School Rules pawh awm si lo khan a enkawl dan a mumal lo em em mai a. Grant an pek te hi kum 2003 kum tawpa grant an pek 1,50,000/- atang khanin 70,000/- emaw chauh kha released niawm a ni. Tahchuan, hmuh belh leh a awm lo a nih ka ring a, chutahchuanin, kan Minister zahawm tak hian hei

hi status engemaw sang deuh a nih dawn chuan Rules te fel taka siam a, khing te pawh khi Aided School status-ah dah atih a, regular-aid engemaw khi kan pek loh chuan khi a dang thei lo achha a ni tawh a ni. Chuvang chuan, In khiti zat a tam khawpui lian em em si a, High School pakhat chauh an awmte khi apawi takmeuh a ni. Chuvang chuan, hetah hian hma la ila, thain ka ring a. Tin, khi Private School te pawh khi enkawl ve deuh a ngat a ni. Little Flower School te pawh khi English Medium awmchhun a ni a. Tahchuan, Sorkarin kan deficit a, Middle Section an deficit sak a, a lawmawm hle a ni.

Amaherawhchu, School pangngai tho si ah khan a Primary level lampang kha engmah a nih tak si lohah khan private-in awmin rethei tak khan a awm ta a, school pakhat si a section pakhat provincialised a lehlam pang privatised i ti mai teh ang, engmah enkawl loh ani khi khawngaih takin kan sorkar hianin min enkawl that sak se a tha awm mang e, tih kha kan duh a.

Tin, Khawzawlah khian harsatna tawh kan sawi loh theih loh a ni a, hei M/R bill hmanga Education pawisa tihchingpen chungchangthu kalzelah khan Khawzawl-ah khian harsatna tawh an awm a ni. Helaiah DEO te D.O. levelah zirtirtu tam tak hmanga M/R Medical re-imburement pawisa lo bill teuh teuh a, khata "Case" kalchho zelah khan Khawzawl ah khian zirtirtu tam tak inquiry rawn la te khan an rawn lakah khan an han zawt a, M/R i bill em ni ti khan zirtirtu tam tak a n zawt ani. Tahchuan, kan bil lo an ti vek a ni. Marawhchu, SDEO te an lo chhuk thla a "Ka bill ti mai rawh thil a fel awlsam nan ka bill ti mai rawh chu chuan thil a fel ang tih khan an rawn vau ti tih, thlem titih khan an bill a pawisa la tur ang khan sawi tir an tum a ni. Amaherawhchu, an duh lova, a duh lo tam tak khan kan bill lo an ti chung khan transfer-ah te an vau va, he case hi ala kal chho zel niin ka hria a. Tahchuan thil paw deuh mai chu khanga sorkarin a a investigate-ah te SDEO Officer thenkhat te pawh kha investigate an nih lai chuan engatingeni suspend emaw engtin emaw tihawm tak a ni a. A then phei chu charge lain DEO ah te an kaisan chhoh tir a, tahchuan, zirtirtu te khi dawt sawilo thei lova an nawrluih tumnaah khian an mangang a ni. Zirtirtu list hi 10 dawn lai mai ka rawn la thla a, M/R ka bill ani e, tih tir an tum ti duhlote kha an ni a. Chuvang chuan, khang an Officer sorkar ina a suspect a te ngei ngei akha engatinge kan phuar lohva, engatingeni investigation hian tha taka a tih loh? A chhan chu, khitianga zirtirtute an bill loh pui bill ang a, an tih tir avanga buai sorkarin a rawn investigate pawha kan bill lo a ni a tih ngawih ngawih a, bill anga lantir an tum a an vau khi a lehlamah chuan sum leh pai corruption piahlam ah hian "Moral

Corruption" a tling a, hei hi kan hotuten an enchiian a ngai ani. Chuvang chuanin, khawngaih takin khitianga zirtirtu an "harrass" a te khi kan sorkar hian enfiah a an duh ang tak anmahni 'conscience' atanga an sawi kan bill lo an tih a kha a stand theihna turin, tin, anihna ang taka officer te M/R bill hmanga sum leh pai lo tichingpen tute hi chhui chhuah a, chianguang taka hrem a tha ani. Tunah hian a case hi zuzi lampang ang deuhin Departmental inquiry ang lek a tihthlak a, tih zuzi an tum nia hriatna hi kan nei a, hei hi pawitak ani. Zoram tan a pawithei ang. Chuvangin, khawngaih takin kha kha chianguang taka enthat a tha ang e.

Tin, ka bial chhungah khian khi Chawngtlaiah te, Kawlkulhah te khuaah reng reng khian zirtirtu indaihna pakhatmah a awm lo a ni. A biktakin Chawngtlai Middle School te phei khi chu, Headmaster Office tur pawh a awm lova, naupang class pakhat a 58 an awmnaah te, naupang thutna tur hi 40 vel chauh thut theihna aawm ta a. Khangah te khan furniture an indaih lo em emna kawngah hian kan Minister zahawm tak hian he kan harsatna hi min solve sak se athain ka hria a, zirtirtu chu ka sawi ang khan a posting chungchangthuah rationalised-a Aizawla post tam taka hi thingtlang a transfer a ngai a ni. Chutah chuan, kan bial khian kan mamawh ngawih ngawih a ni tih ka sawi duh a, tin, Rural Development ah hian kal leh mai ila, hei ka sawi zo hman lo hle a, Kawlkulh te, Chawngtlai te leh khaw dang dangah khian harsatna kan tawk a ni, zirtirtu ah khan tih khan kan duh tawk mai ang a. Tin, Rural Development ah han kai leh ta ila, R.D. ah hian kan bial kan vui hle mai a. A chhan chu, IAY te, PMGY te sem chungchang thuah khian V.C te, NGO te leh Party hrang hrang hruaituten Committee an din a, an thlana AAP proposal a pawm tawh mai tura kha a lochhuak ve thei reng reng lo mai a, V/C zawng zawng kalkhawm pawhin resolution passed-in hei hi kan thlan ang mipui aiawh NGO te nen kan thlan ang hi lo chhuak ve tawp rawh se ti khawp khan an nawr a ni. Chuvang chuanin, Rural Development hnuaiia sum leh pai awm hi party politic zawng hian kan monopolised lutuk hi ni tawh lo se, a kalphung pangngai angin V.C te NGO te leh Party hrang hrang te a Committee an ruat a, an thlan tir angte hi pawm ve tawh nise, tin, hming phuahchawp a ng zawnga sanction rawn kal hi tawp se tihkha an duh a ni. Champhai ah khian a buakin a baw tlawrh tlawrh mai a, engkim mai hi, Khawzawl a thlang lawk khi kan ro em em mai a ni. Chuvang chuanin, khatiang kha kan dinhmun a nih avang khan kan sawi duh a ni.

Tin, Health-ah hian han kal leh zung zung ta ila, nichina ka sawi ang khan Khawzawl bawkah khian ka lut leh duh a ni. Khawzawl khi In 2000 chuang awmnaah khian Pu Speaker, ka

sentence hi kan zo thla lawk ang e. Hospital Primary Health Centre kan neih a khi khum 10 chauh a ni a. In 2000 chuangah khatiang kha ka dinhmun a ni a, chu chu up-grade a mamawh em em tawh a, up-grade-na tur hian pawisa hi kan sawi ve duh a, kan sawi ve nual tawh a ni. Amaherawhchu, vawiinni thleng hian a la ni lova, BADP atangin sum a awm thei dawna sawi a awm ani. Hei hi awm ta se, a building te lo siam pawh ni selangin Department atanga up-grade-na a enkawina zel a awm loh chuanin awmzia a awm dawn lova, hei hi atlem berah khum 30 khum 50 velah chho ve selangin, tin, khi khawte tak te mai kan neih ve Ngaizawl khuaah khian Sub-Health Centre sak zawh vek tawh ani. Amaherawhchu, engmah la luah loh a nih avangin khi khi khawngaih takin tih changlung a Sub-Health Centre khi Health Worker te engkim dah a, "run" ve ni se tih kha kan sawi duh bawk a.

Tin, Pu Speaker, a tawp tak tak nan S.S.A. chungchangthu hi kan sawi duh a ni. Hemiah hian nakinah a bialtu dik takin a rawn sawi chiang zawk a ng a. Serchhip ah hian thil thleng diklo deuh mai a awm a, S.S.A. Co-Ordinator C.E.O. sawnin a DEO nihnaah khan Village Education Committee in an tih tur zawng zawng a tih khalh vek mai a, Seal 86 Village Committee hrang hrang a n siam tur a kha a lo siam ru a, chumi hmang chuan sanction a la thin niawm taka ni. Tin, Grant-in-Aid lokal reng reng a saw 30% a cut a, chu chu an helh em em a ni. Chu chu Serchhip District chhung a ni a. Tahchuanin aw.. a sentence tawp nan, Village Education Committee ten sum ani hmuh hi pakhatmah a la hriat loh avanga, hei hi inquiry kal mek pawh a ni mai thei a ni. Hei, khawngaih takin S.S.A. hi a nihna ang takin Serchhip bialah pawh sawn kal se, abialtu.. aw.. hun a tawi em mai a, kan duh tawk tawh mai ang e, a nih leh; alem a seal lo siam ang te khang te kha dan kalh ani. A ni chuan Press Conference siamin hei hi atul vanga dan anga ka siam a ni a ti a. Amaherawhchu, Village Education Committee hminga seal khati zat anmahni phalna lova, a siama kha dan kalh a nih chian zia hi chu a chiangin ka ring a, chuvangin, sorkarin hma lain S.S.A. sum leh pai anihna tur takah Village Education Committee hnenah a thlenna turin sorkarin hma la tawh se, atha ange tih kha hun chep tak karah kan sawi a ni e, Pu Speaker, ka lawm e.

S P E A K E R

Awle, chawhma hun chu kan lo hmang zo ta rih a, kan chawl rih ang a, Chawhnu dar 2:00 hian kan thukhawm leh dawn nia. I chawl rih ang.

2:00 P.M.

S P E A K E R

Awle, kan busienss kan tan leh tawh ang a, tunge bul han tan ang. Awle, Pu Liansuama i lo sawm ang.

PU LIANSUAMA

Pu Deputy Speaker, Demand No. 20 na School Education ah hian han sawi tan ka duh a. Kan Session hmasa pawh \ khan ka sawi tawh a. Inspection hi a chau hle mai a. Tin, a chauhna chhan pawh hi awmin a lang a. C.E.O. emaw D.E.O. emaw khawi level pawhin Inspection an neih an inspection report hian awmzia a neih tak loh vang hi ni pakhatin a hriat a. Chuvang chuan hemi kaihnawih a rilrua lo lang thin chu Education Act, nikum hmasa lama kan neih tak te kha vawiinni thleng hian kan la hmang thei lo niin a hriat a. Kan ram Education siam thatna a tana Mellung pawimawh tak Act kan hmang thei lo te hi a ngaih mawh awmin ka hria a. Chuvangin kan Minister zahawm tak hian a khaikhawmnaah engtikah nge kan hman theih dawn, tin, inspection te hi tun aia tha zawkin kan ti thei tawh dawn em tihte han sawilang tel se.

Tin, khawthlang lamah keini bial lamah te khuan 10+2 hi kan la nei lova. Kan School naupang ten Matric an han pass hnu hian an chavai thei hle thin a. Tunhma kan sorkar lai khan kum 1999 ah W. Phaileng ah 10+2 sorkar School pangngai hawng tura tih kha vawiinni thlengin a thawm a la reh ta vang vang a. Session hmasa khan ka zawhna min chhannaah private a permission an pek thuin sorkarin min chhang a. Kha kha kan tawng khawp lo khawp a. Chuvang chuan kumthar lamah te hi chuan khawthlang. Tlawng thlang zawng zawngah hian Kawrthah ah 10+2 chu kan nei a ni deuh chauh mai a. Chuvang chuan kan in hlat si a, kan chhim pha lova helai hi angaih pawimawh awmin ka hria a, kan sawi ri tel bawka ni.

Tin, kan ram Education, abikin Secondary Education hi kan phalrai lutuk a. Chuvang chuan huaisen deuhhlekin amalgamation hi a tih theih mai lawm maw ni tih te rilruah hian aawm thin a. Hei kan hriat chian, kan bial khawthlang lam te han sawi leh ila, khawtin ah deficit, High School te leh Government High School te a awm a. Zirtirtu indaih lo takin, hmun thenkhatah te phei chuan Science leh Mathematic zirtirtu pawh awm mumal lovin, chu chu High School pakhatan han pawt khawm fa.ila, Hostel facilities te nen azirtirtu te pawh

chhungkhawm ta ila chuan naupang pawh inhlitchhuah tham an awm ang a. Chuan amalgamation policy hi neih ngam mai a tha lawm ni. Tunah hi chuan zirtirtu atan leh he Secondary Education a kan insenso tam ai hian kan quality product hi atha thei chuang si lova. Chuvang chuan hetiangka kal reng a kum tin Matric sangtam tak telin pass a hmantlak kan inchherchhuak thei si lo hi a harsa a ni lawm ni tih point pakhat kan tarlang leh duh a ni.

Tin, hei Mautam tur dona kawngah hian Food & Civil Supplies Department pawhin Godown sak ten Mautam tur hi an do dawn a ni a. Chutiang a nih chuan Education department a kan zirtirtu te ho tan hian Staff Quarter te hi neih a pawimawh hlein ka hria a. Aizawl, Lunglei leh hmun dang atangin Zokhuah Staff te an han sawnchhuak dawn a, Primary, Middle leh khawiah pawh hian, mahse, Staff quarter a awm si loh avang hian mi va hrawn rikngawt hi hahthlak tak, harsa taka ni. Chuvang chuan pawisa, chawhma lama kan ngaihthlak ang khan cheng vaibel hhe 500 chuang zet he Mautam donan kan sorkarin pawisa a dawng dawn a nih chuan School Education te pawh hi kan pe thei tur a ni dawn lawm ni. Education a kan ram a lo hmasawn deuh avangin hmarchhak tlang mi, India ram tlang miah hian nasa takin tunhma zawng zawngin hma kan hruai thin a. I.A.S. ah leh Central Service leh Engineering leh kawng dang dangah, mahse tun hnuah hian tribal dang hi kan umpha ta lo em ni aw tih tur tein a awm ta a. Chu chu khawiah nge corrective measure kan lak ang tih chuan Education hi a ni lo thei lova. Chuti anih chuan elementary atanga secondary education ah apawimawh ber te zingami chu S.S.A. ani emaw kawng dang dang school calendar tih te eng hunah pawh January a ni emaw, May ah a ni emaw pawh hian tan thin mah ila a pawimawh chu a thawktu zirtirtute chungchang hi a ni fova. Pu Deputy Speaker, thingtlang bialtu tan chuan zirtirtu kan mamawh hi sorkar hotute hnenah kan thlen chamchi lo thei lova. An han sawnchhuak a, pa upa lam in mi va hrawn hi aharsa lutuk ve bawk a. Chuvang chuan Staff quarter hi neih ngei ngei a pawimawh a. Tunhma kha chuan Forest Department ten an luahsen loh quarter an nei thin a, Department dangte pawh an ni. A mamawh ber education hi quarter kan neih sak thei har lutuk hi chu an tan a harsa a. Transfer & posting a bikin Zokhaw lamah emaw mahni khua ni lova transfer an nih changin a harsa hle mai a. Chuvang chuan hemi atan hian kan ngenpuiin hma lak thar a theih lawm ni? Tin, NLCPR kan tih atang te pawh hian School Building pawh kan nei tha thawkhat viau tawh a. BADP tenen tangkawpin Staff Quarter lam hi kan la hlanchhiah deuhin a lang a, kunthar ah hi chuan helamah hian tan lak theih nise atha ngawt awm e.

Tin, Private School hi Aizawl leh khawpui dangah te English Medium kan tih hi control lek loh hian a tam chak lutuk a. Tin, hmun thenkhat a mite pheih hi chu class room atana thlak loh tak takah hian kan in ekbeng a ni ber a. Chuvang chuan kan hotute hian permission pek dawnin uluk deuh taka en a, an school hmun te naupang seilen leh an than zelna atan, education atan a tha dawn em tihte en hmasa lova duh duhin sumdawn nana kan fate an hmang ta mai hi apawi khawp a. Heimi kawngah hian kan Minister ten tan an la thei deuh lawm ni. Tun anga a punzel hi chuan, Tamil Nadu a School pakhat an kang a, naupang kanghlum teuh te kha rilruah a lo lang a. Chuvang chuan chhiatpui te pawh kan tawk thei ang tih ahlauhawm a. Residence atana sak School ah kan in ek beng ta a ni ber a, hei hi angaih pawimawh awm khawp mai. Education Department ah chuan sawi tur tam hle mah se, kan duh tawk phawt ang a.

Tin, Rural Development Demand No. 38 na ah hian Session hmasa leh tuntum ah pawh hian kan sawi ri zing tawh a, Food for Work a buhfai kal man kan nei lo hi kan hotupa, kan Minister zahawm tak hian ngaihtuah dan han zawng hram sela. Tin, BADP leh Food for Work ah khawthlang lam ah a bikin Phuldungsei bialah sanction tam tak hman anga lang, a hna hmuh tur awm si lo hi ka sawi leh duh ani. Phailengah damdawi In sakna atan cheng nuaisawm tih te, Marpara ah damdawi In sakna atan nuaisawm tih te, tin, Phuldungsei leh Keisalam inkarah nuai thuma tih a tam lutuk a. A hna thawh hmuh tur awm silova. Chuvang chuan hetiang ni lo tur hian kan Officer te leh Minister hian tan han la zui sela, tih hi kan duh bawk a ni.

Soil & Water Conservation hian Director pangngai an neih lohna arei leh ta viau mai a. Hei Session hmasaa Minor Irrigation a Rs. 78,00,000/- la tu kha Director-ah an dah dawn ani tih ti ti thangvel te hi kan dawn ga, ani mai a nih ngai chuan kan sorkar zia a lang Chiang lutuk ang a a tha lo ang nge, tiin warning kan pe lawk a ni.

S.A.D. ah hian sawi hlauh lem lo mahse, kan Chief Minister tan pawh hian a hrehawm awm mang e tih ka nei a. Mc Donald hill a Chief Minister Office awm tlat mai saw kan thanmawh bawk ani ve thei ang a, tih te a ngaihtuah theih a. Heti laiah Civil Secretariat a awm a, Khatla lamah te pawh sawn niawm tak a ni a. Chuvang chuianin kan Chief Minister Office ber a hlat lutuk hi chu athalo a hriatna kan nei a, chu chu tawitein kan tarlang leh bawk a ni.

DEPUTY SPEAKER

I sawi chak a i sawi hnem khawp mai. Hei member te hnena kan tarlan duh chu kan hun neih hi atlem khawp a, asawi kha chak deuh ila chuan kan sawi tam thei deuh ang e. Helaiah hian Pu Sailothanga hi a phar va va mai a, sawm ve leh phawt ang aw.

PU SAILOTHANGA SAILO:

Pu Deputy Speaker, ka lawm e. Han Sawi ve hram ka duh a. Demand No. 29-na Social Welfare ah hian kal hmasa ilangin heta kan sawiduh tak chu kan sorkar hianin Juvenile Justice Care and Protection of Children Act te hi kan nei tawh em? Nei lo kan nih chuan rang taka neih ava tha em tih kha sorkar ah kan ngen duh a, heng avang hian tunliah harsatna tam tak kan tawh phah niin a lang a, kan khawtlang nun kal chho zelah leh naupang than lenna zelah he thil hi a pawimawh em em mai a, chuvangin nei thei turin sorkar hi ka nawr duh a, hemi J.J. Rules kan neih chuan Children Welfare Committee tih te J.J. Board kan tih te leh naupang thil tisuat a puh te observation Home te leh Shelter Home te kan nei thei ang a. Nasa takin kawngro a su dawn a ni. Chuvangin he Dan kan neih loh avang hian vawiinniah thil tam tak harsatna kan tawh phah chho va, tichuan a chhan a result lo lang te chu hetah Demand No. 24 naah han kai chho daih ila. Health & Family Welfare ah hian tunah hian Mizoramah mihring 8,88,573 awm ang kan ni a, census 2001 hnunung berha khan tah chuan HIV mi 55 in nunna kan chan phah tawh a. Tichuan HIV positive hi 1053 angin kan vei a, mipa 650 hmeichhia 403 tichuanin a percentage in kan chhut a, HIV Aids Positive hi 1000 ah pakhat in nei ang kan ni tawh a, mipa sangnih zingah pakhat leh a chanve velin kan vei a, hmeichhia hian sangnihah pakhat ang vel vei kan ni. Hei hi aresult chu hetah Juvenile Justice Rule kan neih loh vang leh Naupang ti taka kan thlahdah vanga kha tia lokal chho zel vawiinniah tuar chho kan ni, chuvnagin Pu Deputy Speaker, he thil hi inkaihnawih flat anih avang hian he J.J. Rules hi a rang thei ang bera sorkar min nawrpui turin kan ngen che a.

Chutichuan, han kal deuh zung zung ilang hetah Demand No. 38 naah kai leh daih teh ang. Rural Development ah hianin helaia kan sawi duh chu BADP hi kan sawi hmasa duh a, Mizoram hi Border Area vek kan ni hian alang si a, kan sorkar hian in interpretation hi a diklo nge ni a, Central guidelines hi chu a dik turah ngai ila induh lai laiah in rin kual mai nge tih hi kan zawt duh che u a. Mizoram a nih phawt chuan Aizawl a nia maw Border Area kan ni vek si a, BADP ah hian

hmasawanna tur programme a tam em em mai si 'a, kei ni BADP in ahuam loh a in ngaih Kolasib District te khu kan ro nasa mai a chutih laiin Urban leh Rural sorkar in an then hrang a, chulaiah chuan Rural ho chan tur kha Urban in min han chuh leh nghal a, kan chan hi atlem em em mai a . Pu Deputy Speaker, chuvangin helaiah hian Urban leh Rural chungchangah hianin sorkar pawhin Notification kha achhuah a, chu a chhuah danah pawh Retrospective in an ti leh nghal a, April 1 2004 ah khan chhuahin September 24, 2004 ah Retrospective in an chhuah leh ani, hengte hi vawiinni thleng hian in sawi deuh lawng lawng mai teh ang. Khumi Kolasib Urban ho kluanin keini Rural ho hi kawng engkimah min la rawn chuh fo mai hi tihreh dan kan Rural Development Minister zahawm tak khan min zawnpui turin kan ngen duh a.

Tichuan hetah Demand no. 44-na Trade & Commerce ah han kal leh mai ilangin Border Trade chungchang hi kan sawi zing tawh hle a. Central atang pawhin pawisa tam tak a lo kal a, tifel mai tura kan ngaih laiin, vawiinniah tihfel a la ni lo cheuh mai hi he sorkar pawh hian tan ala narawh a, tun aia chak zawka hma la tur leh Border trade a rang thei ang bera ahlawhtlin theihna turin sorkar hian tha han thawh leh sela kan duh bawk a.

Tichuan, hetah demand No. 33 na Soil & Water Conservation ah hian kan sawi mai duh chu Coffee chingtute tana hamthatna atam thei ang ber kan sorkar hianin ngaihtuah sak turin kan ngen pui duh a.

Tichuan, hetah kan sawi leh duh chu Demand No. 20-na School Education, a hmasa bera kan sawi duh chu Bukpui Middle School ah sawn Zirtirtu pathum chiah mai kan neih lai hi sorkarah kan sawilang duh a. Zirtirtu pathum sawn nikhatah subject 8 te Subject sarih/sawm te an zirtir a an hah em em mai a. Zirtirtu an indiah loh thu hi sorkar ah kan thlen tawhin ka hria a, an lo la hre lo anih pawhin tunah hian min hriatsak nghal turin kan ngen duh a. Tichuan a rang thei ang bera Bukpui Middle School a zirtirtu pathum chauh awm saw sorkarin zirtirtu min rawn dah belh sak thuai turin kan ngen duh a. Tin, School Calendar chungchangah chuan sorkar in ngun takin a ngaihtuah a tha atih ang a piang kha huai takin kaltlang pui ngam se tih kha kan rawt duh a. Tin, a dang leh ah chuan, S.S.A. chungchang hi kan sawi leh duh a, hei a landan leh kan hriat angin 2004 - 2005 atan hian Govt. of India in saneiton crore 46 leh point sawmsarih pakhat (46.71 crore) a pe niin kan hria a, amaherawhchu, hetah hianin crore 16 chauh mai a rawn release niin kan hria a, a bak zawng chu kan State-in matching share 25% kan pek theih

loh avanga hreng ta angah sawi a ni a, hei hi kan Education Minister zahawm tak hianin theihtawp lo chhuah leh sela tih kha kan ngenpui duh a, tichuan S.S.A. hnuaiah thil tam tak Sorkarin kalpui mek a neih te hi a thuanawp phah a hlauhawm thu ka sawi tel duh lawk a.

Tin, hei Demand No. 36-na Environment & Forest ah hianin Teak chungchang kan sawi duh chu, engatinge teak zai leh lak hi phal leh phalloh hi ala chiang hlei thei lova, phal anga sorkar a awm lain han lak dawn meuh chuan a ni tun mai si hi engemaw a zawmzia le, private teak te pawh hi lak phal a ni nge ni lo tih kha kan zawt tel duh bawh ni selangin, chuan a tawp ber atana kan sawi duh chu Pu Deputy Speaker, nichina kan sawi hmasak ber hemi Juvenile Justice Rule hi nei ngei ilangin chutichuan naupang kan thlahdah em em engmah anti lo an hre lo kan tih chhung a, thilsual lo ti thin hi hei hian nasa takin a veng dawn a, heng kan neih loh avang hianin naupang kan thlahdah a, khuahkhirhna tha kan nei lova, tichuanin nikhua an hrelo kan tih lai hian an hria ani tih hi he House hian hria se ka duh a ni. Tichuan, he Rules pawimawh tak hi kan sorkar hianin tihmakmawhah nei sela, tin, a lo siam tawh anih pawhin chak taka hma la thei turin sorkar kan ngen leh a. Hei hi rang mangkheng leh chak taka kan ti anih chuan vawiinah he Ram leh khawvel ina kan buaipui Drug ngawl vel leh Aids Hiv te pawh hi nasa takin kan khuahkhirh phah thei ang, kan kai tlem phah thei ang tih kha kan sawi duh a ni. Hun atawi a Pu Deputy Speaker, ka lawm e.

PU. K. LALRINLIANA

Pu Speaker, ka lawm e. Hei vawiin kan Minister zahawm tak tak te Demand hi a pawimawh hlawm hle a. Department pawimawh tak tak kan han sawi khawm ani a. A changtute pawh hian a duhthawh awm mang e an tih pawh a rinawm a. Sum leh pai duhtawk nilo mahse. Vawiinniah sawitur pawimawh tak tak a tam hlein ka hria. Khawpui leh thingtlang nghawng pawimawh tak tak tute pawhina kan mamawh vek a ni mai a. A bik takin hei han sawi hmasak a ka duh chu Demand No. 24 na Health & Family Welfare ah hian kal hmasak ka duh a.

Hriselna lampang hi ngaih pawimawh na a nasain hmalakna pawh aropuiin ka hria a. Keini bial bik khu kan Minister zahawm tak bulah pawh ka sawi tawh a, min ngaih pawimawh sak a, a bik takin Malaria ah hian kum dang ang lo takin nikum te tunkumah te pawh, Malaria hi a reh mawh khawp mai a. Krismas ni tak te

pawh khan Malaria vei Damdawi Inah mi 11 niin ka hria an awm a, chumi zingah 6 chu Malaria vei anni a. Chutiang khawp chuan Malaria khuan min la tibuai a. Hei hi chhungkaw tarti tak harsatna min thlen tu leh thihna min thlen tu a ni bawkin kan hria. Hei vawiinah te pawh hian Malaria avangin damlo mangang tak tak Hospitalah Kolasib mite Aizawl lamah Durtlang ah te an awm a. Chutiang chu vawiinnia kan dinhmun a ni a. A bik tak pawhin department in hemi hi min rawn ngaih pawimawh puiin min rawn enpui a, record te rawn enin programme siam d an tur te an rawn ruahman a. A thawktu lam te pawhin theihtawp chhuah an tum chho va. Vawiinniah chuan April ni 1 atangin kum 5 chhung intensified Malaria control programme hman tan Health Department-in a tum hi a lawmawm ka ti a. Hei hi nasa lehzuala a kalpuina turah hian chak taka an kal theihna tur atan theihtawpa kan tan tlan theih ang anga kan tan pawh a tulin ka hria a, chu chu kan sawi hmasa duh a.

Damdawi In bikah kan ngaihlathla tawh a, General discussion ah te pawh, Kolasib te leh District Headquarters hrang hrangah khum 100 (za) awm theihna tur Damdawi In min han pe chho tur te (tun kum chhungah) a lawmawmin ka hria. A Minister leh Chief Minister hmalakna te a ropuiin ka hria, chumai bakah chuan hei Aizawl hmunah pawh hian nasa takin kan la neih ngai loh khawl changkang leh tha tak tak te lei thar a ni tih te kan han hria a. A bik takin Cancer Control Programme ah hian cancer enkawlna tur bik atana khawl pawimawhte lei a ni a. Hnute cancer enkawlna ang chi te kan neih theihna tur a tan theihtawpa hmalak a ni a. Tin, cancer natna bik enkawlna tur te, a hemna tur te ang chi kha ngaihpawimawh a ni a. Phai lamah sum tam tak kan senna thin a kha vawiinniah helaiah a khawl te kan nei chho va, kan tihve theihna tur atan tiin sum awm lo chung chung pawn hmalak chhoh ani tih te kan han hriat hian a lawmawmin ka hria ani. Hei Budget hi nichina member zahawm tak Pu Khawpuia'n a sawi ang khan duhthu a sam lo mang e a tih theih a. Hemi Annual Plan Budget-ah hian 70% vel hi an hlawhah a kal ral thin ni ten kan han hria a. Hengah hian staff indaih lohna hi a nasa bawksi a, a tua te pawhin hetah hian kan ngaihtuahna kan hmang vekin ka ring a. Health Sub-Centre ah te, PHC ah te, CHC ah te, kan bial theuhah pawh hian staff indaih lohna anasa lutuk hi a bik taka ngaih pawimawh a ngaiin ka hria a. Doctor bik indaih lohna PHC ah ringawt pawh hian 24 (sawmhnih pali) bawr velin an indaih lo a ni a. CHC ah hian 32 (sawmthum leh pahnih) vel a indaih lo ni a hriat a ni bawksi a, a dik chiah em ka hre lova, chutiang chuan Staff Nurse te, Health Workers te (Male & Female ang chi te) Laboratory technician te, X-ray technician te, entirman Thingtlangah chuan Laboratory technician te hi an awm loh chuan Doctor awm mahse awmzia neih lohna tam tak a awm a. Chutiang chuan a bik taka ngaihtuah hi a ngaiin ka hria.

A hmalama member te sawi tawh Demand No. 20 na, School Education Department nen hian enkawp ila staff indaih lohna hi vawiina kan Starred Question (ka han sawi kawp duh lawk a, department pahnih hi) No. 200 naah khan Primary School leh Middle School Teachers pension leh thi te engzahnge ni tihah khan chhanna kan hmuh ah chuan Primary ah Post la hnawhkah loh hi Zirtirtu 220 ani a Middle School ah 71 ani. A bik takin zirna lampang te kan uar a, India ramah ziak leh chhiah thiam lamah pawh pahnihna kan nih chhoh mek lai hian kan zirna lam hi kan uluk a, kan naupang te heng hriselna kawng nena inhmeh vek a ni a, Zirtirtu te an indaih chuan chung zawng zawng chu a kaih hnawih chho a ni. A bik takin kan Chief Secretary-in Prime Minister Office atanga lehkha a hmuhah hian hetiang hian ni 7.2.2005 a lehkhaah chuan a inziak a, National Common Minimum Programme commitment to increase investment in Education and health sectors, there should not be any restriction in Jammu & Kashmir and north Eastern States for filling up relevant post in sectors like Education and Health tih ani. Chutiang chu vawiinniah hian min ngaih pawimawhna a ni a. A bik takin keini ramah kan ngaih pawimawh a, a thawktu te pawhina kan hriatthiam hi a pawimawhin ka hria a. Helai hi sawi uar kan duh deuh hlek a. Chutiang chuan Health Department pawh hian aneih ang angin hma a lain lawmna tur kan sum dinhmun thir chuan tam tak sawi tur a awm a ni. Amaherawhchu, kha lai kan chaklohna lai te kha sawi tam a tulin ka hria a ni. Chutiang bawh chuan School Education lamah pawh hian nasa taka tan lak a ni a. Chutianga tan lak a ni chung pawh chuan Staff indaih lohna bik a hi hriatpui a thain ka hria a, chulai chu kan sawi uar duh deuh hlek ani.

Tin, School Education kan sawi kaina laiah khan kan Chief Minister leh kan Minister te thahnemngaihna a nasain ka hria, Kum 2000 - 2005 ah khan State sum ei lo hian Central atangin 8675 lakhs bawr vel lai mai sum hi hnuchhuah ani a. Project siamah hian an hlawhtlingin chutiang chuan nasa takin hlawhtlinna kan hmu chho ani. Tin, hemi inkarah hian District thar District Education Officer Office 4 (pali) lai hawn thar a ni te hi kan changtlun phahin hma kan sawn phahna aniin a ropui ka ti a. S.S.A. te leh Midday meal ang chi ah pawh sawi tur tam tak a awmin ka hria a (Hlawhtlinna) Chumi mai bakah Aided a hlankai Private Higher Secondary School 15 te, High School 132 te, Middle school 66 te, chutiang chu hlankai anni chhova. Tin, chumai bakah Deficit High School 38 leh Middle School 200 Sorkara dah Provincialised anni te kha a lawmawm ka ti khawp mai a. Heng kawngah hian hmalakna hi sawi tur han duhthawh lai bik tur hi a tam em em mai a. Pu Speaker, min hrethiam la minute hnih khatleh, ka sawi laklawh lai hi a pawimawhin ka hria a, hmalakna tam tak lawmthu sawina ram puni huapah pawh sawitur tam tak a awmin ka hria.

Tin, Social Welfare hi apawimawh hlein ka hria a, han kai chho leh chu ka chak viau va. Hei kan la hriat ngai loh thil thar tam tak kan hriat tunlain a awm a. Tribal Welfare lam atangte pawhin, khatiang khan kan la hriat ngai loh sawi tur tam tak a awmin ka hria a, chungte chu vawiinniah kan sawi vek seng lovang a. Kan Demand sawi kan Minister pathumte chan hi vawiinniah ka thlawp a, pass pui turin member zahawm tak tak te ka sawm a ni. Chu chu ka sawi theih ni mai teh se, ka lawm e.

DEPUTY SPEAKER : Hei thil pakhat kan sawi leh duh chu, kan mike hi ring tawk lo deuh a complain na a awm a, member te'n mike hnaih deuh theih nise a tha ang. Tunge han sawi ve leh ang. Pu Zodintluanga.

PU ZODINTLUANGA : Pu Deputy Speaker, ka lawm e. Tukin zing atanga phar tawh kha ka ni a, min koh hmam din chu kan inchuh deuh der chu a ni mai a. Vawiinah kan Minister zahawm tak tak te demand kan sawi dawn a ni a. An department pakhat chan ringawt pawh hi a lian thamin hun min pek minute 10 ang atan chuan department pakhat pawh hi sawi zawhna chi a ni lova, chuang chuanin, hmun hrang hrangah kal lovin, pakhat lekah in concentrate ka'n tum ang a.

A hmasa ber atan chuan Demand No. 38 Rural Development Department hi han sawi hmasak ka'n tum ang a. Vawiinniah a lawmawm em em a, yaibelchhe 32, nuai 20 leh 95,000 lai te kan han dah a, hengte hi dik taka kan hman chuan anihna tur angah rural area ah te kan ram thingtlang ramah kan mipuite tih changkan na atan kan hmang thei a nih chuan, changkan na tham a ni tih hi achiang em em a. Vawiinniah hetiang zozai mai pawisa kan han dah thei hi, a lawmawm ka ti tak tak a, a hmasa a tan chuan kan Rural Development Minister hi, a hna ah hian a tui a, tih that pawh a tum a, lawmawm ka ti a. A department chan hi a pawimawh em em mai a, a bik takin mirethei khawih department a ni a, Mizoramah hian mirethei te hi, a tam zawk kan ni a, kan bial Buarpu bial angte tan pheichuan, development ani emaw, ei leh bar na kawngah a ni emaw an tel lo chuan kan awm thei lo. Kei ni ang bialah chuan BADP kan tih PMGY, IAY, Food for Work, heng hi kan intodelhna awm chhun

leh thil pawimawh ber berte a ni. Kan Minister zahawm takin nikum lamah B.D.O. a koh khawm a Conference a neihpui tuma a thusawi te kha, keini ang bial tan chuan a thlamuan thlak in ka hria a, Central atanga sum tam tak lo kal, thingtlang lam, rural area develop na tur atana sum lokal a hmang dik lo an awm anih chuan Chief Minister nau te an nih pawhin, party worker an ni pawhin, hna an thawk lo a nih chuan pawisa lo pe lo tura sawite kha, keini ang bial tan chuan a thlamuan thlak a. Amaherawhchu, example pakhat sawi ka'n duh chu, kan bial chhungah sawn, Mangkhawng kawm to Densur road-ah sanction cheng nuai nga kan hmu ve a, hetah hian kan Minister zahawm tak bulah khawtlang ten hnatlang an thawhna turin min pe thei em tiin, kan zawt a. A ni chuan, sanction cheng nuai 5 kha Mipuite inhlawhna tur atan min ziah sak a, cheng nuai hnih an han hmang tan a, sanction pawisa an rawn release hman a, cheng nuai hnih chuan a khaw mipuiten an han thawk a, kawng tha tak an laichhuak a ni. Vawiinah pawh hmuh theiin a awm a ni. Tunah Rs. 2 lakhs an laih sawn term hmasa leh hun lokal tawh a, BADP hnua acheng nuai 15 hmanga an laih ai chuan a tha zawk a ni. Amaherawhchu, Party an rawn inrawlh tan a Rs. 2 lakh bakah nuai 3 sanction rawn kal leh ah khan, vawiinnia kan hmuh tak a chu, Buarpui MNF Block tan te, Khawlek MNF Unit tan te, Densur MNF Unit te, tan a ni ta a ni. Vawiinniah hian sawng pawisa te saw, advance in BDO atangin an la vek tawh ani. Chutiang chuan Bawngtuthlawhin vawikhat pawh an lai lo a ni, Rs. nuai 5 atanga nuai 3 khawtlang in an laih chuan, truck 407 hi chu an laih chinah an kal thei a ni. Nichina kan sawi tawh ang khan hun kal tawh a an laih ai chuan, an lai tha zawk a ni, tih pawh kha, vawiinniah chuan khatiang ang khan, party induhsakna ang chi a rawn kal a te kha kan Minister zahawm tak hian, a tak taka tih an tum nin ka hria a. Min enthat sak leh deuh sela, pressure a awm a, party in a rural area develop na tur pawisa, party induhsakna leh pawisa thawk lo a an hmuh theihna tura tanah hman leh mai hi a hlauhawm em avangin, kan Minister zahawm takin BDO te leh Department hotute hmaa a sawi ang thin ang khan sawng angte saw min rawn enpui leh turin ka duh a. Hei hi example pakhat mai a ni a, zawhna te pawh ka'n zawt a, chhan dan te pawh ain ang lo a ni, chutiang chu a ni a.

Tin, a pahnihna atan chuan, saw kan bial angah chuan PMGY, IAY te nichina kan sawi ang khan, a pawimawh em em a, mirethei chenna tur nei lo ang tanpuina te saw, a village level-ah te emaw, V/C te chuan tha takin an thlang thin a ni. Amaherawhchu, District headquarter level chinah te an rawn thleng a Lunglei te, a result, a list dik tak a chhuah hi chuan a hmu lo tur te, a hmu tawh chhungkhat te, emaw ahmu tawh unaupa te, MNF mi leh sa te induhsakna nasa tak a lo chhuak thin a ni. Hetiang ang te hi, kan Minister zahawm tak khanin, min lo enpui

sela. Monitoring cell kan tih ang chi te hi, tun aia zing zawk a, meeting min neih pui turin ka rawn sawm duh a. Tin, PMGY a up-gradation an tih cheng 1,25,000 vel central atanga mirethei In chhe tawh te up-grade na tura tan a lokal, rangva bundle 4 a an pe ngawt mai te hi fel loin ka hria a, rangva bundle 4 hi Aizawl rate ah pawh a tha pawl cheng 2000 ah han chhut ta ila, cheng 8,000 an hmang dawn a ni. Chutiang angah chuan, cheng 4500 hi khawiah nge a awm tak tih hi zawhna lian tak a awm a. A sorkar ang pawh hian sawi fiah dawn sela chuan an insawifiah thei em em ang. Amaherawhchu, a dawngtu tur a Mizo mipui, a mirethei chuanin an hriatthiam theih hi ka ring lova. Rangva in pek ngawt mai hi chu, Central atanga an rawn pek dan nen ainmil lo deuhin ka hria a, chuvang chuan, khalai kha ka rawn sawi tel duh a.

Demand No. 20 Education ah hian kan lut leh ang a. Hei vaibelchhe 19 leh nuai 29 leh 40,000 lai mai kan dah thei a, a lawmawm khawp mai. Education Department hi a pawimawh a, a bik takin thingtlangah Primary te, Middle School te, High School te, Private School tha a awm loh avangin, sorkar school hi kan inngahna ber te a ni, sawng te atang sawn kan ram hruaitu tur te kan ram ro chung tur te la chhuahna tur leh zirna turte ani a. Zirtirtu te an awm tha duh lo em em a, tunah kan Education Minister zahawm tak, Opposition MLA a nih lai pawhin a ngai pawimawh em em thin, zirtirtu awm tha duh lo te, a vei thin a kha, vawiinniah hi chuan, a tak takin a la awm belh chuang lo a ni, zirtirtu kan fa te zirtirturin, interview te neiin, written test te neiin mi tha an thlang a, chung ho chuan an mahni post-ah awm lovin ai kal an la a, an aikal lak dan hi Rs. 1500/- te Rs. 2000 te hlawh an pe a, a thawk lo zawk kha ahlawh la tam zawk an ni. Vawiinniah hian Pu Deputy Speaker, hetiang angte hi sorkarin kan ti tawp thei si lo anih chuan, Ai kal lak dante hi kan siam a tul lek lek tawh ang. Kan sorkar chu kan hriat angin a nuar apiang an hlawhtling ani a, nuar an tam a. Nakinah chuan aikal ho hian association te an din ang a, sorkarah hlawh punte hi an la rawn nawr ang tih ala hlauhawm a ni. Chutiang chu a ni a, hengah te hian NGO te leh MZP, Zirlai pawl zawng zawngte pawhin an ngaih pawimawh hi kan Minister zahawm tak hian kan zirtirtute anmahni post ah theuh awmtir turin hma han la leh se, ka duh a.

Tin, hei Unstarred Question-ah ka zawhna 126 naah PMGY fund atanga lehkhabu leina hi tawite han sawi leh ka duh a, lehkhabu zirlaibu lei nan cheng nuai 62 leh 69493 an hmang ani, Pu Deputy Speaker. An lehkhabu supply chu hetiang hi a ni, cheng 17.50 in an supply a, ziak loh bu te, a hman tlak loh ani, a chhe lutuk, aprivate school ah heng ai a chhia an supply thei a ni. Chuvang chuan kan pawisa hman dan te hi, Steel Almirah 550 an lei ah cheng 8900 te a ni,

department neituten chhia an tih em em a ni, chu ti chung chuanin Aizawl ah sawn a man chanvein a lei theih a ni. Amaherawhchu, lehlamah chuan lawmthu a saiw ve theihin ka hria, hetiang almirah tho hi Police department ah chuan Rs. 31,700/- an lei a nih chu ka lawm e.

DEPUTY SPEAKER : Ani hi a pharna a rei riau tawh mai helaiah hian kan Opposition Group Leader-in aphar vah vah mai a, amaherawhchu, Pu Rohluna sawm veleh phawt ang aw.

PU H. ROHLUNA : Pu Deputy Speaker, ka lawm e. Senior Minister te hna chanpual Department 9 minute 10 a han sawi zawh hi chu kei ni ang tawng muang deuh tan chuan a huphurhawm khawp mai a. Amahwrawhchu, kan ngaih pawimawh zawngte chu kan han sawi ve lem luam ang a.

Demand-ah lut nghal mai ila athain ka ring a, Demand No. 20 na School Education kha kan sawi hmasa ang a. A hmasa a ka sawi duh chu English Medium School naupang zirlai te, School zirlai bu an bag rit lutuk ahi, hei hi engemaw ti asiamthat dan deuh a awm em ? nu leh pa an phun nasa a ni. State dang pawhin an buaipui tawhin ka hria a, thin ana. Hmanniah kan In bul vela School naupang English Medium akal ho ta kha, pali panga ta ho kha patle in ka lo buk sek a, Kg. 5 deuh vek ani mai a ni. Chutiang chu ani a, chuvang chuan hei hi mithiam ten anchhut danin naupang hriselna atan hian a tha lo em em ani. An puitlin thlengin nghawng a nei thei an ti a, tichuan ruhna te, ruhchuktuah na te, tin, naupang hetiang rit lutuk an han ah hianin an hriselna a nghawng naah hian, ruh than thalo te, tin, hunungzangna kawngna te thleng tepawh hianin a siam thei a. Hei hmun hla tak tak atangin School tha te chu kan han pan bawk a, athen chu Motor a kal thei an awm laiin a tam zawk hi mahni ke a kal hna hna te an nih avangin naupang hi an khawngaihthlak lutuk a, helai hi chu department lam hianin English Medium te pawh hi School Education hnuai a awm tho permission an pek leh, anmahni enkawl na hnuai a awm anih avang hian enkawl deuh hlek dan hi ngaihtuah se tih hi Pu Deputy Speaker, ka sawi duh a.

Tin, a pahnihnaah chuan, Central programme leh Scheme hnuai atang hian, hei S.S.A. leh PMGY te avang hian School Education hian a changtlun phah hle a, building te leh thil dang dangah pawh hian a changtlun phah em em a, a lawmawm hlein ka hria a. Hei hmuh theihin School building te pawh hi Mizoram chhunga athang ani. Tichuan, hetih lai vek hian kan State sorkar hian Education hi angai pawimawh tawk lo nge, enge ni, State sorkar ina an tum ve tur S.S.A. ah hianin pawisa kan pe thei lo a, hemi avang hian kum 2001 atangin Rs. nuai 5.97 hi kan chan tawh a ni. Tun kum kal mek a la ni ang chu, 2004 - 2005 chhung hian nuai 2210 chuang kan chan bawh ani a. Hengte avang pawh hi a niin ka ring a, nikuma text bu an han sem theih a kha, kuminah hi chuan an sem thei tawh lo ani. Tichuan, harsatna a department pawhin atawk hle niin a hriat a, tunkum kal mek angah te pawh khanin nikum Budget Session ah pahw kan sawi tawh a, Budget ah khan zirtirtu hlawh daih lo pawisa te kha an dah ta mai mai te kha ani a, hengte han enchhoh hianin School Education Department kan enkawl dan a hi Pu Deputy Speaker, a tha tawhlo in ka hria a, hei hi ngaihtuahna hmanna deuh chi niin ka hria.

Tin, kuminah hian, hei PMGY hnuai ah hian hei ziaak lohbu, hei member zahawm tak Buarpui bialtuin a sawi tawh a, PMGY hnuai ah hian exercise bu an sem a, hei hi kan sawi tawh ang khan Rs. 17.90 man a ni, bu khat hi. A supply tu hi B.Buanga & Sons Bara Bazar Aizawl ani a. Exercise bu nuai 3 leh sing 5 leh 251 an sem a, hemi man chu nuai 62 leh sing 6 leh sang 9493 ani a ni. A exercise bu lah hi an chhuanawm lo khawp em em a, a tawn tawn a ziah tlak loh a ni. Hei hi Pu Deputy Speaker, Government of Mizoram Directorate of School Education Mizoram Aizawl tih hi a chuang kuau lehngal a. A pheh hi han en la hei, hetia han en pheh chuan a inhmuh tlang theih deuhthaw mai awm mang e aw ka ti. School naupang pencil a ziaak tan chuan a lehlam pang hi ziahna tlak a ni lo reng reng State dang te hianin an rawn hmu ang a hei hi Department, hming leh a sorkar hming te a chuang kuau si hi azahthlakin ka hria a, hei hi ahmantlak loh a ni. Zirtirtu tam tak an phun nasa, hei hi School tam taka zirtirtu te hian min sawipui nasa ani. Sawichhuak rawh u min ti, tichuan heng te hi chu Private in a an zawrh a ni private company in Good boy exercise bu heng te hi, hetah hianin tuna PMGSY a exercise bu sem hi pheh 96 a ni a, Good boy hei private ina an han zawrh ah hi chuan pheh 100 hi Rs. 15/- retail price a ni. Hei hi a pheh a inthat hleih em em a ni, atawn tawn pawhin ziaak ila hei hi chu hman tlak ani, a quality pawh a tha. Chu mai pawh ani lo, hei a chhung lamah te Metric table thlengin ti hian an chhu thei, hetiang retail price/amal pawh a Rs. 15/- a lei theih hi engatinge ahlawma Rs. 17.90/- a he Department hianin a lei ni, hei hi chu chhui chian tham a awmin ka hria a, chuang chuan, naupang te kan enkawl dan leh, thil diklo leh thalo lutuk a, hetia naupang rilru a thil kan tuh hi a tha lo ani. Hei hi an zep thei lo, School

zirtirtu te pawh an thin a rim a niang, naupang te pawh an hre vek a ni. Chuvang chuan, hetiang thil hi tunhnuah chuan Pu Deputy Speaker, thleng tawh lo se a tha hlein ka ring. Tichuan, Steel Almirah te pawh kha Bazara Rs. 4000/- vela lei theih kha Rs. 8900/- tein supply a ni a, chutiang chu kan thil tih duhdan a nih avang hian Pu Deputy Speaker, School Education kan enkawl dan hi atha lo hlein ka hria a, hei hi ngun zawk deuhin kan Minister pawhin a tello anih chuan min lo chhui sak sela a thain ka ring. Hetiang thil diklo leh hleihluak lutuk a hi, Human Resources Development Department ah hi chuanin thleng lo sela, mihring rilru hruai sual hi a hlauhawm a ni, kan ramin a tuar dawn nakin zelah pawh. Hei hi thangthar enkawl na atan chuan thil tha lo tak a niin ka hria a, chu chu ka sawilang duh a ni a. Tichuan, hei Steel Almirah te Book shelf tepawh hi Rs. 8900/- in Steel Almirah lei ani a, Rs. 8560/- in Book shlf lei a ni a. heng te hi Pu Deputy Speaker, bazarah hianin a mal pawh lei dawn ila Rs. 4000/- vel pawhin a awm a ni. Silchar siam vel mai mai niawm tak a ni, a quality a chhe lutuk, aaia tha zawk mah a rawng nalh zawk rawng an pek that zawk pawh Rs. 4000/- te pawhin a awm a ni. A rate ka zawt a ka hrechiang viau a ni Pu Deputy Speaker, hetiang induhsakna hleihluak hi he department ah hi chuan thleng tawh lul suh se. Tichuan kum 10 danah syllabus ennawn a ni an ti a, School Education ah tho, Pu Dy. Speaker, hei hi aruala text bu han thlak thut mai hi mirethei tan a harsa lutuk a ni. Naupang fa te pahnih pathum zirlai han nei tan chuan a harsa hle a ni, a chhan chu u te fa te an lo in rochun chhawng a khatianga lo ti tek tek te mi tam tak an awm laiin hetiang a vawikhata han thlak thut mai hi chu, lehkhabu man English Medium ah phei chuan Rs. 1000/- chuang te a lo ni a, tin, adang hei pawl IV pawl V ah te pawh a man a to ve viau tawh ani, lehkhabu man hi. Chuvang chuan heng te pawh hi vawikhat a a ruala thlak thut lovin, aintah tawl deuh hlek tepawhin tih theih ni se chuan atha khawpin ka ring.

Tichuan, Pu Dy. Speaker, hei Social Welfare Department Demand No. 29 na ah hei hi Assam Drug control act te, kan hmang a, hetiangni lo hian keimahni hian siam hram dan hi a department hianin ngaihtuah se hei hi kan ram tan a tha ngawt ang. Tunlai a ruihhlo do nen hian a inmilin ka ring Pu Dy. Speaker, alawmawm ngawtin ka ring a, sawitur a tam a nia Pu Dy. Speaker, hei Department dang pawh hi ka lut hman ta lo ani a. Anih, thuawih hi a tha si a, ka lawm e.

DEPUTY SPEAKER

: Plan deuh zawnga ngai ani, aw, Pu Lal hmingthanga i ko ve leh ang, a ni hi ka Opposition Group Leader te a ni a, hun te pawh pek belh hlek turah ngai ila.

PU LALHMINGTHANGA : Pu Deputy Speaker, ka lawm e. Sawi tur a tam si a, kan sawi bawrh bawrh mai ang a, a hmanhmawh thei ang berin

A hmasa berah chuan Lunglei District saw Mizoramah chuan tun hmalam ngaihtuah pawhin historical tradition lian tak leh pawimawh tak ani a. Tunah District te a lo tam ta, amaherawhchu, khami a historical tradition kha sorkar hian vawng chho zel se, tih kan sawi duh a. Tahchuan Demand No. 24 na Health & Family Welfare ah hian Lunglei Civil Hospital saw tun aia thuam tha turin kan sorkar hi kan ngen duh a. Specialist tam zawkte dah a, khawl investigation tihna tur te, detection tih na tur ang chi tam zawk dah chho nise. Tin, child-specialist phe chu ahmaa awm kha tunah hian kan nei ta miah lova, sawi a tlak ran dan saw kan sorkar ten Chiang Zawkin minrawn zir sakin,rawn tichanglung se, tih kan ngen duh a. Falkawn Referral Hospital hi selected super specialist Hospital tura kan buatsaih kha dispensary ang deuha kan chhuah ta mai si a. Chuvang chuanin referral hospital ti tih hi kan ramah hian hmun hniha kan neih a ngai ve a, tuna Aizawl Civil Hospital hi referral ang deuh hlekin Aizawl chungah chuan hman ve a ni a, Lunglei saw kan thuam that chuan chhim lama Primary Health Centre te leh Damdawi In chi hrang hrang, kalkawng chungchang thua te a lo hnai zawk a, sum leh pai hman chungchang thua te khawhral a tlem dawn a chungkaw tan khan, chuvang chuan Lunglei Civil Hospital saw tha zawkin thuam turin policy thar hi kan sorkarin duang sela, kha kha chhimlam mipuite tan a tangkai ang tih kan sawilang duh a ni.

Tin, a dang leh ka sawi duh chu member zahawm tak tak te khan an sawi tawh a, tunah hian hei ruihtheih thilin kan hnam chu mi thenkhat ten min run mek a. Tunah hian kan thalaite nasa takin an thi a, piangsual phaha chungkua tam takin kan rum phah a. Chumi do tur chuan Central YMA ten hma an han la ta a, Kohhranin a support NGO zawng zawngin a support a amaherawhchu, hetah hian harsa em em kan nei chu tunah pawh kan sawi chhuak lo thei lova, Indian Drugs and Cosmetics Acts hmaa hemi legal drugs a kan ngaih proxyvon te hemi cough syrup hote, nitrozepum leh khatiang ang chi ho kan control thei lo tlat hi, hetiang taka vantlang lungrua ina hma kan lakna pawh tihlawhchham tlat tur chu a ni. Chuvang chuanin ka health Minister zahawm tak, kha special request kan siam leh duh a, hmanna an sawi khan Health Department atang chuan a siamthat a tulna awm kan hre lova, tih tawh ani. Amaherawhchu, heng ho avanga thi tawh zawng zawng statistic te tin damna In hrang hranga an enkawl ho te tin, damdawi In

hrang hranga a piansualna neite an record, an operation ho te heng zawng zawng statistic nen hian kan ram dan, kan ram leilung leh kan thangthar nun, heta tana tangkai tur hi siamchhuak turin ngaihtuahna thar kan sorkarin hmang sela. Tin, Police Department leh Excise Department leh Social Welfare leh Health hi in-co ordinance selangin Chief Minister-in a supervise-na hnuaiah ngei hian he dan hi siamthat ni sela, tichuan, kan hnam eichhetu hi kan control theihna tur leh a tisualtute chu dan ang ngeia kan hrem theihna turin C.R.P.C. 144 mai te hmanga hetia phuahchawp lo hianin legal-foundation thar i siam teh ang, tih rawtna kan sawi duh bawka ni.

Tin, hmannah khan Homeopathy Dcotor a tulzia kha ka rawn sawi tawh a, tunah hian ka rawn sawi leh duh a, India ram hi Ayurvedic Medicine ah a hmingthang em em a, khawvelin tunah pawh a entawn a, a chhan chu he medical Science hi chemical tel lo side-effect nei tlem anih avangin India ramah a lar a, Europe ah pawh adarhzau zel a. Chuvang chuan kan ramah pawh hian Doctor te pawh appoint-in mumal takin department ti mai ila cell te siamin tah hian i kalpui teh ang, tih rawtna hi kan thlen leh duh a ni.

Tin, Social Welfare Department Demand No. 29 naah hian mipakhat hming kan sawilang lawk duh a. Pu Hrangluaia, hei hi 1993 atanga M.R. a thawk thin kha ani a, engmah tihsual leh tih that loh pawh a nei si lova, kuminah hian koh. loh ani ringawt mai a, hei hi kan Minister zahawm tak hian lo chhinchhiahin achungah hian khawngaihna nen koh leha thawh tir leh nise, tiin kan ngen sak duh bawka ni e. Hun atlem avangin Department zawng zawng hi sawi tur atam em em a, tul ka tihzual hi kan sawi duat duat ang a.

School Education Demand No. 20 naah hian thil pakhat rawt thar duh ka nei a, kan ram hi kan vannei a literacy percentage ah chuan Kerala tih loh ah chuan midang kan khum tih kan sawi fova, tin, Sap School chhuak thiam tak tak nula, tlangval kan ngah tawh a, tah hian kan education hi industries ah siam theihna kawng a awmin ka hria a. Entirnan, Nilgiri Hills, Kotagiri, Ooty te leh India hmar lamah Mussouri te, khunglai ho an climatic condition nei ho hian chumi chu remchanga la in education hi industries ah an siam chho va, tichuan, thil dan gengmah production awm lo mahse, an nula leh tlangval leh an thalaite hetiang ang lekhathiam ho tan te khan school zirtirtu tha tak nih theihna private school te an rawn siamchhuak ta a. Tichuan, India ram milian zawng zawng rilru a hip a, ahipna chhan chu khami hill-station climatic-condition kha air-condition siam chawp ngai lova naupang thanlenna atan

hrisel leh nuam a ni tih an hriat avangin chutiang zawng chuan an kal a, Industries ropui tak a ni. Khunglai hmun khu keipawh ka tlawh vek tawh a, chutiang chuanin ka rama kan Education tha leh ram climate leh sik leh sa nena inhmeh bawh si hian Industries ah siam tum ta ila, India ram pumpui milian fate pawh hip thei turin English Medium te kan ti rau raua tun ang mai ni lo hian quality Education hi siamchhuak ilangin, thil dang zawng zawng aini hei hi hlawkpuiin a rinawm a, khami rawtna kha kan sorkarah khan kan theh lut duh bawh a.

Tin, Private English Medium School kan siam tam tawh rau rauah hi chuan hei pawh hi a va regulate dan leh quality control dan tur te pawh kan sorkar hian rang taka duangchhuak a, chutiang ang industries anga kan ram in earning a neih theihna tur leh India ramah hian Education-Centre ropui tak Mizoramah kan dinchhuah theihna turin kan Education hi thlarau thianghlimin a missionary te hmanga a bul min tan sak a ni a. A, Aw, B, te pawh hi chutiang anga missionary te siamchhuah a nih avangin khami kawng kha Lalpan ahawng ang tih a rinawm tlat a, churang chuan khalai policy suggestion a kha hetah hian kan sawi duh zawk a ni.

Tin, thil pakhat service chungchang thuah hian Primary School teacher ah hian selection grade a hlankai dan hi a rualkhai lo deuh hlek a, Entirnan, mi pakhat chu 1983 ah khan lak a ni a, tunah selection grade ah a kai daih tawh a, danah kum 10 service hnuah kha chuan selection grade nih theihna kha chu awmsa reng a ni a. Amaherawhchu, mi thenkhat chu 1970 a appoint tawh te pawh kha tuna pension lek lek tawh te hi engemaw an tlin lohna em em leh an qualification short fall awm ni chuang si lo te kha selection grade a la lut lo te an awm nual a, henglai hi rualkhai zawk deuha kal theihna turin department hian mumal deuhin lo en sela, tih kha kan sawi duh bawh a ni.

Tin, Environment and Forest ah hian Demand No. 36 ah hian a policy thil bawh han sawi leh ka duh a. Kan ramah hian ruah tui a tha a, churang chuan sik leh sa a tha a, amahin kan forest te hi a indevelop chak em em a ni, kan plantation tam tak hi Pu Dy.Speaker, hlawhtling lo lai leh pawisa kan khawhral ang hu a a rah seng tur awm lo atam em em a. Heti zawng plantation-a kal uar lo zawk hian kan rama Natural forest leh Pathian ina min pek tangkai taka hman theih ho hi, a awm tawh sa hi humhalh leh va develop tum ta zawk ilangin, phun chawp te ai chuan chutah chuan kan ram forest atanga Revenue kan siam theih te pawh hi a lo sang chho zawk ang tih ka ring a. Chu chu kan sawilang duh a.

Tin, Rural Development chungchang thuah hian Demand No. 38-naah hian kan Minister hian Thingtlang lam a ngaih pawimawh zia thu a sawi kha ni e, thla a timuang em em mai a. Kan sawilan leh loh theih loh chu keini hi bial laklawhah kan awm ta tlat tih kha ka sawi ri zing hle tawh a. Mahselangin, a hmalamah pawh khan, entirnan Rural area a kha chu kan haider lui mai a ni, Urban Area thenkhat kha chu kan haider lui mai ani e, Census in hetiang hian rawn ti mahse, a tih kha kan ngen tha leh duh a. Hai der lui leh mai kha a van tha leh ve mawle, keini Lunglei South bialtu leh Lunglei North bialtute hi chuanin a urban lai tak hi tlemte a ni a, a rural zawka 75% kan bial si a. Kha kha ngenna kan siam leh duh bawk a ni.

Tin, a dawt leh ah Demand No. 44, Trade & Commerce-ah hian Border Trade chungchangthu kha hmannah kan Minister khan a rawn sawi a, angaihnawm a, khangah khan chak zawka hma la turin tih hi kan ngen nawn leh duh a. Sawmi saw vawikhat kan tihltlang chuan tunah pawh sawn tuikawng anih tlat avangin khawmual kawng laih ngai lovin Pathian siam saah engkim Sawhthing te leh kan Forest product te kan hralhtheihna hmuni a ni a. Hei hi sorkar ina hawn tak taka an hawn thuai hi chuanin Zoram hian a hlawkpui dawn em a. Chumi hrereng chuan chak t akin hma la turin kan ngen a ni e. Pu Dy. Speaker, ka lawm e.

DEPUTY SPEAKER :

A lawmawm e, Pu D.Thangliana kha a phar vah mai a, ading ta tlat mai a. Pu Rina a ding tlat mai, i sawm mai ang aw. Pu Lalrinliana Sailo.

PU LALRINLIANA SAILO :

Pu Dy. Speaker, ka lawm e. A hmasain hmanna ni 23 a Demand kan sawi ni a kan thusawi ve te min react tu kan Minister zahawm tak te zingah kan Rural development Minister zahawm tak hnenah lawmthu ka sawi a. Tin, a dawt leh tuka kan sawi a, min re-act tute kan senior Minister te hnenah lawmthu ka sawi a. Amaherawhchu, Pu Dy. Speaker, thil hi kan theihtawpin kan han tang ve a, thil diklo aawm e kan ti a, Tuirial dung ani emaw, khawthlang/khawchhak a ni emaw kan han vak a, luidung t e kan han khawrh a. Amaherawhchu, ka rilrua awm pakhat chu Pu Zualthauva (RIP) a sawi

Gurkhali thingzai Kel kai ang mai inni e, be be mah la ka talh tho vang che a tih ang deuhin, thiltha hi sawi ve thin mah ilangin, awmzia hi a nei tak tak lovin ka hre deuhva. Kan hnung lawk khan Central Service Officer pension tawhin Pu Rin, thil hi sawi sawi mah ula, awmzia a awm lo. Law Court ah kal mai teh u, ati a. Tiang deuh hlek chuan awmze neilo a hetia kan sawi hi ka hlau thin a. Chuvang chuan Pu Dy. Speaker, khawngaih takin tunah pawh hian tlemte tein ka han sawi dawn a, min lo re-act leh hram turin kan senior Minister zahawm takte kan ngen a ni.

A hmasa berin hei tunlai borauk nen pawh hian a irrelevant viauin ka hria a, tunah pawh kan han sawiho laih laih a hemi House-ah ngei pawh hian, heng ang tuna Social evil, sualna lo pung chho ta zelah hian Drugs te pawh hi kan sawi lar ta viau va, Drugs Control te ka ti a, tahchuan pawimawh ta a ka hriat chu a drugs kha acontrol anih rualin, adrugs diklo lai hi kan hmuh hmaih deuh em ni chu aw ka ti a. A hemi kan Health Minister zahawm tak Demand ah khan kal ta ila, Hmanni kar hmasa khan hemi drugs control Act chungchang kha kan sawi tawh a. Tunah hianin lehlamah chuan tihtha hlein ka hria a, hei Drugs Department in an lo control nasa ve hle mai a, record-a kan hmuhdanin Proxyvon pawh mum sang fe an lo man a. Tin, hemi khuh damdawi kan tih pheih hi chu 58,000 chuang an lo man ani. Chutih rualin Pu Dy. Speaker, thil pawimawh deuh mai chu a drug laia kha kan zuk control dawn tak tak chuan, tunah hian fake drugs kan tih, sub-standard hi a awm nual niin a lang a, chu chu mipui, a rethei zawkte hianin kan lei nin a lang a, a buaithlak hle a ni. Hei hi apawi hlein ka hria a, chumi han titak tak a, chumi han detect chhuak tur chuanin hmanni khan kan Minister zahawm tak khan drugs Inspector tur mi 20 kan dil belh a ti khan ka hria a. Chu chu engeni a qualification. Tin, a qualification-ah khan B.pharm lo ni ta se, Mizo leilungfa, Mizo son of the soil dik tak hi B.Pharm chuang kan awm em? tunah hian, chu chu a pawimawh hlein ka hria a, chu aimah chuan Drug Inspector te pawh tunah hian kan nei a, a dik tak chuan an thiamna te a tha em em a ni. Chutihrualin, anmahni subordinate tur anmahni puitu hi an awm lo nin a lang a, tunah Inspector lak leh hluai ai hian, entirman diploma te emaw, khami te hnuaia an chhawr, hman tangkai tura kha lak zawk ni ta ang selangin, kan ram tan hian a tha hle lo maw aw tih ngiahtuahna ka nei a. Chuvang chuan, tunah a damdawi chhia kha han detect deuh tak tak a nitina kan nun leh kan taksa chhiatna tura min runtupawh hi ti tak tak a bei tur chuan an mahni kha an tul em em niin ka hria a ni. Tin, Drug Testing Laboratory pawhin kan nei lo niin ka hria a, lehlamah chuanin hetiang hian han sawi ta ila, rawtna te pawh han sawi ta ila. Pawisa kan nei lo tih hi a thunawn mawi tak a ni zel thin a, a hreawm viau a, amaherawhchu, tianga tan la tak tak a, Zoram ina hma kan sawn dawn chuan a ngai flat a ni. Tunah chuan Central Drugs Laboratory,

Kolkata te, Regional Drugs Testing Laboratory, Guwahati te kan tawm vel mai mai niin a lang a. Chuvang chuan damdawi chhia te endik tak tak tura hma han la tur hian, damdawi chhiate han detect tur hian Laboratory kan mamawh hle niin a lang a ni. Chuvang chuan tuna strength pangngai hi duhthawh chu a na deuh ang e. Inspector dang chu lak pawh nise, anmahni thuam that a, an hna a zirin Motor han pek ang chite pawh hi angai hlein ka hria a. Tin, chung ang an subordinate lak a chu a pawimawh zawk mahin ka hria tih thu hi kan sawi duh a ni.

Tin, Pu Deputy Speaker, hei Central atang hianin Health Department ah hian pawisa hi Direct funding hi a tam em em mai a. Heng hi check chian angai hlein ka hria. Tunah hian Doctor kan neihte hi a n tha hlein ka hria a, han sawi ve duh talh ka neih chu, hmanni pawh ka va kal lain Casualty ah pawisa neilo harsa zual tak tak te kha Doctor Junior lam an nia damdawi hemi nachhawkna ang takngial te leh Injection na ang chite pawh kha an neih loh avang khan an pocket atangin an phawrh chawt chawt mai a, ropui ka ti hle a ni. Chutihrualin, an ni tan hian sum leh pai hi kan dah tlem thei riauvin ka hre mai a. Hei BAFFACOS kan ti a, Mautam do turin kan inpuahchah a, khami atan ringawt khan nuai 140 bawr vel, 150 dawn lai dah anih rualin hemi a doctor te leh a thawktu te tak tak Incentive tur hi kan rilruah hian a awm lo nin a lang deuh hlein ka hria a. Chutihrualin, hei Central Govt. atanga pawisa lo kal reng reng hi ka hriatsual loh chuan Finance Department ah allocation of Head of Account an neih theih nan an theihlut vek tur ani tih hi a ni a, hengte hi an observed tha em? tihte chu kan saiw pawlh nuai duh bawk a ni.

Tin, Pu Dy. Speaker, thil pakhat leh Rural Development chungchangah kan sawiduh a, nichinah an sawi tawh a. Hei R.D. chungchang hi a bikin thingtlang bialtute tan phei chuan kan innghahna ani takmeuh meuh a, amaherawhchu, vawiinnia kan kal ang erawh hi chuan helaiah R.D. a Aizawla miten thahnemngai takin theihtawpin an thawk a, field a an thawn chhuahte, i dinglama mite thawn chhua hian a dik tak chuan Party eng emaw rilru deuh hianin an sawp thin a, rilru a na duh khawp mai. Chuvangin kan hnung pawh khan Ruantlang Lersia Playground-ah te pawh cheng nuai 3 an dahnaah Games & Sports in cheng sing 8 an la a, a bak chu MNF Party in an insem ringawt mai a, khatiang te kha ani a. Tin, IAY tih te, PMGSY semah te pawh hian kan sawi tawh thin a, ka hming khan question ka zawhna ah Zokhawtharah chuan In 110 in an la a ni, IAY kha, khaw khatin, a diklo lutuk ringawt mai a ni. Champhai bawr vela khitia tih tlur tlur chu a diklo. Chu chu hmanni BDC kan neihna ah khan 110 an la nia ka hriat laikhan, Zokhawthar VCP chuan a rawn sawi a, 120 an la a ti a ni. Hetiang hi chuanin a diklo hlein ka hria a, Pu Deputy Speaker.

Tin, pakhat lehah chuan Education ah hei, tunah hianin Computer lampangah MISO kan tihah Application, hemi Advertisement la lovin direct in an la deuh pawp pawp niin hriat a ni a. Tiang hi a fello hle niin ka hria a, chuvangin fixed pay Teacher, a mi thin kha tunah hianin ahma nena inkungkaih miah lovin Officer lak te nin ka hria a, a pawp hlein ka hria a. Computer programmer turte chuanin BCA emaw MCA emaw a lo berah a ni tur a ni a. Mahse chutiangte chu ni lovin engemaw, tute emaw thil ti thei deuhthe chhungte lak pawp niin a lang a, pawp ka ti hle a ni.

Tin, Pu Deputy Speaker, pakhat leh lawk hei SSA hnuai programme leh development hrang hrang school rawn puihna te alo thleng hlawn a. Tin, pawp ka tih em em chu Champhai Distirct khawzawl CEO hian Headquarters leh helam Directorate tel lovin sum divert theihna power hi anei em ? tih kha kan zawt duh ani. A chhan chu Khawhai Govt. Middle school a mi a divert pawp mai a, nuai khat vel an hmang tawh a, VC te leh hilai zirtirtu te leh a Committee ten chutih rualin Hnahlan ah ama khua ah CEO hianin a divert tawp niin hriat a ni a, atha lo hle a ni, hetiang chi hi. Khatiang khan pawisa hi awmze neilo takin kan hmang thin a nih dawn chuanin kan ram hi a ngaihtuahawm dawn hlein ka hria a. Tin, hei tun maia kan dawnnaah chuan, Saiha D.C. in National Food for Work programme sanction atangin hna supervised nan tiin Esteem VXI Car a lei a, a registration No. chu MZ-03 1555 ani Car dang anei tho. Thingtlangah Esteem a kal thei si-lova, chutiang vel mai mai chuan Officer a ti thei thei hian sum leh pai hi an hmang a, an pawt khawm mai mai niin a hriat a. A hun tak tak leh a hmun tak tak a mamawh te pek a ni thin lo hi a pawp hle a ni. Pu Deputy Speaker, ka lawm e.

DEPUTY SPEAKER :

Pu D. Thangliana ilo sawm ve leh ang aw.

PU D. THANGLIANA :

Pu Deputy Speaker ka lawm e. Kan Demand -ah kan luh nghal mai loh chuan hun a tawi si a. kan sawi hmasak

ber, duh chu Demand No. 24 Health & Family Welfare ah hian thil lawmawm tak awmin ka hria a. Civil Hospital Outreach programme an ti a, kan sawi lar em em Mobile Van te pawh hi an lo hmang tangkai em em mai a. An kal tawhna khua ah chuan kal leh turin an beisei em em vek a, churang chuan hetiang tak maia hmanraw changlung nena kal thei motor kan lo nei te hi thil vanneihthlak tak alo nih hi tih kha ka rilruah a awm a. Hemi chungchanga Health hovin-a hma an lakna hi a lawmawm hlein ka hria a, ka hriatsual loh chuan North Vanlaphai bialah pawh East Lungdar ah hian an kal hnai dawn niin ka hria a. Chutah pawh chuan Mobile Van nen ngei hian kan bial mipui ten a tangkai dan kha a hmun ngeia an lo hmuh theihna tur khan an bungraw famkim nen hian han in chhawp chho ve sela, an hmalakna ropui tak he Sorkarin mirethei te mi harsate damdawiin Aizawl hmun thleng pha lo te anmahni hmun ngei ah an han en tur kha thil chhenfakawm tak niin ka hria a, chutah chuan lawmawm hlein ka hria a. Tin, Health Department hi kan Sorkar hian a ngaihthah lo hle a, damlo mihring nunna enkawltu te an nih avangin a theih ang chin chin ah indaihlo chung pawhin hma a la chhova, tah pawh chuan Health Department Budget hi kumtin hian tih tam chhoh hret hret ani a, kum kalta 2003-2004 ah pawh khan a hma aia tam daihin ruahman chhoh anni a, heng ngawt pawh hian Health Department hi he Sorkar hian a ngaihthah lova, uluk takin a enkawl a, nasa zawka an enkawl theihna atan sum pawh kumtinin a pe tam tulh tulh ani tih kha a chiang viauin ka hria a.

Tin, Health Department ah bawh hian kei phei chuan ka lo la hriat ngai loh thil lawmawm tak pakhat kan hmuhchhuah chu School Health Programme an lo duanah chuan kan Officer hote Chief Medical Officer hoten an bial chhungah Doctor ho leh Nurse hote hruaiin School naupang hnenah inentirna hun te tangkai taka khatiang programme School naupangte hriselna atan te tin, natna inkaichhawn theih laka invenna turte, hriselna kawng hrang hrang inzirtirna ah te inzirtirna mumal tak an lo nei a. Tin, chumai bakah kut tualleichham

.....670/-

leh rualbanlo te chawikan leh tangkai zawka an nun theihna tura zirtirna an lo pek te hi thil lawmawm tak niin ka hria a, a Kristian hle pawhin kan hre nghe nghe a, tun aia nasa zawkin Chief Medical Officer te hian an bial chhungkua-a School naupang te hi tlawh thei hram hram sela tih kha vawiinniah hian kan ngen duh a. Health Department a kan hmalakna RCH an ti a, chung atanga building an sak tawh zozai te hei hmun hrang hranga Health Sub-Centre an sak te, tin, quarter an sak te tam tak sawi tur a awm a, chungte pawh chu thil tangkai tak niin ka hria a. Health Department hmalakna ringawt pawh hi minute 10 chhung hian kan sawi seng hauh lo anga, khang a zualpui kan tarlan kha ni mai sela. Hemi paha kan Minister zahawm takin a min lo chhinchhiah sak atana ka duh chu hei ka bial East Lungdar khi mipui ina voluntary a an sak kum 20-30 dawn sak that miah lova vawiinni thlenga la awm ani a, mipui an fakawm hle a, chungah chuan a building te tin, inentirna leh engengemaw thawm that ngai a tam hle a, chungte chu kan Minister zahawm tak hian min lo chhinchhiah sak se ka duh a.

Tin, Khawlailungah khian Damdawiin a awm bawka a, chutah chuan inentirna hmun te a changlung tawh lo em em a, kan Sorkar pawhin hma min laksak a tum mek a, hei hi chak zawkin hma min lak sak thei sela a thain ka ring a. Tin, North Vanlaphai khi sap hunlaia Damdawiin khi sak tawh alo ni a, a thiah te pawh khi an ui em em chungin inentirna hmun te nauneihna hmun te tin, X-ray technician te an han englo na tur room te kan nei tha lo em em mai a, chungte pawh chu kan Minister zahawm tak hian hmalak an tum mekna ani chungin min hmanhmawh sak deuh sela tiin kan ngen duh a.

Tin, Rural Development chung-changah hian R.D. atanga Mizoram-a hmalakna hrang hrang hi a lawmawm hlein ka hria a, hei PMGY kan ti, mahnia in sa thei lo te tanpuina tur kha vawiinniah hian tihpun chhoh anni ta a, tunhma a insakna tur atana Rs. 22000/- new construction atana an pek thin kha tuna 2004-2005 ah hi chuan tihpun chhoh lo niin Rs. 27500/- lai maia tihpun alo ni ta a, tin, a thawmthatna upgradation ah khan tunhma chuan Rs. 10000/- pek ani thin a, tun kumah hian upgradation atan Rs. 12500/- a tihpun alo ni ta a. Heng PMGY atanga mirethei insakna Mizoram-a hman a lo ni hi mirethei te dawmkanna pawimawh tak in nei theilo te tana tangkai taka an inluah tur an sak theihna hmanrua tangkai tak alo ni a, tin, 2004-2005 chhungin in 1594 lai mai an lo sa der mai a. Hengte pawh hi thil lawmawm tak chu a va ni em kan ti

deuh a. Tin, upgradation kan tih a chhe thawmna atan pawh khan 2004-2005 ah khan in 1003 ngawt mai ruahman na an lo siam a, heng hian Mizoram ah mirethei te dawmkanna tur zawnga hmalakna anih avangin an tana chhenfakawm tak ani a, thil lawmawm tak niin ka hria a, an hmalakna hi tun aia nasa zawka tihpun leh theih nisela han tihpun chhoh leh te pawh kha thil chakawm tak niin ka hria a. Tin, Hall chungchangah te Indoor Stadium chungchangah hmun tam takah hnuhma an nei thin a. tin, chung zawng zawngah chuan nasa takin hma an la a.

Tin, Border Area-a awm kan ni a. BADP sum hi kan rinchhan ani a, chumi kan rinchhan ah chuan vawiinniah hian keini Border Area a awm te chu kan inngahna anih avangin hei BADP an pek danah hian Pu Deputy Speaker kan en a, opposition bial hi an lo duhsak viau mai a, kan Sorkar hian opposition bial leh bial lo hi duhsakna ah hian in lo thliar lo hle niin ka hria. Ngopa bialah hian 2004-2005 ah nuai 86 additional ah leh normal ah an pe a. Tin, Pu Andrewa Khawzawl bialtu zahawm tak bialah hian 160 lai mai an lo pe a, keini ruling bial East Lungdar ah chuan 79 chauh mai kha min lo pe a, Phuldungsei bialtu zahawm tak Pu Liansuama bialah chuan nuai 98 zet mai kha pek alo ni a. Tin, Buarpui bialtu zahawm tak bial Binghamun ah chuan 92 tin, Lungsen ah 110.50 lai mai pek alo ni a, heng atang hian he Sorkar hian ruling bial leh bial lo hi development ah hian a thliar lo hle ani tih kha a chiangia ka hria a, lehlamah chuan ruling MLA han nih chuan an thik awm rum rum in ka hria a. Hengah te pawh hian tlemin keini bialah te pawh khian min pe tam ve thei deuh lawm ni tih kha kan sawi duh a. Tin, Social Welfare Department hi sawi tur tam tak a awm a, he department hi mirethei leh mi harsa chhumchhia te tanpuitu department anih avangin kan zavaia kan ngaih pawimawh tan turah ka ngai a.

Hei Women Commission Bill te pawh kha kan han pass tawh kha ani a. Tin, Child Welfare chungchangah hian zirna School a la kal pha ve lo te chungchangah te tin, nu nei tawh lo naupang enkawl chungchangah te nasa takin hma an la a, chutiang enkawlna ah chuan Mizoram Orphanage and Charitable Home Control Board te pawh kan Sorkar hian a lo din tawh a, tin, chutiang bawkin ICDS atanga 21 atanga naupang hriselna tha an neihna tur atana nu raipuar ina fa tha taka an hrin theihna tur atana hriselna tur kawng te ruahman sak an ni a. Hetiang zawnga hmalakna an han nei te leh tar pension chawm lai tam tak an lo nei te mi harsa leh tanpui ngai te heti tak maia tanpuitu department hi an budget kan lo dah tam tawklo deuh crawh hi chu a pawh hlein ka hria a. Tunhnu-

ah chuan tlawmngaipawl te leh khatiang zawng zawng tanpuiti department kan neih anih avang hian ngaihpawimawh ni thei tawh hram se a lawmawm awm mange tiin kan sawi ani e. Pu Deputy Speaker, ka lawm e.

DEPUTY SPEAKER

Pu R. Lalzirliana ilo sawm leh phawt ang aw.

PU R. LALZIRLIANA

Pu Deputy Speaker, ka lawm e. A hmasain Health lamah hian ruihhlo lam hi Excise atana sawi awm tak. Mahse, kan ruihhlo te hi a hniam em avangin mite ruih duh loh Proxyvon nachhawka te damdawite kan ruih duh ber anih avangin sawi loh theih ani lova. YMA ten ruihhlo do kumpuan an nei a, a lawmawm khawp mai a. Hma an la tha a, kan sawi tawh angin ruihhlo pawh nasa takin a tam a. Chutihlain Health Department hi an lo in san sek a tul hlein a lang a. No. 4 leh thildang dangte a tha chi zawkte an tawn hian nachhawka Proxyvon te khatiang ho kha min lei turin an zawng nasa leh hle tawh tih hriat ani a. Heng atan hian Sorkar lam kan inpuahchah ve a tul a, dan kan han sawi thin a, dan siam hi a tha a, mahse hei aia tha zawk hi kan siam hleithei lo nim a hriat a. Sawrkar hmasa lam dah tawh atangin Amendment te Congress ah pawh kan han ti thin a. Mahse Central lam atangin objection a awm thin a, vawin thlengin kan duh anga dan siam leh inhremna hi kan la nei thei lova. Kan tih theih rih loh pawhin Sorkarin dan tha zawk siam chu a lo tum zel anga. Kha lama inpuh tawn lo khan dan kan neih chhunah hian theihtawp chhuah tlang ila a that ka ring. Chuta tan chuan Drugs lama kan mithiam te Inspector kan tihte, Assistant Drug Controller kan tihte hi an tha tihchak a ngai niin a lang a. Anni hian an tlukpuite en chuan Police ah DSP te nena intluk an ni a. Excise ah Superintendent te nena intluk an ni. Mahse, kaihhruai an neih ve loh avangin an tan hnathawh a har a. Kan Minister thahnemngaihna hian Inspector lak tura tihte pawh kha sum a awm chuan lak a tha thova. Mahse, a awm si loh chuan enforcement kan lak tam a pawimawh a, chuta tang chuan NGO te nena thawh dan kawngte pawh kha nasa zawk a awm theih ka ring a. A hnathawh han en hian hetiang Drug ti ho hi hlauhawmna chen an awm tawh a. Thih huamin sumdawn nante an hmang tawh a. Unarmed an nih a rakhuam nena kal an nih ve loh avangin an tan pawh Police Department ah hian attach zawk ta ila, Health Department a awm lo hian. Chung chu Narcotic Cell te nen kaltiangin ti se, Police ah te chuan an pute in sa tur mai mai pawhin 40/50 an awm thei reng a.

Kan ramah hian mipui tana Drugs do tur tak tak chuan a za tel an awm thei reng ang tih a rinawm a. Helam hi kan Sorkar hian ngaihtuah ta sela, NGO te nena tangtlang hian Pathian kaihruiaina kan dawng bawwk anga. Kan ramah hian Drugs hi chu kan la tih rem leh theih ka beisei a ni.

Hei, nichinah M.R. ban chungchangte kan sawi a. Pu Tlanga ho hi chu nise an ban ka ring lova. Department in an tih ang ringawta kal hi Minister ten an tih tur niin ka hre lova. An khawngaihthlak dan te, mi eng ang dinhmunah nge an din tih kan enchian a pawimawh hlein ka hria.

Tin, ICDS hnuaia C.O. te pay chungchang hi sawi hlek ka duh a. Hei 1989 atang khan an tlukupui te hi an phak ta lo ngar ngar a. Han nawrh ve pawh an duh nachungin Social Worker an nihna an inhriat avangin nuar ve chi ah an inggai lo niin a lang a. Mahse, vawinah hian stagnation a lo awm ve tam tawh a. An pay ang ringawt ah te phei chuan an inhnawkkhawm nasa hle tawh dawnin a lang a ni. Kan Sorkar hian ngaihtuah se a thain ka hria an pay te pawh tihsan ve an duh a. DP&AR an kaltlang a, an lawm ve viau a, Finance ah a tang leh reng bawwk si a. Chuvangin, kan Minister chak tak hianin theihtawp han chhuahpui selangin, an Demand te hi chu kan hre hlei hlur a. An tlukupui anga awm ve 5500/- ah thut ve an duh tawh a, promotion post an nei ve chuang lova. Stagnation a tam mai a, kuminah hian 14 lai kha maximum an an thu tawh dawn lehngal a. Han ennawn sak deuh sela, kum 12 chin te chu senior scale ah dahchhoh ve a, 15 thawk tawhte chu selection grade ah te han dah ve te hi a tha lawm ni ? Anmahni vangin India ramah ICDS Social Welfare Department hi hnathawk tha ber kan ni a. Heng C.O. te viak thatna vang ani tih a lang a ni.

Social Welfare ah tho hian naupang hnena chaw kan sem thinte Soya Cereal Powder hi ka bialah, tunah pawh Civil Hospital ah a la awm a. Naute in a lo ei a, a pum a puar phah ta a. Doctor ten an hria ang a. Anni a chhungte chuan a ei vang ani an ti a. Saitual atangin Aizawl ah an rawn refer a, a expire tawh em ni aw ka ti a. Kan han phone a, a lo la expire chiah io deuh a. Anganwadi Center Venghlui ah hian 13.3.2005 khan Soya Cereal Powder hi sem a ni a, a manufactured date chu September 2004 a ni a. Thla 6 dam tur a ni a, expire tawh a ni. Hei hi a funna pawh a ni a, a changtu Minister bial ngeiah tiang hi a awm a ni a, Minister hian lo enzui sela. Bekang dip an sem te hi a uih te a awm a. hmannah min rawn pe a, rawn ken ka tum a, ka chhungten vawwk chaw ah an lo pe hman a.

Tin, calcium an sawite kha mum 500 awmna turah ping pakhatmah a awm lo hawn sa vek a ni. A department hotute pawn a hriat ka ring. Buhfai leh dal te pawh chhum pawlh a ei tir thin tur a ni a, nau awmna ah hian. Supply hi a hunah a thleng thin lova harsatna nasa tak an tawk a. Soya Cereal Powder te pawh hi expire hma si a, thla 6 chauh dam tur a ni a. Chu chu supplier ten thla 2 awm te lekah an pe a, Director atanga CDPO chuta tanga C.O. ah an han pek leh kha a hun hian a daih ngang lo a ni. Contractor te thiam loh niin a lang.

Hei School Education ah te sawi tur tam tak a awm a. Deficit Mission School a thawkte Pu Deputy Speaker, i awmlai hi ka chuh a, min hrethiam thin a, ka ngam zawng tak i ni a. Kerela te. Andhra Pradesh te. Maharashtra leh State dang dangte pawh hian Mission School te hi pension benefit an pe thei a. Keini Pathian leh kan ram tan titute hian engtizia nge kan pek theih loh tih hi ka vuipui deuh a, Minister te hian han ti thuai thuai sela.

Pakhat leh chauh Pu Deputy Speaker, nangpawh i hriat duh ka ring. A ho angreng zia chu, hmanni khanin Darlianthanga hi leave a lak aiin an suspend ringawt mai a, hei hi an enchiang tawh lo hlein ka hria. Secretariat lam atangin thu a lo kal a, hei hi action lo la ru, engtizia nge ni an ti a. Tichuan sawi set set lovin Director lam atangin suspend order an hian tichhuak leh tawp mai a. An han enchiang a, leave kha ni 30 lai a lo la si a. Hetiang hi chu inkhualtelem kan ang a, tih tawh loh chi a ni. (Deputy Speaker : Ngawi rawh, tawh rawh se). A tawp nan tak tak, lehkhapuan chhe lutuk kha a pawh a ni. Kan naute kan fate engvangin nge he Sorkar hian sumdawn nan a hman ringawt a. Chuvangin in hmu vek a, kha supply tu Firm kha black list ah dah ngei ngei tur a ni. He Sorkarah hian a hnu a thawk tawh lo tur a ni hrim hrim.

DEPUTY SPEAKER

Kha kha chu nichinah pawh Member danten an sawilang tawh a. Minister in lo chin-chhiah turah i ngai ang. Pu H. Lalsangzuala khi nichin atangin a phar tawh a. In duhsak leh phawt ang.

PU H. LALSANGZUALA

Pu Deputy Speaker, ka lawm
c. Hei sawi duh ka nei ve
teuh na a, amaherawhchu, kan
sawi deuh zung zung mai ang

a. Demand ah ka lut deuh chawt mai anga, a hma-a thu han ham
hmasak duhte pawh ka nei na a. Mahsela kan Demand No. 24-na
Health Department ah hian han lut nghal mai ila a tha ang e. Health
Department hi Department pawimawh zuala ka ngaih a ni a. Life
Saving Department kan ti thei bik awm e, a pawimawh em em a, kan
ramah kan damdawiin te a changkang chho zel a. tun dinhmunah chuan
hmanrua chi hrang hrangte a awm bakah technician tha tak takte pawh
kan nei chho zel a, a lawmawm a. Health Department hian kan ram hi
a nghawng takmeuh meuh in ka hria a. chu chu hei refer te kan tawk
a natna avangin phai ramah kan Mizoram atangin sum tak tam a lut
thla a. Chutah chuan he department hi kan ram tan hian a pawimawh
hlein ka hria a. Chutah chuan technician tam zawkte kan neih chhoh
chuan khawlte hi chu kan Sorkarin tan la chho zelin khawl tha tak
takte neim kan pawisa phai ramah Guwahati ah, Delhi ah, Madras ah
kal thla tur hi tam tak kan ramah a chambang thei dawn a. Chungah
chuan kan ram tan thil pawimawh tak a niin ka hria a, kan department
hian tan la in technician tam zawkte neih theih dan ngaihtuahin.

Tin, khawlte pawh tunah tha tak tak nei tawh mah
ila, tun aia changkang zawkte kan neih theihna atan tan la se ka duh
a. Chu chu a hmasain kan sawi duh a. Tichuan, hei tunah kan Health
Minister thahnemngaihna a fakawm hlein ka hria a, tuna kan Health
Department changtlun chhoh danah hian beiseina sang tak keima mimal
tak pawhin ka nei a. Chu chu kan sawi hmasa duh a. Tin, chutia ka
sawi rual rual chuan kan Health Minister in min hriat sak atan sawi
duh ka nei a, Suangpuilawn ah Doctor kan nei lova, V.C.P. pahmih an
thi tawh a, amaherawhchu, kan Health Minister thahnemngaihna-ah a
lawmawm a, thisen te pawh motor - a tir chhovin Aizawl rawn phurh
thlenna turte pawh min ngaihtuahpui a, amaherawhchu, chuti chung
chuan tun thleng maiin hei kum chanve a kal chhho chu ani leh ta
mai a. Doctor kan nei lova, khilai bial mipuite Suangpuilawn leh a
khaw chhehvel mipuite tan a thlaphanthlak hlein ka hria a. Hei hi min
chhinchhiah sak se ka duh a, chu chu kan sawi duh a. Tuna Doctor an
rawn dah tur hi Lunglei District lampang mi niin ka hria a, sawlam in
an ui a an lo dah theilo a nih pawhin a dangte tal chu min pck sak
thei se ka duh a, chu chu kan sawi duh pakhat a.

Tin, pakhat lehah chuan a bul lawkah Phullen khua-ah te damdawiin an sa zova kan Sorkar zarah, a lawmawm a khilai kan phuisui a. Mahsela, tunah sak zawh tawh a nih hnuah Doctor te la dah lovin tunah function tir a ia ni lova, nakinah hun a lo kal chho anga a in te a rawih leh anga, repair nan sum tam tak sen te a ngai leh dawn a, chungah te pawh chuan khilai a kan damdawiin sak zawh tawhte pawh a function theihna tur atana tan min lak sak turin kan Health Minister zahawm tak hncnah kan han thlen ni nghal sela.

Tin, chubakah hei thingtlang khua ah te chuan Sub-Centre hi a pawimawh em em mai a, natna te a lokal chhoh a, engemaw tia natna khirkhan tak a lo chan hma a tlan luhna tur Sub-Centre awm lohna rural area, thingtlang nite tan hian a pawimawh a. Chuvang chuan Sub-Centre hi tam zawka min dah sak turin kan Minister zahawm tak pawh kan ngen duh nghal a. Engpawhnise, khing thingtlang hmun rilah chuan khawsik ser ser te, eng natna nge tih pawh hriat lohna an thi leh ngawt mai thin te a ni a. A tawpah chuan natna khirkhan tak te a lo ni e tibte a ni leh mai mai a. Chuvangin, a natna in hun khirk tak a thlen hma-a an hriat theihna turin Health Worker te tan zawkin min dah sak thei sela.

Tin, Sub-Centre te pawh min dah pun sak se ka duh a, khilai ka bial chhungah. Bial dangte pawh an nih ve ka ring a rural area ah chuan, ka bial chhunga khaw pakhat phei chu Khawhian khua, chu chuan khaw 3 a vil a, Health Worker tan khianin manganthlak tak a ni, khinglai anga Health Worker pakhatin khaw 3 han vil ringawt mai kha chu an vak an vak ringawt mai a ni. Heng lai Aizawlah te kan ngaihtuah thin a, Sub-Centre ah te nilengin an thu ani ringawt mai a, Health Worker tam tak te phei hi chu damdawiin hmunpui kan neih avangin chuvang chuan hemi kalphung te pawh hi ennawn nise Aizawl khawchhungah Sub-Centre hi kan han nei ve viau tak na a, kan pan lem lo ani dik tak chuan damdawiin lam leh specialist te kan pan tlangpui a, chungah chuan kan Health Department hian Zokhaw lampang hi tan min lakpui lehzuai sela tih kha kan sawi duh a.

Tin, kan sawi leh duh pakhat chu. Demand No. 38-na Rural Development hi a ni a. Hei, thingtlang khua te tan chuan kan nunna ani tih kha member zahawm tak takte hnen atang khan kan hre tawh a, a dik khawp mai a. Rural Development hi a pawimawh hle mai a, ka bial chhungah pawh tunah Luangpawh khua ngat phei chu an khaw hluiah Department atangin sanction a kal tawh

... 677

silova, an khaw thar ah in 7 an lut tawh a, chutah chuan engmah
 sanction an pe bawk si lova, an awl ringawt mai a, chu chu tunah
 hetia an inthen hma Rural Department leh Local Administration an
 inthen hma khan, Local Administration kuta awm anni a. Tahchuan,
 step pahnih vel te chu kumkhat chhungin an awm ve a, mahse tun
 dinhmun ah phei chuan Rural Development in a chang ta vek si a, an
 khaw hluiah sanction a kal tawh si lova, chungah te chuan kan
 Minister zahawm tak Rural Development Department in min hriatpui ka
 duh a, tunah pawh khian insak tanpuina atana hetia kalphung pangngai
 PMGY kan tih angah chuan Constituency pakhatah 20-30 vel te kan lo
 nei ta a, khua hian insawn ngaihna a awm si lova, khi khua khi kan
 Sorkar pawhin a lo sawi hmuh leh tan a lak dan tur thehtawp a khaw
 insawn te hi thil namento ani a, thlanmual te mahni pate lu nghahna te
 thlahleh ngawih ngawiha an awm lai karah kan Sorkar Ministry hmasa
 pawh khan khaw thar a kawngpui hrula awm tur anga a lo sawi hmuh
 leh a lo remruat pui tawh a nihna angin tun thlengin khua la sawn
 loh in an awm ta a. In 7 khi an awm ve bang ringawt mai a, engmah
 development an nei tawh silova, khi khi kan Minister zahawm tak
 pawhin min hriat sak sela, a khua han sawn a, in 30 angte pawhin ti
 ta sela, in 100 pawh an fling lova, tum hnih angte pawhin an khua khi
 insak tanpuina te pawh pe ve sela, chutiang chuan khilalah khawthar
 hmun rem zawkah an awm thei dawn a, khi khua khi min hriat sak
 kan duh pakhat bawk a ni. Tin, a pawimawh em em na pakhat chu
 mihring changkang tur chuan motor kawngpui hrula awm a ngai a,
 Mawmrang tlang chhipah buhfai an phur chho a, an han e chhuak ani
 ringawt mai a, chutiang dinhmun chu anni a, Luangpawh khua khi tun
 Sorkar tan pawh hian ngaihpawimawh chi anni in ka hria a, khaw te
 reuh te mah nisela khaw pawimawh tak an ni a, kan Sorkar hian min
 hriat sak ka duh a ni.

Tin, Education-ah han kai ve hram
 ta ila, Education Department, Demand No. 20-na ah hian khi ka bial
 chhungah pawh khian zirtirtu indaihlohna a nasa em em mai a, a
 thenah te phei chuan Aided Teacher pahnih an awm a, tahchuan Sorkar
 zirtirtu chu pakhat chauh te alo awm a, damloh nikhua te phei chuan
 Aided Teacher pahnih chauh ten School an enkawl ta a, Class pawh an
 inla daihlo ani a. Chutiang khua chu khaw hnih (2) kan nei a,
 Luangpawh khua leh N.E. Tlangnuam khua te. Tin, Khawlian khaw
 H/S ah te pawh zirtirtu indaih lovin Science subject la tur pawh an nei
 tha lo a, chutiang chuan zirna lamah kan hnufual em em mai a,
 Suangpuilawn Constituency khi kan Education Minister zahawm tak
 pawhin min hriat sak ka duh a, khitiang a nih khi chuan Matric result

hi that ngaihna a awm lova, Matric result tha tur chuan zirtirtute indaih ve a, inzirtir thei tura min dah sak ve te pawh kan beisci ve pakhat a ni. Tin, chubakah zirtirtute anmahnin hlawhfa la a anmahni thawk lova awm khi an tam em em mai a, Department te pawh hian min han chhui sak ka duh a, tunhma term hmasa atang te pawh khan kan sawi tam a tun thleng khian ala bang chuang lova, chuvang chuan zirtirtuten sumdawngin mahni aiah mite chhawrin chutiang chuan tam tak an awm ani a. Chuvang chuan kan bial chhunga zirtirtute an awmna hmuna awm lo te hi kan department hian min zawn chhuah sak a min siamthat sak turin ka ngen a ni. ka lawm e.

DEPUTY SPEAKER

Awle. Pu H. Liansailova kha a pharna a rei hle tawh mai a. Ka dinglamah phar dang pawh in awm nual mai a, han sawm law law mai ang aw. Hei kan hun neih hi dar 4.00 khi chawh kha ani leh tawh mai a. Hun a laklawh angreng viau mai a. Pu H. Liansailova i lo ko ve leh phawt ang.

PU H. LIANSAILOVA

Pu Deputy Speaker, ka lawm e. Hei wawiinni-a kan Demand han sawi ho ah hian kan hotuten thil pawimawh chi hrang hrang an han sawichhuak tawh a. Lawmthu sawina awmah tepawh lawmthu te pawh an sawichhuak tawh a. Tin, thil thenkhat Sorkar leh a department pawhin-a alo enzui tur thil pawimawh tak tak, sum leh pai hman thu a in enfiah ngai te pawh kha tarlan ani tawh a. Khang kha han sawi nawn leh pawh a tul tawh lo turah ka ngai a. Ka ngaih pawimawh leh thil thenkhat te chu han sawi nawn te pawh a awm thei a. Han sawi ve kan duh chu Pu R. Tlanghmingthanga kan Minister zahawm tak Demand atang khan Demand No. 11-na, S.A.D. ah khan. Hei Office expenditure ah khan crore 2 chuang zet mai dah ani a, S.A.D. hi a Secretariat kan intuamhlawm na lai ani a. a awm pawh a awm viauin ka hria a. Amaherawhchu, kan sawichhuah duh chu tunhma lam kum kal tawh te khan Printing & Stationery hi an dawr miah lo niin record kan hmu a, hei hi a pawl hlein ka hria a. A sorkar, a order chhuahna ber atanga Department te zawm tur chauh order chhuah an ang hle mai a. Hemi thuah hi chuan anmahni Sorkar ngei hian an order chhuah hi umzui sela thain ka hria a. Hei hi Sorkarin a tih nachhan pawh stationery a kan expenditure hi Printing & Stationery kan dawr hian kan expenditure hi Revenue ah kan convert thei ani tih hi a hmuh

avangin revenue mobilisation atannah pawh a pawimawh a ti niin ka hria a, chu chu kan tarlang duh a. Tin, thil ho angreng tak, mahse, pawimawh tak hei tunlain faina te kan uar a, kan Secretariat pui berah hian han kal ila kan Minister te room sir leh inthiarna vantlangin a kan tawmpui deuh hrim hrim a hi a tawp em em vek mai a. Hei hi chu a Secretariat Administration atang hian in en uluk selangin, Sanitation Officer te pawh neih hial a tul lawm ni ? Kan room te kan chcimawi viau a, kan bathroom chu mikhual in min tawm ang tih hlauhawm khawpin a bal a. Hei hi a ngaih pawimawh awm hlein ka hria a, tenau hle mahse, kan Sorkar hmel kan ram hmel lanna tur a ni.

Tin, Demand No. 24-na Health & Family Welfare ah hian hei kan Doctor te an thiam em em mai a. phailam Doctor thiam pawh kan ngai bik lova, Super Specialist tluk vek an ni tawh mai a. An hmanrua leh bungrua an mamawh ang tak a hi anmahniin mamawh nia an inhriat chiah hi leisak ila chuan kan tha sawt in ka ring. Chumi thuah chuan kan hotuten anmahnin an mamawh ngei nia an hriat a hi lei dan kawng ngaihtuah puiin dap chak ila chuan engemaw kan inmahpuhna leh kan insawi thin - khang Zunin kal thei, Ekin kal thei kan tih ang chi kha chu kan titawp lo turah kan ngai a. Khatiang aia thil pawimawh kan mithiam tena awm sela kan that phah sawt tur a hi eng engemaw tlakchham kan la nei teuh a ni. Chu chu kan tarlang duh a.

Tin, Cancer chungchangah hian chanchinbu ah pawh khawvel ah No. 2 kan ni tihte kha tarhhuah an nih chuan Health Department lama kan hotute leh kan Sorkar hian attention kan pek nasat a ngai hlein ka hria a. A chhan a pawh hi a chiah a hre lo mah ila, a awm vel mipui inzirtirna leh nakin zela kan invenna tur pawh hi kan ngaihtuah chhuah a pawimawhin ka hria. Chutih rual chuan tuna Cancer damlo mek te enkawlina helai kan ram chhungah hei kan nei a, mithiam te pawh kan nei zel a. Hei pawh hi ngaihsak zui a ngai hlein ka hria, Engnge ni a tlakchham ? Engnge ni a mamawh ? Thawktu lamah pawh, mipui lam pawhin engnge an mamawh ? Helai hi kan ram mamawh tak tak anih na lai a awmin ka hria a. Cancer natna hlauhawm tak leh rapthlak tak mai tuar a loh theih lohva phai lama kal thei te chu a vannei a te an ni mai a. In lama tuartute, a kal ve thei lo keini ang duang tan hian Zemabawk a cukawlina leh helai thiam te hi kan inngahna a ni. Chuvang chuan ngaihsak zui tak tak a ngaiin ka hria.

Tin, pathumna ah chuan nichina kan MLA zahawm tak Pu Hminga sawichhuah kha, hmanni ah keipawhin ka sawi a. Homeopathy hi alternative medicine ani a. Chuvang chuan Central lam pawh an inhawng hle ni a hriat a ni a. A dispensary emaw kan damdawiin-a attached mai nilovin, a Hospital hial emaw neihna tur zawnga kan department hotuten ngaihtuahna thar lo nei sela a tha hlein ka hria.

Tin, Social Welfare ah hian Demand No. 29-na. He Department hi a pawimawh hle mai a. Vantlangin a kan ngaih pawimawh mi leh mihring enkawlina hmun ani a. Tah hian kan sawi duh pakhat leh chu tar chawmna hi a tangkai khawp mai a. A beitham deuh ang chuan ngai mah ila. thingtlang ah hei kan chhungkhat hnai te pawh a dawngtu an awm a (mahni chawha awm khawngaihthlak te te) thingtlangah chuan an nunpuiin inngah nan tak tak an hmang ve a ni. A lawmawm khawpin ka hria, amaherawhchu, a lak vel thuah hian hei aia awlsam deuh hian a tih theih em? ICDS-a an Field Officer te Field Staff te, heng hian thingtlang khua an dap a. Anmahni hmang hian tar chawmna hi thla thum danah emaw thla hnih danah emaw sem theih dan ngaihtuah nisela. An theih mai pawh ka ring a, a hre zau deuh ten min hrih dan chuan Tripura Sorkar chuan an awmna hmunah tar ho hi an sem mai ani an ti a. Annin an theih chuan keini phei chuan kan thei ngeiin ka ring a. Hei hi kan Minister pawh kan ngenna a ni a. Chulo lehah chuan, hei mi harsa bik enkawl ngai kan neih rualin tunlai kan boruak hi kan hre theuh va. Zu zuar tam tak hi chu retheih avanga zuar lo thei lo, hmeithai, pasal tena an nawrchhuah emaw an chhuahsan emaw ang kha tam tak an awm a. Heng chhawmdawlina tur hian Social Welfare lam atang hian hmalak dan a awm lawm ni? Veng thenkhat Kohhran te, pawl mal leh mimal thahnemngai tena an han tih hian a tangkai khawp mai a. Duh vanga Zu zuar lo, damdawi zuar lo, zuar lo thei lova ding si hi an lo awm nual a ni. Chuvang chuan National Family Benefit Scheme atang te hian hma a lak ve theih em? Chu chu kan Minister in min lo en sak sela ka duh khawp a.

Tin, chulo ah chuanin elderly persons policy kha kan State hian a nei ta niin ka hria a. Eng anga hmalak zui tur nge ni, action plan kan nei zui ta em tih kha kan hriat duh bawka chu a ni a. Awlc, hun a kal chak viau mai a, mahse ka vannei turah ka inngai a. Pu Aichhinga Demand ah khan R.D. lamah chuan amahah rinna kan nghat a, kan hotuten an sawi tawh bawka a, a lawmawm in ka hria a. Amaherawhchu, kan ngen nawn leh duh chu

thingtlang lama kan mite hian iahlawhna hi an mamawh ngawih ngawih a ni. Chuvang chuan 'food for work' leh hetiang thingtlang a hnathawh tur chi hi contract system a tih loh hram hram a thain ka hria a, a pawimawh a kan mamawh tak pawh a ni a. Tunhma 1975 bawr lai vel kha chuan Mizoram pumpuiah nuai 120 E.G.S. a kan insem kha chuan kumtluanin thingtlang miten inhlawhna tur an nei a, pawisa a tam mai a ni. Tuna kan pawisa dinhmun kan ngaihtuah hi chuan dik deuh hlek chuan hmang ila kan 'food for work' emaw eng programme 2/3 tal hi chu khaw tinah hian Aizawl a lo pem ngai miah lovin thingtlang mite hi him takin an awm thei ang tih ka ring a ni. Pawisa ləngvak heta tang hian kan ti tam anga, thingtlang mite hnenah kan ti thləng thei ang tih ka ring a.

Tin, education kha kan sawi leh lawk anga. Nikumah khan Chaltlang ah Higher Secondary School ah khian Science stream min hawn sak tur khan kan Minister ka ngen a, kan lo enzui ang, bawhzui ang tih a ni a. Hei, tun session thar ah hian beiseina kan nei sang khawp mai a, hlawhtling turah kan inngai a, kan remind a ni.

Tin, pahniha-ah chuan Chaltlang P/S an rauhsan titih ringawt mai a, a in ruakin a awm ta a. Vantlang hovin an ngaipawimawh hle mai a, an mamawh atan, mahse tunhnaiah khan niawmin sawi a ni a. Chu chu a theih bram chuan vantlang tan hian a lak let leh theih lawm ni ? An lo pek tawhte kha chu an duhsak awm a, hmun tha zawk leh remchang zawk la ngaihtuah sak nise tih hi an khawtlang hruaitute duhdan a ni a, kan tarlang lawk a ni.

Pu Deputy Speaker, thil pakhat chauh kan sawi leh ang e. Trade & Commerce ah hianin price support leh transport subsidy ah khan hei zawhna chhanna kan hmuh ah khan vaibelchhe li leh nuai riat lai mai kha pawisa pek tawh leh bat a awm a ni. Hetah hian kan sawi duh tak chu price support han tih dawn khan minimum price te siam ve a ni a, amaherawhchu khatia han kalzel khan market price kha a lo up chho ta a. A minimum price kha a pel chho vek mai a, Kg. ah Rs. 10/- te Rs. 15/- te a hralh a lo ni ta a. Heng a price support leh transport subsidy hi sawhthing chingtute hnenah khan a thləng lova, an tangkaipui lo niin a lang a. Chuvang chuan hong hi a that theih dan tur scheme hi tha zawka hman theih a ni a, a lo kal tawh hi chu a kal tawh a. Tih leh hunah chuan a minimum price te pawh sang deuh zawka fix a, a phak lohna apiang kha price support leh transport subsidy a hnawhkhah tur a nih ka ring a. Chuvang chuan kan miten an chawr tak tak tur, market interven-

tion scheme a hi chu a thu hla ni mai lo a tak taka kaipui nise. Tin, a pawisa to a ti thei zawk in an hui theih ang zawnga ngaih theih a tih loh kha a tha hlein ka ring a ni. Ka lawm e.

PU H. LIANSILOVA

Pu Speaker, tunlaia Information kan han hriatah chuan a khaw bui ami khawtlang hruaitu ruling lam mi anrawn ti kher a, chu chuanin gelatin in an bomb a, sangha a thi hnem hle mai a uih rimchhia a tam a, rawn enchian vat a tha e Minister rawn hrilh rawh u tiin anrawn inchah a, kha kha lo chhinchhiah la sawi zui pawh nilovin.

DEPUTY SPEAKER

Awle, hei Minister 2/3 vel a la awm a. Helamah Treasury Bench lamah Pu Auva a ding aih aih thin a. Kan hun neih enin sawi lo mi 4/5 vel ka

lo chhinchhiah dan chuan awmin ka hria a. Kan chawl rih mai anga, vawiina kan Department chai te an lian tham bawka, veilam leh dinglam pawh tuihnai tak min hlui dawn turah kan ngai a. Kan chawl rih mai dawn em ni? Kan huntiam dar 4 chu a ri mai dawn a. Awle, kan chawl rih anga, tihdan pangngai angin 35 minutes kan chawl anga, dar 4:35 ah kan thukhawm leh dawn nia, i chawl rih ang u.

4:35 P.M.

SPEAKER

Member 16 in in sawi tawh a, tunge han sawi leh ang? Pu K. Vanlalaiva i lo sawm ang.

PU K. VANLALAUVA

Pu Speaker, tawite sawi ve leh a thain ka ring a. Education hi sawi ka duh deuh a, amaherawhchu Zokhaw lam bialtute hi tangrual ila

a tha mai ang em aw ka ti a. Zirtirtu indaihlohna han sawi ve vak kha a rem mang chiah bawka silova, a nuam vak lova. Amaherawhchu, han ti viau dawn ila tih zung zung theih chu ani bawka mang silova. Ka enghelh zawk erawh chu heria kan literacy percentage ah Kereia kan tluk lohna fo chhan pakhat chu Southern Sector lamah leh Western lamah khuan in hmapui lak a thain ka ring deuh a, a chhan chu

zirtirtu an tlem nak nak a, naupang an awm ve duah si kha chuanin zirlai an chak lovin, kal tawh pawh kha an til leh tam tih a chiang reng mai a. Chungte pawh chuanin min hnukhniam thei a niawm mange aw tih te min ngaihtuah tir a. Chuvangin kan literacy percentage a kan thang dawn anih chuanin zirtirtu nei mumal loh avanga School khar hial awmte chu uluk zawka check bik pawh a thain ka ring hial a, kan tihna lama tih lutuk hi a awm thei khawp mai a. Naupang mila zirtirtu dah tura ngaih ani vek a, amaherawhchu naupang tam tak zirtirtu tlem si pakhat lek lek awmna kal tha mang lo te anih si chuanin harsatna kan nei dawn a. Hei vawiinni a i dinglam leh veilam a mite hi harsa taka Pathian remruatna-a inbang liam te kan ni a. kan bial kan ngaihtuah theuh mai a ni. Chuvangin helaiah hi chuanin ram roreltu tena kan tih tur nia kan ngaih fo thin chu, zirlai zirna kan ngaihsak tak tak dawn anih chuanin zirtirtu a khairual thei ang bera siam hi chu a tha mange tih hi kei ka ngaihtuahna ah a awm reng a. Thildangah chuanin keima bial bikah phei chuanin a building sakah te Middle School aided School Govt. a hlankai te, privatise School High School aided a dah te pawh a lawmawm tlangpui a, Middle School ringawt pawh School 15 Sorkarin min dah sak ani a. High School pawh 7 chutiang chu kan ni a, khalamah chuan a lawmawm tawpkhawkin ka hria a. Hmanni khan chanchinbua rawn lang zawk kha Department in an hmabak lai tak niin ka hre deuhhleik a. Bungzung Govt. High School kha kum 2000 a furpui lai tak khanin lei tlahniamin a tawk ve hlauh mai a. A School tak aimahin zirtirtute awmna building deuh kha a tlahniam a, a let deuh bai a. Chhaklam leh thlanglam kha 2½ ft. in a lek reng reng a, chu chu ka tour programme ah pawh ka pe tawh reng a, kum 2001 pawh khanin chu chu chanchinbua rawn lang zauh kha chu a pawl ka ti khawp mai a. An tih tum tho tho anih ka rin laia chanchinbua a nihna angreng tak mai an rawn sawi kha hrehawm pawh ka ti angreng viau zawk a Department in kha kha chu an bawhzui turah ka ngai deuh hlek a.

Thil tha kan sawi hian thil tha zawng zawng a tih theih loh ani tih kan hria a, building chungchang thuah pawh an han tang hle a. Chutichung pawh chuan in bial tam takah kan lawm viau lain bial tam tak erawhchu kan lo la tlabal hle reng bawk ani tih hi a hriat theih a. Nikuma cyclone ina Farkawn khua-a Middle School leh Primary School II nasa taka min tihchhiat sak a bang tam takte leh a chung rangva tam takte chu foreign ah dah dawrh khawpa thli nain min han pah sak pawh rang takin Department in min han buaipuiin min han thawm sak leh te hi lawmawm tak takin kan hria a. Amaherawhchu, lawmawm kan tih rual hianin Zoram pum kan thlir hian erawh chu a tlabing deuh a awm angem aw te ka ti a. Hetah hi

chuan Department lamin uluk takin thlir thin ilangin thlir lehzual ilangin, khalam bialah khamin a lokal tam deuhhiek tawh anih chuanin khalamah pawh khamin hawihet leh ta deuh ilang, khatiang chi-a kal dial dial khamin kan zirlaite a thlual ang tih pawh ka ring a, chulai chu Department ah chuan sawi mai ka duh a. An thiltha tih tam takte kan sawi seng lovang tih ka ring a, a bik takin Zokhua-a zirtirtu B.A. passed lo te Matric passed lo te an han condone, B.A. pay an han hmang ve te, Matric pay an han hmang ve te chutiang mi 1290 zet mai Sorkarin-a an han ti crawh hi chu a ropuiin ka hria a. Ti lo tawh tura an han inngaih lai tak, Sorkar kal tawh zawng zawng ina an lo sawi ve thin tih theih loh anga an han ngaih tawh kan Sorkarin an han hlangkai kha an lawm hlein ka hria a. Chumi lawmna thu chu Department te hriat atan kan han tarlang leh lawk a ni. Chu chu Education Department ah chuan lo duhtawk ila.

Tin, Social Welfare Department hi ka ngaimawh viau a, hei anmahni Department building hranpa liau liauva nei anni ve a, a thawktu pawh hi an thahnem viau mai a, engatinge kuminah hianin an salary head ah hianin a tlem tak thut aw ? tih hi nakinah Minister in a rawn sawitiah a thiam ka ring a. Nikumah khan plan ah nuai 455/27 an nei a, kuminah 124 chauh an neih laiah hianin an in bau then nuai dawn tihna nge ni tih kha hriatchian a chakawm viauin ka hria a. A chhan tha tak a awm ang tih erawhchu ka ring a, anni Department hi keini Zokhaw lam bialtute khawpui lam bialtute pawhina kan inhnangfakna kan NGO te au rinna min petu, no leh thleng chi hrang hrangte, dekchi te min petu kha a ni a. Han dah tam theih hi kan it khawp a, amaherawhchu dan tam theih tum a hnekin an hun tlem leh deuh erawh hi chuan tlemia rilru a tibuai a, thawktute ka hlauthawng ve deuhhlek a. Amaherawhchu, an thiam riauva kumin ang kha chuan an ti mar leh zo thovin ka ring a. Chuvangin MLA, ho hi chuan Social Welfare hi chu kan ngaina a. Kan kal fona thin te anni a, inbukna thleng min han pe te chu lawm deuh mi kan nia. Tin, nutrition supply chungchang thuah hianin an fimkhur dan pangngai ang hian kal zel selangin ka duhin ka chah duh a. Party pawh sawi hauh lo maia a chhangtu te chhan dan ang zela an han pe hi fakawmin ka hria a, hei hi an kalpui zel thiam chuanin ram tan a chhenfakawm viau ang tih ka ring lehzuai a ni.

A tawp berah chuan Pu Speaker. Health Department hi han tarlan ka duh a, tam tak ka sawi lovang. Pakhatna-ah chuanin India ram pumpui zinga phar enkawltu bik zuai State 8 zingah Mizoram a ti tha bera kan lang hi lawmawm hlein ka hria a. Phar enkawlina an ti tha em em ani tih record kan han hmu hi

lawmawmin ka hria a. Lawmman ah pawh cheng nuai sawm (10) lai an han dawng a ni a, hei hi chhinchhiah tlak ah ka ngai a. Hei hi lawmawm ka tiin fakawm ka ti a.

Tin, tunhma zawng aia kan Hospital han changkang chho ta, Intercom an han nei leh building thar an han nei chho ta saw entirnan - kan damlo kan en duhte kha an awmna hre ta lo ila, khawi atang pawh sawn an awmna an inzawt thei vck a. Saw saw ka lo nghahhlelh thin a ni a. Department in hei hi Sorkarin an han ti mai thei hi lawmawm hlein ka hria a. Nikumah kha ka bial chhungah Doctor rual an fehchhuak a, an lawm em em a. Civil Hospital Outreach Programme an tih kha a ni a. Khaw tam tak anni a, zai ngai tam tak pawh zai turin an rawn phur thla thei nghal a. khum 30 awmna Khawbung Constituency chhunga an han Project hi a ropuiin kan hria a, zaninah kan hrilh chho nghal anga, an lawm khawpin ka ring tih tlang pawh an tumin ka hria a. Pu Speaker, ka lawm e.

S P E A K E R : Pu Nihar-a.

NIHAR KANTI CHAKMA : Pu Speaker, we are discussing the demands of three senior Ministers. First of all, I would like to speak on Demand No.32, Soil & Water Conservation Department. As we know, most of the Villages within my Constituency including Tlabung are situated on the bank of the river Karnapuli which is also known as Kawrtlangpui in Mizoram. During the rainy season the flow of water is very speedy and hence thereby causing a serious soil erosion. If we don't protect the soil erosion after 10 to 20 years most of the Villages within my Constituency including Tlabung Bazaar will submerge under water. Previously we have not heard about the flood in Mizoram. It is due to soil erosion. Floods frequently takes place within in my Constituency. Even last year many Villages were affected by the flood my Constituency. Therefore, I would like to request the Honorable Minister to initiate steps or programme the protect soil from erosion.

Even the site, selected for the border trade at Kawrpuichhia also will be submerged after 10 to 15 years. If the soil is not protected from erosion.

Pu Speaker, now I would like to speak about the Demand No. 38, that is Rural Development Department. There is a great discrimination in the selection of IAY and PMGY, specially in my Constituency, the beneficiary are selected on the basis of party line. Pu Speaker, I would like to bring the attention of the honourable Minister, I would like to mention here that approved lists of the beneficiary of IAY and PMGY for the year 2004-2005 Sl. No. 4 Benthara S/o Muktador of Nunsuri have been cancelled and given to the MNF unit President.

Now, I would like to know from the honourable Minister to clarify why Benthara's name has been cancelled at the last moment.

Pu Speaker, if this is the way in the selection of IAY and PMGY, and if it is taken on political basis the target group who really needed the most will not be benefited. Even the scheme under taken under BADP is also not properly implemented. The previous Member, Hon'ble Member of Kawnpui Constituency has regretted for not having border development programme. But I am regretted here that although there is BADP programme implemented in my Constituency most of the work if we see now is worst. The implementation of the work is worst in my Constituency. Local people are not involved in the execution of work.

Pu Speaker, this is the Unstarred Question asked by me on construction of approach road from Serhuan to Nunsuri. Almost all the Contractors are from the outside. Local people are not involved. In the guidelines, it clearly said that due emphasis should be given to effective involvement of the local people democratic institution voluntary agency, in order to inspire mutual trust and confidence between the government and the people, this thing is not considered.

Pu Speaker, now let us speak about the Demand No. 20 - School Education Department as the previous speaker has already said my Constituency is the most backward Constituency specially in the field of education. It means special attention be given. This is the reply given by the Hon'ble Minister 27 nos. of Primary School having single teacher within Mizoram, but out of this 27, 20 falls within my Constituency. Single teacher's School students were the deprived desire teaching benefit besides the affecting the corricular of the students.

Pu Speaker, as per norms prescribed by the Govt. of Mizoram in September, 1999 four posting of teachers in Govt. Primary School, three teachers should be posted in School having 1 - 50 pupils. Four teachers, for having 51 to 80 pupil, 5 teachers for having 81 to 120 pupil, if we see in my Constituency the conditions of the Primary School has the sad history. Pu Speaker sir, for the information of the House, I would like to bring to the notice of the Hon'ble Minister Nunsuri Primary School enrolment is 62 there is only one teacher, so how can a single teacher provide quality education. Therefore, I request the Hon'ble Minister that post should be created in all those Schools where there is a single teacher. In case, if post is not created at least contract basis teachers should be appointed in all those Schools where are there single teachers.

Here I would like to draw attention of the House also there are many Non-formal teachers within my Constituency and during the course of service they have passed the HSLC examination and I request to Hon'ble Minister that their service should be regularised for giving a quality education to the children.

Now, let us come to the Demand No. 24 - Health & Family Welfare Department. As you know Pu Speaker, most of the rural people are deprived of medical facilities due to non-availability of Health Worker. In my Constituency there is no Health Worker at Puankhai and Diblibung I have requested the Minister many times to provide Health Worker at Diblibung and Puankhai Village. Till now, it has not been considered. Previously there was a dental surgeon and X-ray technician but, he has been transferred to some other place till now. Dental surgeon and X-ray technician has not been posted back at Tlabung Civil Hospital and there is also shortage of Nurse. Pu Speaker, I request the Hon'ble Minister to look at the matter as you know that Tlabung is a Malaria prone area. Medicine like quinine should be freely distributed to the people, and every year as you know many people die due to Malaria. Therefore, Malaria, eradication programme should be taken more vigorously within my Constituency I conclude here. Pu Speaker, thank you.

PU F. LAL THANZUALA :

Pu Speaker, Demand No. 22-na Health Department chungchang kha han sawi hmasak ka duh chu a ni a. Kan Health Department hi an

688/-

pawimawh em em a, mihring nunna leh thihna chungchang thu a ni a, department pawimawh ber a ni, a tih theih a. Mahse, chutichung chuan kan mamawh te kan la inphuhru theilo em em a. Doctor te kan mamawh a, Hnahthial ah pawh sawn Doctor pahnih leh Dental Doctor pakhat kan nei thin a. Mahse, tunah chuan Doctor pakhat chiah kan nei ta a. Mahse, Mizoram pum dinhmun anih chuan han phunnawi a, han sawisel vak tur a awmin ka hre lova. A dik tak chuan tuna kan Doctor neih saw a vanduai avangin Doctor panggai anga function hleithei lo te a ni a, keini Hnahthial khaw lian ve fu si ah chuan kan harsa khawp a ni.

Tin, Pangzawl nen sawn a la kawp lehngal kha a ni a. Khatiang khan mamawhna a tam a. ka han ngaihtuah ka han ngaihtuahin kan biala tih tur kan duhte leh Department hian tih tur an neih tam takte ti tura kan mamawhna thu kan han sawi hian ka rilrua lo lang pakhat chu keimahni Sorkar ngei hian kan ramah ngei kan inenkawlna atan hian thawhlawn kan thawh ve chu a ngai a nih hi. Tax lakte pawh hi a lak lai hi chuan han sawi mawi loh hi sam viau mahse, a tulna lam kan en chuan a lo tul hie a ni tih hi a lang nawn leh thinin ka hria a ni.

Tin, Health Department ah hian hei thil tha tak tak an ti chho mek zel a, a lawmawm khawp a. Thisen enna, damdawiin awmna hmun panggai nilovah hmun te zawkah te pawh Health Sub-Centre angte a nih ka ring a. Heng lo ah te pawh hmun kilkhawr tak takah te pawh dah an tumte hi a lawmawm hle mai a. Malaria hrik takngial te pawh a entu in en mahsela, khawimaw laiah chuan thawh te a lo ngai a. Tah khan hun rei tak a lo tla a. Mihringin kan chhiat phah thei thin a. Hengte hi tih tak tak hunah chuan nunna tam tak chhanchhuah theihna anih ngei ka ring khawp mai.

Tin, hei an thil tihlawhtlin pakhat leh hi a ropui ve hlein ka hria a. Kan ramah awrpuar an ti tlem nasa ta hle mai hi hei awrpuar hi thil mawilo tak a ni a, thih phah an awm hi chu ka hre em lova. Amaherawhchu, hmelchhiat phahna pasal hmuh loh phahna te pawh a ni ve a. Mi 10074 lai an test ah khan 18.5% vel chauh awrpuar an lo ni tawh a. A hma chuan 70% lai laite a tling a ni. Hei hi an hnathawh tha tak a niin ka hria a, tin, meizial nghei te hetiang zuk leh hmuam lampang ngheite enkawlna lam pawh an lo nei chho zel mai hi a lawmawm khawp mai a. Hemi vaihlo lampang hian mi tihlum thut lo mahsela, hemi avanga thi tam tak khawvelah hian

kan awm a, chumi avang chuan meizukte phal loh lo ni chho zelin vantlang puiupun khawmna ah te phal loh a lo ni chho zel a. Thlawhtheihna ah te pawh zuk te pawh phal loh a ni chho zel a. An thil tih hi chhinchhiah tlak hle zelin ka hria a. Tin, Cancer vei hriatchhuahna te an ti hmasawn chho zel a, hei hi a pawimawh takzet a. Kan ram hi kan hrisel lo viau mai a, cancer veite pawh hi kan tam hle mai a ni an ti a. Heng Guwahati te, Bombay te thleng hian hengah hian tunah te pawh hian han hriat theih sela, a chakawm hle mai a. Pum cancer hi nge tam a, chuap lam nge hrawk lampang te tih diat diat te kha han hriat theih sela. Tichuan, keini MLA te pawh kan zinna ah han campaign chho zel a, kan tana a hlauhawm te pawh mite rikrap a ti lo tura sawi ve theih te a chakawm hlein ka hria a.

Tin, pharte pawh an lo ti tlem ta a. India ramah te phar enkawl-na-ah ti tha ber an lo ni a. Tunah hian an record dan chuan phar hi 10 emaw chauh an awm a. Chungte pawh chu ramdang atanga lokal an ni te pawhin a hriat a.

Tin, post graduate zirzo Doctor kan tam chho telh telh hi a lawmawm hle mai a. Vai rama hla tak taka kal ngailo turin hmanrua te an neih chuan. Amaherawhchu, tah hian ngaiituhna ka neih pakhat chu han sawilan ka duh a, hetiang post graduate te kan zu pass a, specialist thiam tak mai kan lo nih tak hian Aizawl khawpuiah emaw Lunglei velah tal te emaw awm tum tlatna hi kan neih phah angem aw tih ka ngaihtuah a. Khatia kan han zir khan mahniin Clinic te hawng ila, a hlawk nasa si a, tihna rilru kha a tam a, kan ram mamawhna lam kha kan thlir lo anih chuan post graduate kan tam tulh tulh anga khawpui atanga thingtlang-a inthawmchhuah te kha a har telh telh dawn anih chuan Pu Speaker, a pawi viau anga. Kan Minister te pawhin hei hi rilruah hrereng sela ka duh khawp mai.

Tin, Demand No. 20-na Education kha han sawi leh hlek ila. Hei Education Act kha 2003 khan kan pass a, Rules ala chhuak lova, hengte hi tihchhuah thuai thuai a tha hle mai. Tin, tih dawn tak tak chuan base dan fel tak neih a ngai a ni si a. Hei infrastructure lamah te hma kan sawn nasa hle mai a, SSA programme te a lo awm thar chho zel a. SSA zirtirtute kan nei ta teuh a, building tha tak takte kan nei a. Tin, District Headquarter ah zirtirtute tuatharna leh an training na tur DIET te deuh hlek te pawh kan han din chho zel a. Tin, chhungkaw rethci deuh tan text book te uniform te a thlawna sem a han awm te hi a lawmawm hle a ni. Tin, private High School tam tak te provincialise em lo mahsela, tanpuina te an han pe te hi pawisa indaih lo tak karah an ti tha hlein ka hria a. Hriat chak

.....690/-

em em ka neih ve chu ka la hriat theih loh chu, hetia kum engemawzat kan kalchhoh hian kan result chu a that phah ta a ni, tih lam hi hriat a chakawm hlein ka hria a. Hei kan High School result te hi a percentage hi a hniam thei em em mai a. A mak ka ti khawp a, tlemlai khan ka fanu hi third-ah a pass a, Bangalore ah a zuk kal a, first division-ah sang takah a zuk pass leh thei mai si hi PUC kha a mak ka ti khawp a. Engvang nge ni ang aw tih kha ka ngaihtuah vang vang thin a. Kan zirtirtute zirtirna hian Board ho standard hi a phalo hrim hrim nge ni a, kan mark in pek dan te a strict lutuk nge ni tihte pawh hi ngaihtuah a, research neihte pawh hi a tul hlein ka hre bawka a ni.

Tin, hei tunlaih pawisa indaihlohna karah fix pay in 2500/- emaw tal hlawh turin a khua a mite ngei mai rawihna tur programme te an siam chho hi a lawmawm hlein ka hria a ni, Demand No. 36-na Environment & Forests chungchang thuah khan R.D. lamah la kai ka duh avangin chulai chauh chu han khawih ka duh a. Forests lampang Department hi tuiawm tak leh tul tak a ni a, kan ram phula a chang mai turte han ngaihtuah hianin. Tahchuanin, ka kal thui hman lova, thil pakhat erawh chu kan Minister zahawm tak hriata sawi ka han duh a chu. Kum 1983-a khan N. Vanlaiphai ah khian mi pakhat sipai bang pakhat chu a ram an dil a, Guest House sak nan, Chowkidar-a dah ngheh ah an tiam a, lehkhate pawh a awm a ni, tlemlaia ka zin khan an lehkhate pawh chu ka en sak a. Mahse kum a ral tam ta hle mai, Ministry pawh a ral tam ta a ngaihsak an hlawh lova, tunah khian 2500/- hlawhin a la awm reng mai. Khing kan tiam tawhte hi chu tihlawhtlin a tha a, thai mahsela appointment pangngai anga theih loh a nih pawhin engemaw ti tala an sum a hu an laklul theih nan thil ngaihtuah hi a tulin tunah hian ka ngen sak duh a, hmun khi han en ila hmun zau tak, hmun tha tak, rem tak mai ani a, Forest Rest House pawh tha tak tak a awm nghe nghe a ni. Khing khi chu theihnghilh chi niin ka hre lova kan theihnghilh chuanin thutiama rinawm lo, Pathian pawisawi kan ni hialin ka ring.

Tin, Demand No. 38-na R.D. Department chungchang thuah hian thil Zokhaw lam bialtu tan chuan kan inngahna ber pakhat hi anni ve a. Hnathawh that an ngah hle a, BADP te hi kan hmasawna kawng, kawng tha te leh Hall tha te kan neihna tur atana kan sawi zawih zawih anga Pu Speaker, khawngaihtakin. IAY-te hei 2004-2005 chhung khan 519 pek a ni a, tunah hian, tun Budget thar lo awm turah hian an tum chu 4956-IAY insakna pek an tum te hi an fakawm hle mai. Tin, PMGY ah pawh a, thar atan 1594 upgrade atan

1002 tinte a awm a. Tin, a amount te pawh hei an han tipung ta teuh a, 22000/- atangin 27500/- tihte a lo ni hi a lawmawm takzet zet a, tin, Tlabung lampang leh Hruitezawl lampang a Border Trade te pawh hi Trade & Commerce lamah hian bawh chak selangin (SPEAKER : A thar kha chu kai tawh loh niselangin) kan ram chhunga tam neuh neuh kan awm te, intihhranna rilru neuh neuh tihbova kawng tha tak pakhat hi a ni bawh a, sumdawna tha tak ani nen. Chungte chu kan sawi a ni. Pu Speaker, ka lawm e.

SPEAKER : Ruling lamah khan sawi tur in la awm chuan sawi nisela. Leader of Opposition sawi hnuah chuan sawi kha, wind-up lamah kan kal tawh dawn a ni a. Pu Lalthlengliana.

PU LALTHLENGLIANA : Pu Speaker ka lawm e. Min kalpui dan hi Opposition Leader sawi hnuah hian sawi theih loh bik emawnt.

SPEAKER : Theih e, mahse ka veilama mite thusawi han khaikhawm paha aw hnuhnunga neih kha a mawi a ni.

PU LALTHLENGLIANA : A, ka sawi hnuah sawi sela a tha zawk ang anih leh. Khang han sawi vela kha ka hun atanga chhiar loh tur a ni ang

a. Pu Speaker, hei R.D. chungchang Demand No. 38-na a hi han sawichho phawt ila, helai R.D. hi kan ram miretheite thleng phak deuh berte pawh hi anni a, a pawimawh hle mai a. Tunah hian kan ram khaw te tak te te, a kilkhawr ber thlengin in leh lo hi han thlir ila a mawi sawt viau a ni. Khung Mumbai te pawh khawpui bul lawk Slum Area ahte han kal chuanin chhe tak taka la khawsa, Wywam-a thawkte pawh hian a then chuan an han bualfai chawp a, an lu te an

met a, chutiang em em chu Mizoram khawilai khua ah mah hian kan awm tawh lova. Hengte hi R.D. lam hnathawh rah a niin a lang a a lawmawm em em a. IAY leh PMGY ah pawh a sang telin hmeithai te'n in tha an lo neih theih phah a ni a. Amaherawhchu, helaiah hian a sem dan leh a thlan dana kha fimkhur a tha mange tih hian sawite pawh kha kan ngaihndan a inchen lo viau maithei a. Ratu bialtu MLA zahawm tak khan V/C ina a thlan tawh hi chu tihdanglam loh nise tihte kha, a kaltang tur a ni tihte kha MLA tam tak chuan kan ngaihndan a ni lem lova. Hei Phuldungsei bialtu MLA zahawm tak Pu Liansuama nen Reiek R.D. Block meeting ah kan zuk tel ve a. khaw 24 an awm a, Phuldungsei bial thenkhat leh ka bial thenkhat an awm a, kan lungrual dun hlein ka hria a, kan BDO hnenah pawh kan ti a, a dik tak hi an rawn thlanchhuah ang ang nilo deuhin enchiang la. tin. engemaw harsatna a awm anih chuan MLA te pawh min rawn mai la kan ti a ni.

MNF V/C an ni emaw Congress V/C an ni emaw tidik lo an tam khawp mai a. MNF pawh kan bang bik' lovang, laina chhungkua-a kal deuh, tin, hmu nawn awn awn te pawh an lo awm a, khatiangte kha a nih thin avangin V/C kha an that em em lain an tha em em vek bik' lem lo tih erawh chu kan hriat a ngaiin ka hria a. Tin, 100 zela 80 vel hian a guideline angin tuman bangah IAY la hi an tar duh mang lo a ni. Hei, keini Reiek R.D. Block hnuaiah chuan tun atang chuan a tar lo tur chu pek loh nisela, PMGY te pawh. Khatiang khan kan ti a, Phuldungsei bialtu zahawm tak nen. Kha kha kan ngaihndan a inang viau a, khami la ngam IAY, hmeithai miretheite insakna tur tanpuina la ngam kha chuan a tar pawh a tar ngam tur a ni. Thenkhat ah chuan an tar that viau lain 80/100 vel hian an tar lovin a hriat a ni. Chungte pawh chu a hmu ate pawh hi kan bihchian a ngai hle dawnin ka hria a. Tiang chuan thildanga R.D. lamin-a an hnathawh that te khung tam tak sawi tur a awm anga, heng wholesale market tihte 10 lai concrete-a an lo sak tawh te. Tin, market pangngai 78 lai an han sak te, khang angah khan Trade & Commerce ah ani anga, khang angte kha a changtu Minister a ngai reng anih avangin kan sawi zawm mai a, a ropui hlein ka hria a ni. Chutiang chuan hnathawh tam tak an neih te vawiinniah kan sawi hman lo anga, mipui han hne zual deuh MLA ten kan ngaihpawimawh tlan em em, kan han sawi pawhin IAY leh PMGY hi uluk taka a la te pawhin an pan a, an tar ngamte pawh a dikin a rinawm a. V/C te tih apiang tlang turah erawh hi chuan V/C te an inang vek lo tih erawh hi chu kan hriat a pawimawh khawpin ka hria a.

Tin, Health Department ah han kai leh ta ila, Demand No. 24na-ah khan. Health Department-ina hma thar a lakna zawng zawng tam tak kan sawi tawh a, a lawmawm hle a ni. Thil liantham tunhma-a la awm ngai reng reng lo a thleng inem hle mai a. Heng Mobile Van an tihte damdawiin kal thei hmun hrang hrangah te an han kalchhuak a engkim mai a keng tel a ni ber a henge hi a tangkai lutuk a ni. Chutiang chuan hmun tam takah hmalakna tha an nei a, an thiltih ropui tak tak khawvel thar tha tak tak an neih te, building thar an sak te kan hria a kan mitin a hmu a ni. Amaherawhchu, hetihlai hian PHC-57 kan neihah hian 33-ah Doctor pakhat theuh dah anni a, 24-ah Doctor ala awm lo te hi, heng angte hi Department tam takin-a harsatna an neihte ngaih pawimawh loh tur tihna nilovin PHC-a Doctor awm lo avang hian ava pan a na em em in, an lo awm tlat lo a ni. Khawpui a thlen hma-a thih a ngai tlat, zirtirtu emaw a lo awm loh kha chuan a thar lo nghah hunah pawh a tih theih mai a. Amaherawhchu, Doctor awm lo thin hi erawh chu a pawh khawp a ni. Mi an thih tawh chuan siamthat ngaihna a awm tawh lo. Chuvangin heng anga an indaih lohna ah hian Doctor hi dah theih hram nisela, kan Sorkarin kan indaih lohna ang hi entiah sela tha khawpin ka hria a.

Tin, CHC-ah 12 kan nei a, Doctor 16 chauh dah an ni a, 32-in an indaih lo a ni. Chungte pawh chu kan mamawh nasa em em a. Tin, Aizawl khawpuiah Doctor te leh Health Department-a thawkte pawhin min hrith danin Aizawl khawpuiah englai pawhin mi an zai reng a, helaia duty tur pawh hi Nurse indaih loh chang an ngah lutuk a ni. Tunah pawh hian Nurse boral tawh te, pension tawh te, a bang te ai lakna tur tam tak a awm lai hian, khami lak kha harsatna a awm a, Minister ten an duh duhin an hnawhkhat thei si lova, Finance remtihna te lak a lo ngai a, helaiah hianin harsatna tam tak an tawh a ni. Helaiah hian a bik takin Education leh hemi damdawiin lampang Health Department indaihlohna leh harsatna hi chu thum hram hram nisela a lawmawm ngawtin ka ring a.

Tin, Education lam Demand No. 20na-ah han kai leh ila. Literacy percentage ah kan sang a, 2-na hial kan ni, a lawmawm em em a. Tin, ziaak leh chhiar thiam ringawt tama hi ram hmasawna a ni em ? tihte pawh hi ngaihtuah tel a thain ka hria. Pakhatna kan nih pawh a beisei awm viau a. Amaherawhchu, hei University te kan nei a, mithiam tak tak hi a chherchhuak em ? Tunah hian North East ah hian a nei chhe ber kan ni ang. Hetiang zawngah

hian tan lakna dan thar kan ngaihtuah thiam te hi a pawimawh hlein ka hria a. Tin, hei NLCPR Fund atangin Rs. 2070 lakhs lai kan han hmu a. Middle English School leh Primary School 1328 repair sak that a ni tihte hi a lawmawm em em a ni. Tin, SSIT atangin Rs. 1248 lakhs hmuh a ni a, Higher Secondary School leh High School 128 lai repair leh 23 sak thar a ni te hi, hmalakna ropui tak a ni. Tin, deficit M.E. School 200 leh High School 38 deficit provincialised an ni vek mai hi tu Sorkar mahina ala tih ngai loh a ni a, hengte hi a ropui em em a ni.

Tin, naupang zirlai 27639 hnenah naupang zirlaibu pek an ni te hi a ropui em em a ni. Hei kumthar lo awm turah chhonzawm leh tur a ni a. Hetianga "zirlaibu a thlawnin kan pe ang" tiin Election Manifesto ah te an telh nasa hle thin. Tu Sorkar mahin ala tih ngai loh he Sorkar ina heng a tihlawhtling te hi a ropuiin a lawmawm em em a ni. Hetiang anga hmalakna ropui hi a nih avangin Pu Speaker i veilama mite pawhin thil pawipang han sawi tur an hre lem lova an han sawi kha thahnemngaih thil vek a ni a, a lawmawm hlein ka hria a. He Sorkar hi fak tlak ava ni tehtul em ! tih hi kan sawi tel duh a ni, ka lawm e.

SPEAKER : Awle, sawi duh dang kan awm tawh lo ani ange. Tunah chuan Pu Lal Thanhawla, Leader of Opposition i sawm ang.

**PU LAL THANHAWLA
LEADER OF OPPOSITION** : Pu Speaker, kan hotute hian thahnemngai taka sawi a sawt hranpa lova, sawi loh pawh a sawt chuang lova, "a phurawm love" an ti thin

a. Mahse kan phur lo thiang silova, kan phur hram hram tur a ni
a. Kan sawi bawk tur a ni

Tin, hun kal tawh, kar hmasa lamah khan, Member zahawm tak ten thahnemngai taka an point base te. suggestion an siam te, advise ang deuh an siam te, nek hranpa lem lovin Minister zahawm tak thenkhat kha chuan anmahni department sawimawina hun emaw te an ti a ngaihthlak a ninawm viau a ni. Vawinah chuan chutiang ti tur hmel Minister zingah awm an awm

Tin, Malaria hi kan buaipui hle a ni, hmun tam berah Mizoram ah hian. Chuyangin, Malaria Eradication Programme te hi engtingge tunah hian kan nih ? Kan Health Department ah hian hmun hrehawm zawk leh lum zawkah te, Aizawl khawpui ah te ngei pawh ala tam hle a ni. Chuyangin Malaria Eradication hi chak zawka hma kan lak a tul hle a ni.

Tin, T.B. hi a tam thar leh hle niin a lang a, thluak T.B. te nen lam a lang a. Health Department hian hengah pawh hian hma chak taka lak a pawimawh hle tih hi ka han sawilang duh a. Tin, an hmalak dante pawh tunah a renlo anih pawhin mipui vantlang hriatah te pawh leh kan fimkhur dan turte pawh ngaihtuah a pawimawh hle a.

Tin, Cancer bik hi vaihle zuk leh hmuak in a siam tih kan hria a, chu aia a huat zawk, chu aia thalo zawk hi Mizote zingah hian a awm a niang tih hi a rin theih a. Kan ei leh in leh a siamdani a preparation thleng hian engemaw research te hi beih a tul lawm ni, tunah hian kan dinhmun dik tak an sawi ang hi anih chuan a zahthlak lampang hret a ni. Kristian 100 ah 100 in ti ngam kan ni a, khawvel-a hrisel ber tur hnam a ngaih a hrisel lo ber anga min chhuah hi a vanduaithlak a. Hengah te hian tanlak a ngai khawp mai.

Tin, Social Welfare ah old-age pension hi tunlai sum tangka dinhmun hlutha azira tihpun a tha hlein ka hria a. Tin, a lak danah hian hei zo khua-a han kal hian an khawngaihthlak khawp mai a, an engto em em a ni, nichina kan ngaihthlak tawh ang khan. Amaherawhchu, a thla a thla hmulo te, la lo te an awm a ni. Hei hi kan senior citizen te hi Sorharin tanpui dan a ngaihtuah a thain ka hria a. Tin, senior citizens an nihna angin kan zahna leh kan duatna entirna turin kawng hrang hrangah pawh eng eng emaw benefit leh privilege pek turte hi ruahman that nise a tha hlein ka hria a.

Tin, Social Welfare ah Zoram khawtlang hi thui tak kan inngat a ni. Vantlang in kan bungraw intawm theih ang chi reng reng no kan tihte leh thildang dangah tunhma chuan sem te an ni thin a, a thlawnin NGO te hnenah te. Anih loh chuan subsidy-a pek te a ni thin a. A awm ta lo hi a hrihthai thlak khawp mai. Central lamin hetiang free distribution gratia hi an phel lo anih pawhin, kan ti anih pawhin Ar talh dan chi khat

chauh a awm lova, vai bum dan hi kawng hrang hrang a awm ve a, chutiang chuan kan ram kan hnam kan khawtlang tana tha anih chuan ngaihtuah a tha hlein ka hria a. Chu chu kan Sorkar Social Welfare Department in an ngaihtuah atan ka han sawi duh a ni.

Soil and Water Conservation-ah hian Pu Speaker, Soil Erosion leh Water Receeding hi tunah hian problem a la nilo anih pawhin kan problem thuai dawn tih a hriat a. Hei kan naupan lai han ti ve khanglang ilangin lui liantham tak Sangha vuak thin fo na Chite luiah te hian chuan a tlem sawt hle mai a ni. Khumi a kai thlang deuh lawkah te khuan lipui a awm a, lenkhang te kan zar thin a, kan nu leh patc zuiin tunah chuan chutiang hmei a awm tawh lo. Chuvangin, hetiang conservation hi uluk zawka kan ram hi kan hum dawn anih chuan hma kan lak a ngai a, department lang thamlo tak leh lar lo tak anga lang nimahse, pawimawh tak a ni tih hi kan Sorkar hian a hriat thar tul hlein ka hria. Tin, Mat Valley Project tunhma khan 43% project a awm thin a. Central Water Resources Development Ministry leh Agriculture Ministry ah te min tuipui viau thin a, tunah a reh ta nge ni, engngeni khami awmdan kha, ka hre chak a, khilalah leilet tan irrigation khutah Hnahthial zawn thlenga phai a zuk kal bakah power generation kha 1.50 mega watt lai hnukchhuak thei tura ruahman a ni a. Tunah hian engnge a dinhmun ni ta le, Mat Valley Project hi tihte kan hre duh a. Tin, bawhzui tlak niin ka hria a, kan Sorkar hian chutlangah chuan a ngai em ? tihte kan hre duh a ni. Tin, Rural Development hi kan ngaihtlak tawh angin a pawimawh khawp mai. Zokhaw lamah chuan kan life line ber a ni. Amaherawhchu, he department ah hian irregularities leh anomalies a tam em em mai a. Chuvangin, kan Minister hian a beng a chhit a ngai hle a ni. Hleih neihna a nasa bawk a, chuvangin hengte hi a bo theihna turin tha taka kan ngaihtuah a kan siamthat tulin ka hria a. Hei, keini Serchhip District ah chuan VDC te hi Session lain an ko tlat mai a. Pu Speaker, hman tumah pawh khan ka sawi tawh a.

Tin, ka beisei dan chuan MLA tel thei turte convenience te pawh hi an ngaihtuah deuh turah ka ngai a ni. Tun tumah pawh khan Session lain hei Mamit lamah chuan VDC kha an ko tlat mai a. A remchang lo angreng khawp mai. Reiek a mite pawh hi Session hma ni-ah a ko ani a, Pu Speaker, a remchang vaklo a ni. Heng kawngah te pawh hian Minister in hetiang official responsible ho hi a hriattir tha in ka hria a, kan convenience an ngaihtuah tlang turah ka ngai. Chutiang chuan an hnathawh kalphung ah pawh hleih neihna awm lovin nichina Reiek bialtu zahawm takin a

sawi tawh ang khan kan V/C te an dik vek chuanglo a ni eng party pawh niselangin, chhungkhat laina lo induhsakna leh khatiang te an ching ve tho mai Chuvangin, VDC-a lo thlithim ang te anmahni pawhin responsible officer an nihna anga an hma an lak-a an responsibility hi an tih kan duh a ni. Chuvangin, R.D. Minister zahawm tak hian inhlawhna hemi department atanga hna hrang hrang atanga awm thei atang te pawh hian rualkhai taka an kalpui a thain ka hria a, IAY, PMGY te pawh hi party dang mi leh sa tan hi chuan tunah hi chuan beisei theih loh tluk a ni. A hmunah kan kal a kan hre ve a ni. Chuvangin, heng kawngah te pawh hian Mizo vek kan ni a. Tin, a han semtu leh a khawhtute pawh Minister te pawh Kohhran a mawhphurhna tha tak nei, rawngbawltu tha tak takte an ni a. Hctiang ah hian hleih neihna hi awm tur a ni lo a ni tih hi kan ngaihdan a ni a. Amaherawhchu, ruling party na na na chuan tlema an lo induhsak deuh pawhin ka hrethiam, amaherawhchu, midang in-a chan tur chanvo an nei ve miahlo ang chi hi engtinge maw tih pawh an tih theih le tiin kan ngaihtuah a ni.

Chuvangin, heng kawngah te hian nasa taka tan lak a ngai a. Tin, khauh deuh taka kalphung te pawh an siam hi kan phut a ni. Hei IAY te hi hmasawanna lenkhabuah te khan 40000 chuang hmeithai In sak sak tawh a ni a. Kuminah 4000 lai te an la ti leh dawn a nih chuan kan ramah hian hmeithai hi an ve tam em em ve maw le, tihte min ngaihtuah tir a. Tin, kan ngaihtlak tawh ang khan IAY nih chuan, IAY dawngtu tena an in sak kha an tar ngei ngei tur a ni. Tar hi kan hmu mang reng reng lo, kan zin tam hle a, zokhaw lamah hian. Chuvangin, hengte pawh hi strict zawkin kenkawh niseng chuan a hmulo tur te'n a hmuh talk an tum concrete building nei te motor lian nei te ina an dawng ve talh te angte hi a tireh deuh turah a beisei theih a, chutiang chuan Pu Speaker, kan Minister te hian ngaihtuahna thar nen an kal kan duh a ni. Tin, Trade & Commerce ah hian hma tun ai hian tha zawka lak dan awmin ka hria a. Hei, lung rah te pawh hi an hralh tha hle mai a, Pu Speaker, tunlar hian. Chuvangin kan Department te hian kuthnathawktute han hamtha ve deuh hi itsik ang ziazangin an tender leh thut ang tih hi hlauhawm deuh a ni. Heng kawngah te hian kuthnathawktute hamthathia hi duhsak a tanpui zawk turin kan ngen duh a ni.

Tin Pu Speaker, School Education ah nia, kan standard a tlakhniam dan te an sawi tawh a, ka sawi tawh lo mai anga. Hetah pawh hian kan hunlaih khan expert te recommend-

dation siam turin kan ruai a, chutiang chuan a bul atanga siamthat dan hi kan ngaihtuah loh chuan vawiinniah hian lehkhathiam hmantlak loh kan inchhuah tam lutuk a, nakinah chuan kan ramin buaina tawhna tur hnar ala ni dawn tlat a ni. Chuvangin tunah hian a tlai lutuk em ka hre lo, a tlai luat hma hian tan tlan dan kan ngaihtuah a pawimawh. Tin, Hindi hi National Integration atana pawimawh, tin, Zoram pawna hna han nei turin a pawimawh hle a ni. Chuvangin, hei Hindi Prachar Sabha aia an hmalakna hi a lawmawm hle a. Kan Sorkar hian post matric scholarship hi an pe zawk thin a. Mahse dan tlawhchhan tur mumal tak a neih loh avangin a pe hleithei lo niawm tak a ni. Chuvangin Pu Speaker, Hindi lamah hian nasa taka hma kan sawn a ngai a. India khua leh tui hi kan la ni reng dawn a, chuvangin heng kawngah hian post matric scholarship hi general student tin an lak theih lai hian kan Sorkar hian ngaihtuah sak ve selangin, regular taka an pek ve theihna turin dan siam a ngai anih chuan dan tlawhchhan tur mumal tak siam nise a thain ka hria a. Chung chu kan rawt duh a.

Tin, Environment and Forest ah Pu Speaker, Ecology & Environment atan hian sum dah a awm thin a, nuai 15 vel ang chi te, tun tumah hian a lang lo niin a lang a. Tin, Pollution Control Board hi kan tih chak a ngai. Tunlai hian pollution chi hrang hrang noise pollution thlang hian a nasa ta hle a, Aizawl khawpui ah pheih hi chuan. Chuvangin, an awm leh awm loh hi kan hre mang lo a ni mi naran chuan.

Chuvangin, Pu Speaker, hetah hian hmalak chak a ngai a, tin, VFDC te hi kan palzut lutuk a, hei i bialah Pu Speaker, Phainuam ah hman deuhah khan an inthlang a, tha deuhin an inthlang a ni. An President pawh Pu V. Lalremkunga a ni nghe nghe a, mahselangin, Gas te hi Environment control na tur atana an han sem thin angte hi an han pechhuak ve nain DFO in an sem a phal ta tlat lova, tichuan, nimirah khan inthlang tha leh turin a ti ringawt mai a ni. MNF an nilo a niawm e, an thlan te kha. Chuvangin, hetiang chi te hi politic khelhna tur atan India Sorkar in a rawn tih a ni lova, environment protection atan an rawn tih a ni a, tunah chuan a cylinder te kha a inthlem nan an hmang a, heng hi kan Minister ten an endik an nih dan tur ang taka an hman a tha a. Tin, Central-in an rawn insenso nachhan te pawh hi tihhlawhtlin kan tum tur a ni. Tin, Governor ina kan forest a suasam te hi Minister hian engtingge action a lak aw tih ka hre chak. Lengteng ah khan Tai-Rua fit 12, 2000 a demand a, an hmui zo thlawt lova, Dampa lamah a tir leh a ni. Tin, Drift-Wood ang chi te hi a phurchhuak tam tawh khawp mai a, hengte hi hetah Forest Check Gate-a an lo check lohna turin tu

tu te emaw a ziah tir a, Forest official te hreh tak chung a ziah te pawh an ni ang. Chungte vang chuan kan Forest hi a protect tu ber tur niawm tak hian a suasam nasa hle a ni. Tin, chutianga corruption-a a partner te nasa taka an chawimawi te kha a zahthlak in ka hria a. A department tan pawh a tlawm thlak in ka hria a, chuingin, Pu Speaker, Ram Lu ber inti te ina hetiang a kan forest hi kan suasam tir hi a diklo hrim hrim a, sumdawn nan an hmang lehngal a, chuingin, hengte pawh hi chak zawka huaisen zawka an dan a tul a, hetiang kawngah hian huaisen turin Minister zahawm takte hian an official te pawh hi an encourage tur a ni a, an support tur a ni. Chuti anih loh chuan a lu lam atanga kan forest te hi kan thiat dawn a chuan kan ram future tur hi a ngaihtuahawm hle a ni. Chuingin, heng kan sawi takte atang te pawh hian tanlak dan thar kan ngaihtuah a ngai a ni tih hi kan Sorkar in min lo hriatsak se ka duh a ni, ka lawm e.

SPEAKER

Le, waviin chu member 21 lain kan sawiho a, kan sawihona hun kan nei tam vak lo na-a, kan participate thahlein ka hria a. Tunah chuan sawiho-na kan duhtawka anga, Minister te wind-up turin kan sawm anga, passed han dil ngal zel mai sela a thain ka ring a. Tunah Minister zahawm tak Pu R. Tlanghmingthanga i lo sawm ang u.

**PU R. TLANGHMINGTHANGA
MINISTER**

Pu Speaker, hei member zahawm tak tak ten waviin-a ka demand min tuipuiin ngaih-mawh hrang hrangte kan sawi hlawm a. Tin, khang zawng zawng kha kan rawn re-act vak thei lo maithei a. Tin, lehlamah chuan kan programme te kan hmalakna leh kan hmalak tum dante a kip a kawia han sawi ve te pawh a chakawm a. Amaherawhchu, hun hi a ral chak angreng a, tin, hei a tlangpuiin demand han sawi vak lova, han zo hma nihte pawh hi kan inelna chikhat a niin ka hria a Pu Speaker, nangmah ngei pawhin tawite sawi a, kimchang deuha sawi thiam hi i zir ang u i tih ang deuh khan. Vaviinah hian a tawi thei angin han sawi chu kan tum anga, amaherawhchu, kan member ten an rawn sawichhuah kan re-act vak theih lohte pawh kha helai hmunah kher lo pawh remchangah han inbawhzui a han inngaihvien zui te pawh kha a lawmawm hlein ka ring a ni.

Hei, ka Department enkawl hi mihring enkawltu department kan ni tlangpui a, mihring enkawlina department ti ila a dik awm e. Hei, Social Welfare tihte, Health Department atanga mihring enkawlina te, chutiang ang department plan pahnih ka department hnuaiah a awm a, mihring enkawlina ve ve Human Service a ni a. Chuvang chuan a fimkhur thlakin a changtu nih pawh rilruah hian kan ip deuh rengin kan hotute leh Member te finchhuahna pawh hi kan mamawh zualin ka hre thin a. Vawiinah pawh Member te thahnemngai taka thusawi atang khan han hriatchhuah leh kan hmabak mek baka han tih tur kawng hrang hrangte pawh kan hmu chhovin ka hria a.

Tin, chubakah chuan hei mihring enkawltu enkawl leh tu, department S.A.D., hei Non-plan hnuaiah ka enkawl mek a lo ni bawk a. Tichuan han sawi thuk thuk ila Pu Speaker, hei a hmasain Social Welfare Department ah hian kum engemaw chen atang khan kan plan hi a total amount ah chuan lang tlem silo hian, mahse kan duh anga hman theih tak tak, a State chhunga kan normal plan ah hi chuan kan tlahniam lawi si laia hi ka sawifiah thiam tawh lo nge ni, tiang hian kan kalchho zel a, kumin hi chu kan ziaawm deuh dawn emaw kan han ti a, mahse kan ziaawm chuang lova. 2000-2003 ah khan kan plan pumpui chu 655.43 a ni a. Chumi ah chuan ear-mark Central atanga kan tih ngei ngei tura anmahni pawisa rawn intum a, an ear-mark a kha nuai 392.4 a ni a. Chutah chuan kan normal plan chu chuta tanga paihchhuah chu nuai 263.3 ani a. Tichuan, 2003-2004 ah chuan nuai 614 a pumpui a lo ni a. Chuta tang chuan nuai 371 Central sponsored-a kha, khami han paih leh khan nuai 243 ah kan tla thla a, a hma aini nuai 20-in kan han hnam thla a. Chuvang chuan kan State chhunga kan hnathawh mek thenkhatte kan reduce zel a ngai a, Central pawisa anmahnin-a an ear-mark a kha kan lo pawt peng thei silova. Tichuan, 2004-2005 ah erawh chuan ngai kan awl a, nuai 639 ah ear-mark kha 396 a ni a. Tichuan, nuai 243 kha keimahni normal plan a lo ni a. Tin, tunah hian 2005-2006 kumah hian nuai 649.94 avaiin kan nei a, chuta tang chuan ear-mark project hi 430 a ni a. Chumi paih chuan nuai 219 ah kan tla thla leh ta a. Tichuan, hei keimahni hman theih ti mai ila, hman theih chu ni tak, a dang pawh Central Scheme a ni a, chumi avang chuan kan member tena in ngaihpawimawh em em, tin, a then then hnenah chuan ka sawi tawh a. Hetia a awm ve ang reng si a, hemi grant-in-aid to voluntary organisation, heng P.A. set tihte leh bel leh no leh dekchi tihte emaw, hetiang kan han inpek theih thina kha item tam tak kan paihthla tawh a. Tin, kan item neihchhun a pawh han sem a, kha le

han tih tur kan nei ta lo laia hi a hrehawm viau thin a. Chu chu thenkhat kan member zahawm tak takte pawhin an han rawtna ah chuan ti tawh lo mai ila law law ana, hetia a sem a sem zawng hi chu kan tih rau rau si chuan miin an beisei si a, chuvang chuan kan tihtawp law law hi Sorkarin inti a nih pawhin a hahdam zawk anga tih te pawh sawi rik te a awm nghe nghe a. Amaherawhchu, hei kan beisei nikum lam ai chuan nuai 3 lai chuan khalamah kha chuan kan han hmasawn a, khami ngau ngau bikah chuan. Chutiang chuan kan dinhmun tlangpui Social Welfare ah chuan kan plan dinhmun chu a lo ni a. Tichuan, hei Social Welfare hi kan sawi fo tawh angin session hmasa ah te pawh kan sawi tawh a, kan enkawl a hi mihring an nih avangin engmah hre lo te nausen pian hma atanga thla 9 nu pum chhungah hian Social Welfare hian nutrition te leh damdawi vitamin tihte, khatiang chi hrang hrang khan hmeichhia naupai mekte an naupai a hriselna tur leh pianphung pangngai a an pian theihna tur atan nu in nau a pai chhung atang hian kan lo enghelh tawh a, a theih ang angin kan ICDS Project a kan workers ten an buaipuiin Health Worker te leh tin, Doctor te pawhin an buaipui chho thin a.

Tin, nutrition chungchangah hemi naupang 0-3 tihte, 3-6 tih te, khatiang ang sikul kal-a la tla hrang ve thei lo te naupang chumchiap nute'n-a an cnawl ai lo enkawl na ang hmun te Sikul an kal theih hma hma-a a theih ang angin kan han enkawl a, amaherawhchu, duh angin kan ti vek thei lova. Tiang chuan kum 3 an lo tling a, kum 6 an lo nih hnuah phei chuan sikul ah an han kal chhova, chumi sikul-a an kal hma zawng leh nuin an pai atanga khami chhunga kha mawh kan han inphurh chhova. Tin, kan hotute sawi danah pawh nau tah vei hi tunlai hian an vang ta, thingtlang kilkhawr berah pawh an ti a. Chumi chu hemi Social Welfare te thawh rah a ni e ti te pawhin kan sawi thin a ni a, kan hlim viau a ni, kan lawm viau a ni.

Tin, thawktute ka fuihna ah pawh Social Welfare hi chu hna han thawk a, engemaw tia han ti but but a, a result lo lang thin ang hi a ni ve lova, P.W.D. te leh hemi works department ah te chuan kalkawng te khawi nge haim zingah leh khamah pawh kuminah kan lai dawn kan han ti a. Tahchuan, kan han lai a kawng a lo tlang ruah mai a, tin in sa pawhin engmah lo hmun zawl leh awih bakbahai ah pawh In te a lo ding luah mai a. Tikhan a thawktu tan pawh a phurawm a, a result lawmawm lo lang thina hi. Amaherawhchu, keiniho Social Welfare ah hi chuan kan thawh rah hi hei te hi a nia han lekchhuah tura hi mite hnena han hmuhtir tura hi a

harsa deuh a, kum 10 hnuah nge a result a lo awm dawn, kum 20 hnuah nge, vawim-a naupang chumchiap leh an nutena an enkawl theih loh an lo enkawl leh an taksa pianphunga rualbanlo mai thei tur kan lo enkawl te, tin, pianphunga rualbanlo te pawh chutiangte chu an lo puitin ah hian inmahni a puitling leh a hlawhtlinga te hian, hei tak hi a mia Social Welfare hovin-a min enkawl na rah a ni e tia han lekchhuak hi an awm chuang si loya. Amaherawhchu, heng zawng zawng hi ringlo mi pawhin Central-a State hrang hrangah pawh ringlo miten mihring enkawl na kawnga theihtawp an chhuah lai hian keini chu taksa bakah thlarau lampang malsawmna, chumi chu kan duhsak a, a thawktute ah hian rawn langchhuak lem lo mahse hei hi chu kan thawh result a hi keimahni ah hian kan lawmman chu ka hnenah a awm tih ang deuh khan, hei hi a lawmawm takmchuh a, mi min rawn hmuhpui leh fak kher loh pawh hi helaiah hian i pawh ti lo ang u tih hi kan inzirtirna a ni a.

Nichina sawi angin Self-Help Group

kan tih te Swayam side Women Empowerment Scheme atanga lokal ani a. A detail in kan sawi seng lo anga, chuvangin avaiin scheme tawite laktawi pawh hi kan sawi seng loyang a. Engpawhnise, member ten an point out thawkhat a kha kan react kim lo chungin sawi han tum ila. Old age pension tih te hi Mizoram chuan mi kum 60 an nih avanga old age pension la mai tur a inggaihna hi a pawh hle a. Phai ah chuan old age pension lokal na chhan hi la tur qualification hi chu chungte neilo, enkawltu neilo te hi anni tlangpui a. Chungte chu pek sen an ni lova, keini erawh chu old age pension ah hian fapa/fanu enkawltu nei te thlakhatah Rs. 100/- kan pe te hi thil lawmawm anga kan han inkawhhmuh a dil ve rawh han intih hi kan kaldan tur a ni lova. Mizo society ah hi chuan nu leh pa tar tawhte Sorkarin a chawm emaw a tanpui emaw regular a old age pension han lak hi chu thil zahthlak ani a, thil chhuanawm anih lohzia inzirtir hram hram hi tha hlein ka hria.

Mahse lo hmuh theih anih chuan

khawsak tih ziaawm nan a tha em em a. A nihna taka hi kan hriatchian a ngai a. Tin, pianphunga rualbanlo chungchangah member te sawi angin helaiah hian sikul naupang rualbanlo mi 863 hnenah stipend kan pe mek a. Tin, piansualna avanga engmah ti theilo mi 200 hnenah pension pek anni bawk a. Hei bakah kum/ke lem te mi 10 hnenah kan pe bawk a ni. Tin, pianphung-a rualbanlo te tan zirna Vocational Training Centre te Aizawl, Lunglei ah te hawn ani a. La phiar te, pheikhawk siam leh thildang kan zirtir bawk a. Kuminah mi 86 training kan pe a ni.

Tin, un-employed allowance rualbanlo zingah employment exchange a inhriattir si hnu-a hna la hmu lo te hnenah Rs. 100/- pek anni thin a. Tunah hian hetiang tanpuina hi mi 25 hnenah pek mek an ni.

National Programme for Rehabilitation of Pension with Disability hnuaiiah State Resource Centre 201 kum 2001 atang khan kalpui ani a. Tunah hian State Referral Centre te pawh din a ni a, pianphung-a rualbanlo te harsatna hrang hrang zirchianna an nei a ni. Tichuan, tunah hian old age pension ah khan mi 20525 hnenah pek ani a, Central in Rs. 75/- a tum a, State Sorkarin Rs. 25/- thlatin Rs. 100/- lak a ni. Tin, hermi chungchang Aizawl ah emaw lokal a an sum lak tur rawn lak te a harsa a, a hmunah min pe thei lawm ni tih kha tihdan kan ngaihtuah a, chu chu an rawn sawinawn na khan diltu rilruah pawh min tiphur a, kan lo tum mek ani a. Harsatna kan neih erawh chu helaiah sum a inbanlet lai a hi thla 3 chhungin a zo mai thei lova. Thla 6 chhung chuan an hlawh hi tichhuak thei turah inggai ila. Kan Finance lam pawh kan request thin a. K. Deposit a dan tur awm thin mahse hei kher hi chu min hrethiam ula min hlahthlem teh u tiin kan ngen thin a. Anni pawhin ngaipawimawhin nutrition leh hetiang sum hi a theih angin min release sak thin a. Tunah pawh min hriatthiamna azarah tun aia hmasawn zawkin kan tih theih kan beisei a ni.

Tin, Family Benefit Scheme hi chhungkaw eizawngtu ber a thihin a thih atanga thla khat thla hnih chhunga ei tur lo tawp ta, khang ho tan Sorkarin Rs. 10,000.00 a pe thei a. Chu chu chhungkaw 437 te hnenah pek theih beisei a ni.

Tin, Social Welfare ah hian thil hrang hrang nausen pianchhuah hma atanga lo vei a tleirawl drug ngawvei enkawlina hrang hrang Home te, tunah hian NGO enkawlina hnuaiiah Home 20 chuang a awm a, chu chu keimahni in tanpuina kan pek theih bakah Central ah pe turin kan recommend a. Regular Home recognised te chuan ruihhlo ngaite enkawlina tur hi an la ve bawk a. Duh khawp nilo mahse hei hian mi tam tak a tanpui bawk ani tih kha ka sawi duh a.

Tin, department enkawl bik De-addiction/Rehabilitation Centre te Sorkar hmasain thahnemngai taka an lo tih enkawl zui kawngah hian kan experience chinah ruihhlo ngai hmun tinah enkawlina

neih lai hian an lo sim a thla thum, thla ruk te enkawl hnuah an lo sim ta a. Chumi hun a sezawl chhuah leh ringawt a kha a ngai a an lut leh deuh riau a. A tlangpuiin percent tam tak hi a ngai awh leh anni a. Chuvangin kan department hian helama thil hria te'n an ngaihtuah a State dang tihdan te an zir a, Sethawn a kan De-addiction Centre lar khu after-care rehabilitation Centre ah ni ta se tiin ruahmanna kan siam chho ta a. Chumi atan chuan rehabilitation chi hrang hrang hemi after-care a an awm chhunga an zirna tur thil thiamhnang emaw electronic ani emaw trade hrang hrang inzirna siam nise tih ani a.

Tin, anmahni pawh-a an chhuah hun a eizawna a hman theih tur ang ruahman chhoh ani ta a. Chu chu tunah bul tan chhoh tum ani a. A bul vela Agriculture leh Horticulture ram zau tak khu lo neih lam leh thildang zir nan remchang berah kan ngai a, tunah department te inbia in Chief Minister kaihhruaina hnuaiiah tihpuitlin chhoh a hmalak theih kan ring a.

Tin, ruihhlo ngai enkawltu NGO hrang hrang hi a monitor na tur remchang tak ni turah kan ngai a. Kcini chuan de-addiction ti lo mah ila, tuna 20 chuang awm mek lo lakhawm a, an training na hmun atan ITI pakhat ang deuh, chu chu kan beisei dan a ni.

Chu chu langsar zual kan tih chhoh tum mek chu anni a. Tin, himeichhe awm tha duhlo enkawlina ah pawh hma kan la chho a, tunah hian Rs. 16 lakh kan ruahman chho a. Sorkar kal lianta chhung khan an hmun tur kan lei belh a, hmun zau tak kan intawllenna leh hnathawh theihna tur hmun pawh kan ruahman tawh a. Chungah chuan a taka kan kal chhoh theih kan beisei a.

Tin, nutrition chungchangah te kan member ten induhtuina te leh engemaw sawisel tur hrang hrang in rawn sawi kha kan lo chhinchhiahin kan lo enzui chho zel dawn a ni a. Tin, Juvenile Justice Act and Rules tih kha 2000 atanga Act siam chhoh 2003 ah khan kan siam peih tain Rules siam chho tawh a. Hemi hnuaiiah hian Committee hrang hrang kan din chho mek a. Hei hi a taka a function chhoh theih thuai kan beisei a. Tin, Adoption Cell te pawh kan siam lawh a, mi nau tute emaw insiamrem a va lak mai te a hnuah an buaipui leh hrep a. Dan han tlawhchhan tur leh kalphung awm lova lo tih thin khan min tibuai a. Tunah hian chutiang ang adoption hian tih theihna tur atan chuan a cell kan siam tawh a. Chu

chu Directorate hnuai ah khian a awm chhova. Chutiang anga naupang adopt theih lak hran theih chutiang awmna hmun chu pakhat tunah hian kan siam tawh a, tiang chuan kal chhoh zel tum a ni. Tin, kha kha Social Welfare ah chuan sawi dawn ila kan sawi seng dawn chuang lova. Mahse kan sawi loh pawh member ten an ngaih pawimawh kha kan zia kin kan chhinchhiah a. Tin, khami plan sector ah salary a tlahniam tih lai kha hei hi a chhe lam nilovin non-plan lam atanga pek kan nih chhoh avangin leh a bak kha vacancy kha kan hnawhkhah theih rih loh avangin khalai kha a tlakhniam chhan a ni a. Han inban then emaw kha, kha khan pawh khawih tur zawng a nilo a ni tih kha kan sawi nisela.

Pu Speaker, Health Department - ah hian sawi tur a tam viau a, hma thar lakna te pawh hian sawi teuh a chakawm viau a. Helai ah hian kan dinhmun tlangpui chu damdawiin, hemi Health Department inrelbawlna ah chuan Directorate of Health & Family Welfare leh Directorate of Hospital and Medical Education, Directorate pahnih ah a awm a. Tin, damdawiin dinhmunah chuan hospital han tih ngam hi 7 kan nei a. CHC 12, PHC 57 leh main centre, sub-centre enkawltu ti mai ila 78 leh sub-centre 351 kan nei a. Doctor dinhmunah chuan senior specialist hi 23 kan nei a. Specialist 24, an vaiin 47.

Tin, specialist PG degree holder engemawzat chu medical officer anga rawih an ni a. Anmahni an nihna kha specialist nihna kha la neilo mahse PG degree holder kha an ni tho tho bawh a. Chung chu specialist a chhiar officially chuan nilo mahse an thiamna chu specialist an ni. Doctor kan neih zawng zawng hi 221 a ni a. PG degree zir mek hi 18 an awm a. Aizawl Civil Hospital ah hian 77 an awm a, RIMS Imphal ah hian PG zir seat 7 kan nei a. Chu chu an luah vek a subject hi RIMS in kum tina min pek hi an rel chawp thin a ni. Tin, Health Department hnuai programme hrang hrang hi a tam hle a, a tlangpui, a hming ringawt pawh hi chhiar ta ila hun a duh rei viau maithei a. Engpawhnise, malaria control programme tih te kan ngai pawimawh hle a. Malaria hi kan ramah a nasa em em a, kan ram hi a thianghlim vang a nia ti mai ila. Malaria hrik pai thosi hi hmun thianghlim leh boruak tha leh tui fim ch hian an cheng duh a.

Chuvangin, kan ram chhung hi a duh zawng tak a ni a. Kan tui te hi a tha a. Phai ramah Silchar emaw Kolkata emaw ah a ngap in an ngap nuai nuai lai si khuan malaria hi an vei chuang bar lova. Malaria pai hi an awm ve duh vak loh vang a

ni a. Chuvangin kan ram a thianghlim, boruak a thiang, tui a tha kan tih lai hian malaria vei hi kan tam em em a ni. Chu chu a chhan chu kan ram thianghlim vang han ti ila engemaw zawngah chuan a sual em lovang chu. Tunah hian malaria chungchang ah hian damdawi pek thin chi hnih mum 6 leh mum 4 a pek vavikhat a pek kha mum hnih chauh ah chutiang chuan siam chhuah niin tunah hian chu chu kan hmang chho mek a. Chu chu a eitu tan pawh a zuamawm a. tin, han ei mai kha mum hnih a ni mai a, kha kha khawsik a in ringhlel tan ei mai a kha kan in advise leh a. Tin, malaria chungchangah chuan drug distribution centre hi 679 din a ni a. Heta tang hian malaria vei inhria apiang te chuan malaria damdawi chloroquine leh premaquine a thlawna pek theih a ni a. Chu chloroquine leh premaquine chu mum khat ah ve ve siam a lo ni ta kha awlsam ta lehngal a ni. Tin, chhungtin hnenah thosilen damdawi pek hi tuna kan programme chu a ni a. Hei hi Health Department te nen kan sawiho ah chuan a damdawi pek mai ai chuan chiah sa chauh hi pek nise a thosi lenin. Chutilo chu kha damdawi kha thildang tha lovah an hmang anga, anih loh pawhin TB vei te hi tun kumthar atang chuan TB vei te damdawi pe a hawn tir mai kha kan phal tawh lova. An ei ngei a ni tih kha Health Worker te leh hemi lama thawktutena an ei lai ngei an hmuh loh chuan kan ring tawh lova. Chuvang chuan ci tir ngei khan an dam ani tih kan hria a. Chutiang bawh chuan thosilen pawh hi chiah sak ngeia an hawn kha tha kan ti a. Chu chu a hna a hautak hle maithei a. Engtinge kan tih chhoh ang tih erawh chu ngaihtuahna ah a kal mek a ni.

Tin, fever treatment depot hi 238 hawn a ni a, malaria damdawi hemi drug distribution centre ami ang pek chhuah a nih bakah thisen lak hna an thawk dawn a ni. Mizoram ah hian malaria a tam em em a, kan hria a. Khalam kha chu sawi thui vak lo ila. Tin, National Iodine Deficiency Disorder Control Programme an ti a, hei hi iodine tlakchham avanga thil chi hrang hrang lo awm thei awrpuar te leh natna dang awm thei, sawngnawi te pawh a ni a. Chungte pawh chu hmalak chhoh a ni a, hetah hian Mizoram hi a thawk tha ber pawl kan ni a. Chutah chuan 93% hi hemi iodized salt tih ah hian kan consumption hi a ni a. India ramah a ti tha ber pawl kan ni. Helamah hian awrpuar pawh a tlahniam a, kan lawm viau a ni.

Tin, TB lampang kha han sawi thuak thuak ila. TB Control na chungchangah hian hmanrua te a lo tha ta a. Dik tak chuan kan Opposition Leader in a sawi ang deuh khan

TB ah hian hma kan sawn ta lova, TB an pung ta em ni tih mai tur ang deuh hian a ngaih theih a. Hei hi a chhan nia kan hriat chu TB vei te tunhma a an detect lem loh TB nih pawh inhre bar lo, han en pawha TB hrik hmuh lem lohte an tam a. Tunah hi chuan a enna leh kan equipment te that tak avang leh thawktute an active avangin detect hi a tam ta em em a. Detect theih loh thin kha detect a lo nih takah hian a lo tam ta em ni aw tih mai tura ngaih theihin a awm a. Helamah hi chuan a tam ta nilovin a veia te kan hmuhchhuah hi kan hmuhchhuahna hmanrua a tha ta a, a changkang ta a. Chuvang chuan tam angin a lang a ni tih kha kan sawi duh a. National Leprosy Elimination Programme te, phar lampang ah hian hma kan sawn em em a Mizoram hi. Kan eliminate vek a ni lawm ni tih tur khawpin India ramah hian a ti tha ber pawl kan ni a. Chu chu tunah hi 9an phar enkawl mek hi 10 chauh an awm a, chungte pawh chu Mizoram chhung ami pangngai nilovin khung Bangladesh lam atanga lokal te an ni ber a ni. Chuvangin helamah hi chuan hma kan sawn hle a ni tih kha kan sawi duh a ni.

Tin, RCH Reproductive & Child Health tihah hian Phase-I a zo tawh a, Phase-II a in thoh chho dawn a ni. Amaherawhchu, Central an la ngawi rih si a, helama thawktute Doctor leh Nurse leh Health Worker te leh chi hrang hrang te vawiinniah hian an mangang deuh te pawh a ni ang. Mahse hei hi keimahni kut anih loh avangin keini chuan Central Sorkarin a rawn chhunzawm ngei ang tih chu ring mah ila mahse a rawn chhunzawm silova thawktute bang rawh u tih chu keini chuan kan ngam bik lova, thawk rawh u kan ti ngam silova, a chhan chu an rawn chhunzawm leh kan ring a ni. Rawn chhunzawm lo se keimahni mawhphurhna-ah lo thawh tir ila official in kan ba dawn si a, chuvang chuan mahnia thawk duh te chuan an thawk chhunzawm a chu chu reiloteah Central Scheme ah a lokal thuai erawh chu kan beisei a ni.

Tin, achievement chi hrang hrang kan neih te a awm nual a, amaherawhchu, kan sawi vek seng lo anga. Tin, TB chungchangah hian TB damdawi ei a dama inhria a, a course zo silova te hi a buaipuiawm ber a ni. Chumi tak maia chu directly treatment observe service an ti a, hemi ah hian damdawiin-a zuk tih a pawisa tawh lo chutiang ho chu treatment an chhunzawm loh avanga kha damdawi kha TB hrik ina a bihruk san emaw a awm a ni. Chumi treat na chu a har em em tawh a ni. Chuvangin kan sawi duh chu, hetia TB damdawi-a kan lo enkawla te hi dam angin lang mahse course an zawh loh chuan chhunzawm huama inzirtir a pawimawh hle

a ni. Chutiang anga lo vei leh a relapsed anih chuanin an sawidanin hemi treat leh a hi a hautak ~~em em mai a, chuanin atan chuan~~ 1.3 crore vel mi pakhat enkawl dam nan a ngai tawh ani an ti. Chuvangin, TB veite awlsam te a tihdam theih a hi mahni inthlahdah avanga chhonzawm lo mai a lo awm dan te kha a hlauhawm dan kan sawi a ni.

Tin, Hospital lam tlem kan sawi anga. Kan Hospital ah sawn kan bungraw neih ngai loh thil chi hrang hrang kan nei chhova, hei hi kan Chief Minister hmalakna leh kan Health Minister te thahnemngaihna lo awm chho a kha tunah hian kha thil a kha alo thleng sup sup mai a, a lawmawm a, item 70 vel khawvel ram changkang te pawhin an hman khawl a kha tunah hian Civil Hospital ah hian kan lalut tawh a ni. Member ten a list te pawh remchangah in la la thei anga.

Tin, Nursing School hi Nursing College ah upgrade a ngaia India ram pumpuiah upgrade tura tih a ni. Kuminah hian 1.5 crore India Sorkar in min rawn pe dawn a, tichuan Nursing School thin kha Nursing College ah upgrade ani dawn a ni. Kan zirtirtute leh tutor te hrang hrang hi an lo qualify viau a, hemi ah hian infrastructure leh a building te hi min tih sak tur leh thil chi hrang hrang nimahse a hnathawktute rawih erawh hi chu kan State mawhphurhna anih avangin helaiah hian kan huphurh deuh a, mahse tuna kan zirtirtu neih mekte hi master degree te niin College alo nih hnuah pawh B.Sc. Nursing te zirtir thei alo nih vek tawh avangin helaiah hian problem kan nei lo turah kan ngai a ni.

Tin, Lunglei Nursing School pawh Sorkarin sak turin Central atangin 3 crore vel kan hmu a tunah hian 75 lakhs vel bul tan nan kan hmu chhova, vanneihthlak takin helai sikul hi kan tan thei dawn a ni. Tin, hei hi kan sawi duh chu Lunglei a awm tur ani a vanneihthlak takin a hmun te lein a han ruahman dawn ila nuai 10 tel ani dawn a. Chutihlai chuan Pu Z.H. Ropuia chuan Nursing School Complex atana ram a donate a, chuvang chuan kan lo sa thei dawn a ni a, a lawmawm ka ti hle a ni. Helai chungchangah nakinah a detail duh chuan kan la inpe thei turah ngai ila.

Tin, Health Department a sawi tel tur thar pakhat chu kan Member ten an rawn sawia kha Ayush Department hi Central Sorkarin an sawi ang khan Indian System of

Medicine tih te Homeopathy leh Ayurvedic te hi a Department hi a theih ang anga tih chhoh ve hi tha kan ti a, chumi atan chuan District Hospital tin atan kuminah hianin pawisa min rawn pe dawn a, chu chu hetiang hian renovation and repair of existing building tih ah hian cheng nuai 10 equipment atan cheng nuai 15, medicine leh diet lam atan cheng nuai 7, Para Medical Staff tan cheng nuai 1 leh lumsum atan cheng nuai 35 District Hospital tinah khan min rawn pe thei turah kan beisei a, churni atan chuan agreement te pawh kan signed tawh a, kan Secretary in, chu chu kan dinhmun ani. Mahse in hriat ang khan a hlawh leh main power tur erawhchu, keimahni tum tur ani tlat a ni. Heng ruahmanna tur leh chet velna tur chu min tum sak mahse a che vel tur Doctor rawih leh Homeopathic Doctor rawih te kha kan tum tur ani a. Hetiang chung pawh hian tunah kan Sorkar chuan tihdan hram awm turin engemaw tia kan ruahmanna leh an remhriatna in engemawzat chu kan tan theih kan beisei a ni.

Tin, Rural Health Mission ah hian November ni 2-a Union Minister hova State Minister hova kan meeting ah khanin an programme leh agenda ah chuanin Primary Health Centre ah Doctor pakhat theuh dah belh nisc an ti a, Sub-Centre ah pakhat dah belh nise kan ti a. Chutiang chuan Rural Health Care a hi Central ah Prime Minister Chairman na hnuaiah leh working chairman ah Union Health Minister ani a, State ah chuan Chief Minister emaw Health Minister emaw nise kan ti a. Tin, min lak an tum danah chuan North Eastern State zawng hi khami body pakhatah khan min ruahman deuh a, chumi atan chuan meeting te pawh tunah hian rawtna te an siam a kan Aizawl khawpuiah hian theih tur ah kan ti tak na in. Mahse Health Minister theuh te leh an Secretary te han mikhual tur chuan sum leh pai te kan hlawkpuina tur a awm rih chuang lova. Chuvang chuan hmundang ah i kal zawk mai ang tih kha kan ngaihdan ah a kal a ni. Khatiang project a puitlin chuan PHC Centre tinah Doctor pakhat kan lak theih kan beisei a ni.

Tin, Central duh danah chuan Homeopathic Doctor ni ngei se tih a kha an duhdan a ni. Keini chuan mi kan nei zo lo anih chuan Allopathy Doctor te pawh kan la thei ang chu tih kha kan sawi dan a ni, chu chu a dinhmun tlangpui a ni.

PU LALHMINGTHANGA : Lunglei Civil Hospital hi cheibawl deuh hlek nise tih kha kan Minister zahawm tak hian min rawn react thei em ? A chhan chu chhim lam atan Mini Referral a siam a pawimawh a..

.....711/-

PU R. TLANGHMINGTHANGA: Pu Speaker, kan ngai pawimawh khawp a naupang Specialist awmlo anga sawi kha, naupang Specialist dah ani tawh a, Saiha a mi kha a rawn chhuk tawh a, naupang specialist kha ward hran neih anih tawh avangin Saiha a mi kha Saiha lam tan khan engati bik nge tih a awm maithei a. Padiatric Ward a lo awm tawh avangin Lungleiah dah loh theih a ni lova, chuvang chuan Saihaah chuan a la awm chiahlo na in indaih lohna karah kan pawt rih a ni. Tunah hian mi 18 specialist training mek an awm a, tin, member ten an hlauh angin, specialist an nih hian thingtlang lamah kal an hreh thin a, hei hi chu hreh loh tir kan tum a, nangni pawhin min venpui ula, min encourage ula, specialist te hi khawpua awm tura specialist an nih vek chuan thingtlanga awm tur an awm dawn lova, tuna kan tih chhohnaah pawh a senior atangin han tih hmuh teh u kan ti a, senior specialist te kan thawn a, thahnemngai takin phunchiar lovin tunah hian an kal hlawm a ni. Tunah pawh lo chhuak tura te pawh Aizawl rawn beisei ngawt an tum ta lova, a lawmawm a, chuvang chuan helamah hian hma kan sawn kan beisei. Tunah hian in hriat angin Hospital 24 velah hian Doctor awm lohna a awm a, tunah kan in pawt fan viau nachung hian a tih hleihtheih lova a la daihlo hrim hrim a, Aizawlah an va tam ve in ti maithei, tunah hian group hniha inthen a, specialist te pawh hi group khat hi chuan zanlai thleng thleng ten an thawk a, an indaih lova, Referral Hospital ang main Civil Hospital hi kan pan a ni a. Thingtlangah han ngai pawimawhin han dah ila, thingtlang pan duh chuang lova helai rawn pan tho an nihna laiah hian kan lo inthiar ruah hi chuan thingtlangah equipment duh angin a awm si lova, an thiamna pawh duh angin a hman theih si lova, a tlangpui a kan ngaihdanah Aizawl ngei ngei kan tih vek laiah hian kan lo in tichau ang tih a hlauhawm a, chungte chu hre chungin kan ngaihtuah chhova, kan member te ka fakna che u chu transfer chungchangah Doctor anni emaw, Health Worker anni emaw rawn sawisela hrehawm khawpa min rawn press awm lova thil awmdan han sawitlanga hrethiam taka min lo dawngsawng thin a, min hriatthiam pui thin avangin lawmawm ka ti a. Vawin niah hian thil tam tak sawi tur a awm a, kan sawi seng loving a, a tlangpui kan sawi ni ta sela.

S P E A K E R : Khawngaih takin Secretariat a Minister-te inthiarna bal lutuk kha Clean Mizoram nen a inhmehlo tih te kha an sawi a.

PU R. TLANGHMINGTHANGA: Pu Speaker, khang te te kha keini ngaihah chuan Pu Liansailova Member zahawm tak rawn sawi kha a hlui tawh anih ka ring a. A awm ve hunlaite kha a sawi emaw ni chu aw, ka ti a. Keipawh 1987 vel te a kan awmlai khan ka ngai pawimawh ang reng a.

PU H. LIANSILOVA :khan ka va zung a, a bal angreng khawp a, a tha lo khawp mai a, in lo repair tawh nge ka hre lova. Tin, a fai lo hrim hrim a.

PU R. TLANGHMINGTHANGA: Pu Speaker, a lawmawm e. A lawm-awm ka tihna chu kan Chief Minister-in Mizoram chhunga bal ngaih pawimawhna thinslung mipuite hnena a tuh kan member ten in lo zawm kha a ni a, a bul tumtu anihna a tilangin ka hria. Kei ngei pawhin Secretariat atang hian kan pu hmalakna hi in bei ve teh ang ka ti a, ka hovin meeting kan nei a, Secretariat a mawhphurtu zawng zawng ka kokhawm a, mawhphurhna la tute in siamin Dy. Secretary, S.A.D. Chairman na hnuaiah an monitor chhova, rawn kal ula kan building te a tawp viau thin a ni, tunah hi chuan a danglam viau a ni, OSD kan Chief Minister in a rawn ruat ho chuan keimah te nen kan hmalakna hi a effective em em a, mawhphurtu bikte in ruatin kan ti chhova, hei hian awmzia a nei hle a ni.

Tin, Member zahawm tak Pu Saikapthianga rawn sawi khawl kha Civil Hospital ah duh bik leh leitu turte duhsak avanga lei tum a rawn sawi kha a rilru a khami chungchang feed tu kha a laklak loh niin ka ring a. A tha, a thar items 70 lai kan lei a, Pu Hiphei han tih khan dilpuitu anih ka ring a, a chhiatna a rei tawh a, a tir atang pawh khan a hlui ani awm e tiin rinhlelh a kai tawh a, Pu Speaker, i hunlai pawh khan a chhe daih tawh a, tunah hian siamthat theih lohvin condemn a ni tawh a, tunah hian phai a kal thlak chung chung ngaia zun tha lo te.....

S P E A K E R : Kha thil dialysis kha ka hriatsual loh chuan Deptt. ah pe lovin Hospital an pe a, Hospital in engkim a buaipui chhoh niin ka hria.

**PU R. TLANGHMINGTHANGA:
MINISTER**

Pu Speaker, kha kha a ni a, chu-
vang chuan a hmantlak tawh lova,
chumi atan chuan a rang thei ang
berin Cancer hemna te pawh tun
hnaiah kan ti tha a, an in hem chur chur tawh a. C.T. Scan te pawh a
chhia a, kan repair leh tawh a, dialysis erawh hi chu repair theih
tawh loh anih avangin a thar lei a ngai a, chumi lei tur atan chuan
sum te pawh keima hriatpui pawh a ni lem lova, Secretariat atangin
SPAB thukhawmin chumi a lei tur leh tender atanga thlan fel anni a,
chumi

PU LALRINLIANA SAILO :

Pu Speaker, member zahawm tak
Pu Zira nen kan sawi a, Drug
Inspector post kha 20 lai dilbelh
tih thua khaw mi pahnihin kan
sawi rawn a ni bawh a, min rawn react thei em aw ? chu ai chuan
anmahni Drug Inspector ni lovin an naute zawk tur hi a tawi zawngin
lak a tha mai lawm ni ? a enforcement zawng khan min react thei
em aw ?

**PU R. TLANGHMINGTHANGA:
MINISTER**

Pu Speaker, a lawmawm khawp
i mitmei te kan en a, i ti rei tawh
mang e, tiin kan hre deuh a. Chu-
vang chuan member te kha han
react leh zel loh mai tur emaw ni ka ti deuh a. Mahse, kha khan rilru
hahdam takin min sawi tir thei dawn a, i phalna in Pu Speaker, kan
sawi zui ang a, Drug Control chungchangah hian member ten an rawn
sawi Drug Control Act hi neih nise an ti a, kan nei tha a keini chuan
Drugs Controller lam hi chuan. Mahse, Police emaw, Excise emaw lam
kha chu kan concern lova, keinin a drug kan control na tur hi chu a
tha tawh a, chumi kengkawh tur chuan Drug Inspector qualified a ni a,
rules in a sawi vek a. Hemi enkawltu tur hian Drug Controller chauh
a qualified a ni. Chuti lova layman in Excise emaw, Police a ni emaw
zuk hman tum laiah khan harsatna an tawh anih ka ring a, kan hmang
theilo an tih kha a dik pawh ka ring a, an theilo anih chuan a thei hnenah
rawn refer mai se a tha in ka ring a. Indian Drugs & Cosmetic Act
ah khan kum 3 Lungin tan theihna leh Rs.5,000/- chawi theihna a ni,
tuna in rawn sawi chi hrang hrang dan lova zuartute leh fello taka
tute hremna a awm a ni. Chumi a ti theitu leh a ti diklo a ni ti a
classified theitu chu Drug Controller leh Drug Inspector anih avangin

a dang chuan an hmang theilo reng ang. Pu Speaker, chuvangin keini chuan dan hi a tha tawh mange kan ti a. Lehlamah kan hriat thawi danah chuan Excise lamte pawhin dan siam an tum mek niin ka hria a, a tha viauin ka ring, an siam thei a khalama tangkai tur anih kha chuanin. Keini erawh hi chuan kan neihsa hi kan hmang thei a.

Tin, chulo lelah chuan Drug Control na chungchanga tun maia thil kan han tih chhohah pawh thil tangkai tak kan tihchhoh chu drugs zuarte kumin chhungah ringawt pawh engemaw zat kan cancel tawh a, a chhan chu dan an bawhchhiat avangin. Tin, khami Police-ah ti maise kan tih pawh kha drug control hi chu India ram pumpuiaah police hnuuia awm anni lova, a controlna lai leh khami a enforce na lai a kha Qualified Drug Controller te leh Inspector te an nih miau avangin, tute emaw in a va tih ngawt a nilo.

Tin, Drugs Controller, Inspector te hi an indaihlo em em a, chuvang chuanin enforcement hi tunah drugs dopui kan han puang bawh si a, an heh em em a. Nichina in sawi ang khan Inspector qualify lo chuan a tih ngawt theih loh a, a zuk endik theih loh tlat a, an drug zawrh leh an thil tih a lekkawh tur khan.

Tin, Assistant worker tura kha chu kan mamawh tehmeuh mai, tunah hian khalai kan han dil a pawh kha drug inspector sawmhnih kan han tih a pawh kha DP & AR lam chuan hei hi chu Excise te an awm a, Police te an awm a, nangni tan chuan a ngai vak hlei nem tih ang deuhin min rawn chhang a, chu chu kan in hrihfiah mek a, anni tena enforce theih a nilo. Hei hi drug expert tena enforce chi a ni a. Chumi a qualified an nih a, expert an nih a ngai a. Chuvang chuan hei hi hriatsual palh a ni ang e, keini hi a enforce tu tur leh a control tu tur kan ni e, chumi atan a man power kan neih loh avangin hei hi min pekbelh rawh u, kan ti a ni e, tiin kan dil leh mek a. Chu chu min phalsak chuan kan ziaawm kan beisei. Tunah hian mi pali vel chauh Inspector kan nei a, veng tinah. Chung kan neih Mamit District leh Serchhip District a mite tunah hian Aizawlah a nasa a beihpui i thlak phawt teh ang kan ti a. Chungte avanga kan lak thlak te an ni a, khilam ta an ni a. Chulaiah chuan lehlamah khilai ai chuan helaiah hian beihpui a ngai a ni kan ti a, chutihlai chuan hei hi contract in ti sela tih te pawh kha rawtna a lo awm a. Mahse, hetiang ang enforcement dan lekkawh tur chuan contract tan a tih chi loh a, chuvang chuan regular employee a ngai a, chu chu kan dil mek a ni a. Sorkar hotute pawhin chu chu an ennawn chho leh mek a, min phal ngei pawh kan beisei a. Khalai kha nichina an rawn sawi ang khan a puibawmtute nen lam pawh khan kan namawh tak meuh a ni. Tunah hian he kum a hi kan tihfuh vaih chuan a kal leh zel tura pawh hi kan beiseina a sang viau a.

Tin, drugs Silchar atanga lo lut, Proxyvon te hi inter-state anih avangin hei hi kan tih t heih bak te a lo awm si a. Chuvang chuan Assam Minister te counterpart minister te nen hian sawitlang ula a tha lawmni tiim YMA a hotute, ruihhlo dona kawnga hotute mi an rawn rawn a, chu pawh chu sawihona nei a khulaia keimahna kan khawih phak loh anmahni area chhung nisi, keimahni a pawh khawihna ber Mizoram ni bawh si lai a hi la sawitlan te pawh kan tum a. Chutiang ang chuan hma kan la mek a ni tih kha kan sawi ni sela.

Tichuan Pu Speaker, a rei lutuk loh nan ka Demand No. 11-na Secretariat Administration Rs. 27,64,10,000/- Demand No. 24 Health & Family Welfare Rs. 69,26,40,000/- leh Demand No. 29 Social Welfare Rs. 16,04,91,000/- a vaiin Rs. 1,12,95,41,000/- hi House zahawm tak hian min pass pui turin ka rawn ngen e.

S P E A K E R

Awle, Pu Tlanghmingthanga, Minister zahawm takin a Demand No. 11,24,29 avaiin Rs. 1,12,95,41,000/- chu pass a rawn dil a, pass remti

apiangin 'remti' ti rawh u le, remtilo kan awm em ? kan awm chuan 'remtilo' ti rawh u le. Awle, Minister zahawm tak Pu R/Tlanghmingthanga Demand No. 11, 24, 29 te chu House-in lungrual takin a pass ta a ni.

PU R.TLANGHMINGTHANGA : MINISTER

Pu Speaker, ka lawm e.

S P E A K E R

Awle, tunah chuan Minister zahawm tak Pu Aichhinga Demand sawi hona te han wind up a pass han han dil nghal turin ilo sawm ang.

PU AICHHINGA : MINISTER

Pu Speaker, vawiinah member zahawm tak tak ten ka Deptt. Demand te an rawn sawi hlawm a. A sawi zawng zawngten thahnemngai tak

leh min duhsak takin an sawi niin ka hria a, a lawmawm ka ti a. Han react tur tehchiam pawh a awm vaklo niin ka hria a. Tin, thui

.....716/-

tak sawi pawh ka tum lova a hmasa berin Deptt. wise in han sawi ve
ila. Soil & Water Conservation thu kha member paliin an rawn tarlang
a, S & WC Deptt. hi Deptt. hlui tak a ni a, kan hriat theuh angin.
Mahse, a lar yak lo a ni ang, sawi a hlawh vak lova. Amaherawhchu a
pawimawh si zia tlemte sawi ka duh a. S & WC ah hian Directorate
neiin Division 8 kan nei a, tunhma chuan Saiha ah leh Mamitah
Division a awm lova. Aizawlah pahnih awmin Lunglei ah pahnih a
awm thin a. Mahse, tunah erawh chuan District pariat kan nei a,
chuvangin Aizawl a pakhat hi Mamit-ah awm sela. Tin, Lunglei-a
pakhat hi Saiha-ah awmve thung sela tiin District tinah awm turin
ruahmanna kan siam a. Tin, nichinah khan Director kan neih thuai kan
beisei a, S & WC ina a hmalakna-ah hian tunhma chuan production
oriented leh market oriented in hma an lo la tlangpui thin a. Mahse,
tunhnu-ah chuan khatiang kha chu an ti lovang tihna lam ni lovin kan
main purpose atan chuan a hming angin to save mizoram tihte hi kan
ngaihtuahna-ah kal lian ber se kan ti a. Nichina kan Tlabung bialtu
zahawm takin a rawn sawi, sawmi Khawthlang tuipuiina Tlabung bial
a tih chhiat zel te a rawn sawi kha Soil Deptt. subject a ni reng a,
kan ram luite leh kan kawr thuk zel hian a tlangpuiin kan ram a
tichhia a, tunah hian kan ram hmun tam takah tlahniam duk dukte tam
tak a awm a. Chung chu kan kawr thuk zelin a siam hi a ni a,
chutiang ang veng tur chuan Deptt. tam tak awm mahse Soil hi chumi
lam ngaihtuah ber tur a ni a. Chuvangin, to conserve water and soil
tih hi kan thupuiat kan nei lo thei lova.

Nichina kan Opposition Leader in
a rawn sawi Mat Valley chungchang thuah pawh khan tunah hian
Serchhip bula zawl chhe mek zel venna tur atan sawn soil chuan hma
a la a, a hma khan British Sorkar atanga plan siamin ruahmanna
lianpui Mat Valley ah hian a ni a. Nimahse, India ram in atom bomb
kan tih puah tak avanga harsatna lo awm ta khan khalam thil kha a ti
lai zova. Chuvangin tunah hian keini soil ho hian central sorkar ah
hemi hi project kan buatsaih a, CSS kan ruahman hi kumthar lamah
chuan a hlawhtlin ve beiseiin crore 5 lai hmanga hmalak ve theihte
kan in beisei ve viau a ni. Tin, chutiang ang chuan Champhai-ah te
soil erosion venna atan programme leh project kan buatsaih a,
chutiang chuan Mat Valley ah river project te kan buatsaih a,
Langkaih ah te kan buatsaih a, chubakah chuan kan Aizawl khawpui
ngei pawh humhimna turin project kan buatsaih ve a, mahse soil hi a
buaithlakna chin tak kan la nei a, mithiam kan neih that tawk loh
avangin tunah hian sorkar lamah pawh mithiam engineer qualified te
neih ve theih dan tur kan ngaihtuah a, hmaruak AE post te kan nei a,
chungte pawh chu graduate engineer te ngei hmanga fill up dante kan
zawng ve a ni, chutiang chuan soil atang hian hma kan la a. Tin, chu

bakah chuan kan hmalakna tam takah tunah chuan coffee te kan han ti a, cardamom te kan ti a, thingpui chinte pawh kan hmalakna turah a awm a. Mahse, heng zawng zawng hi production lam ai mahin to conserve soil atan khan, a main purpose, hemi an lo chinchhan ber pawh hi a ni a. Chuvangin, kan ching anih chuan a rah chhuah chu theihtawpa kalpui chu kan tum rualin kan tum ber zawk chu kan ram leilung venhimna atan ngaw hnuah chin mai theih chi thlaite kan ngaihtuah a ni a.

Tin, tunah hian BAFFACOS atang pawhin nuai 80 lai pawisa kan nei ve a, chu pawh chuan tunah hian kan ram leilung luangral zel venna tur kawng atan terrace lai turin ruahmanna kan nei ve a, chutiang chuan hma kan la mek a ni. Chu chu S & WC ah chuan an rawn sawilan tlangpui kha a ni a.

Tin, coffee chungchang kha an rawn tarlang a, coffee hi tunah chuan kan ching tam viau tawh a, kan chin hi a rah tunah chuan Deptt. in leisak zel turin revolving fund te kan buatsaih a, tichuan kuminah chuan coffee thar zawng zawng kan leisak vek a, a ro a an rawn tih theih chuan kg. ah Rs.50/- in kan lei sak a, chu chu kan rawdip a, kan herdip vek hnuah kg. ah Rs.150/- velin a hralh ve leh theih a, chutiang ang chuan tunah hian Deptt. in khilai Durtlang ah khian khawlte kan bun ve a, tiang chuan hma kan la a. Mahse, hei hi a production leh a market hi kan tum ber lam ni lovin a lo thar tak si ah chuan mipuite an hralhna lohna atana kan hmalak telna ang a ni. Tiang chuan thingpui lamah pawh kum thar atang hi chuan hmalak chhoh kan tum a ni a. Chu chu S & WC lamah chuan kan hmalak dan tlangpui leh tuna kan member zahawni tak tak tena in han sawi kha react theih dan tlangpui a ni a, ka sawikinin ka hria.

Tin, Trade & Commerce ah hian member 9 laiin in rawn sawi a, in sawi tlangpui ah khan border trade center tih hmasawn chak theih nise tihlai a ni a. Tin, chubakah chuan Sawhthing hralhna rate a lo tha ta chungchangah lawmthu sawina te a ni a. Tin, chubakah chuan price support leh transport subsidy vawiin thlenga leiba la awm chungchang thute a ni a. Khang kha engtikah nge pek theih anih ang tih leh trading regulation chungchang thu kha in rawn tarlang deuh ber a, a dang tehchiam in rawn sawi lova. Tin, chubakah chuan market hmun hrang hranga sak a lo nih tak dan chungchangte in han tarlang a, sawi zawng zawng kha thahnemngaihna thil leh deptt. duhsakna thil a ni deuh vekin ka hria a.

.....718/-

Border Trade Centre chungchang
thuah chuan a tlangpuiin in rawn tarlan kha Kawrpuichhuah
Bangladesh nena kan inkar chungchang kha Border Trade Centre tura
ruahman a ni a, Central lam pawhin a hmun hi min pawmpui tawh a.
Tin, Bangladesh lam pawhin min pawmpui tawh a ni. Amaherawhchu,
hma han la a han ti hmasawn turin kan ti chaklo hle a, a chhan chu
keimahni sorkar hma ngawr ngawr a ni lova, central leh central sorkar
inkar thil a ni a. State sorkar hi chuan inrawlh ve a, a hlawhtlinna
atana hma kan lo la ve a ni ringawt a. Anni ina an kalpui loh chuan
keini chu kal theilo kan ni mai zel a, chuvang chuan central sorkarah
kan theih ang ang in hemi hmasawn zel anih theihna tur hi tan chu kan la
a. Hmannia kan sawi tawh ang khan tunhnaite-ah hian an Secretary te
pawh lo zin chhovin a hmunah min rawn enpui a, chutianga hma kan
lak zel dan turte ruahmanna min rawn neihpui turin kan sawm a, an
lokal kan beisei a, tunhnaiteah hian kan beisei a ni. Tin, chumi karah
chuan pawisa pawh hi vaibelchhe nga lai hemi atan hian earmark a ni
a, chutah chuan nuai 113 sanction tawh a ni a, chumi sanction bakah
chuan min approve tawh kha nuai 280 lai a ni a. Chumiah chuan nuai
113 pawh hi kan la hmanzo hlei thei lova, chu chu tunah hian estimate
engkim siamin PWD in ruahmanna a rawn siam ta a, chu chu hmanni
lawk khan keini pawhin kan lo approve ta a, chumi nen chuan tunah
hian hna bul tan tur a ni a. Chu chu administrative building kan sa
phawt mai dawn a ni. Tin, a kawng hi chu nikum lamah khan BAPD
hmangin kan lo lai tlang ve nual tawh a, amaherawhchu fur anih meuh
chuan tih that a ngai a, chu chu tunah hian PWD in NEC atangin
pawisa engemaw zat ruahmanna an nei a, chumi chu kan hmuh thuai
kan beisei a chumi kan neih hunah chuan kawng pawh black top a
culvert te leh a tul ang apiang retaining wall te siam a an tih zawh
thuai theih kan beisei a. Tichuan chumiah chuan hma theihtawpin kan
la mek a ni tih kha ka sawi theih chin ni ta sela.

Tin, kan state Trade & Commerce
hmalakna state leh state inkara insumdawn tawna hi kan hmalakna
pawimawh tak pakhat a ni a, kan ram Agriculture thlaite leh
Horticulture thlaite leh kan thilsiam Industry lam thil te reng reng
pawh state danga pekchhuahna leh hrallna hi kan hma pakhat a ni a.
Chutiang ang chuan tun kum chhung pawh khan Sawhthing te, La te,
Chhawhchhi te leh thil tam tak Hmarcha te kan state atangin kan
chhuak ta a. Thil pakhat hemi kan Inter State Trade chungchangah
hian tunah chuan sorkar pawh a inrawlh em em lova, kalpui a ni a.
Tunhma khan rate control te tuin engtin emaw tan kan han la viau thin
a, mahse tan kan lak nasat poh leh a hlawklo emaw chu tih tur te pawh
hian a awm a. Chuvang chuan nikum hmasa atang khan price support

leh transport subsidy zawng hian tan la ila kan ti a, kan thil tharte a production cost pawh ni lova hralh a lo tul khan loneituten an tuar nasat thin em avangin subsidy leh price support hi pek d an kawng awmse kan ti a, kan Chief Minister min phurpuina leh min remruat puina angin chutiang chuan ruahmanna kan siam a, chutihlai karah vanneihthlak takin market intervention scheme te central atangin a lo chhuak ta a, chumi hmang chuan tunah hian thui tak kal theih beiseiin hma kan la a ni a. Chumi kan hmalakna ang chuan central atang pawhin market intervention scheme tih MIS atang khan sum engemaw zat kan hmu tawh a. Tunah hian engemaw zat hmuh leh tur kan la nei a, chumi beisei chung chuan khata kan register.....te hnenah khan sum engemaw zat kan la ba reng a ni. Khami atanga pek tura inruahman khan anni pawhin an lo kalpui ve a, sumdawna tunah hian a zatve vel kan leiba kan pe tawh a, chu chu vaibelchhe hnih vel zet kan pe tawh a tunah hian vaibelchhe khat vel chu kan la leh ah kan in ngai a, chu chu tunhnaiah hian MIS atang hian sum hmu leh turah kan in ngai a, anni pawhin e ngkim minrawn clear tawh a, a takin pawisa kan la hmuh loh avangin kan la pe theilo mai a ni a, pek theih thuai kan in beisei a ni. Chu chu nichina member te thusawi ka chhanna nisela. Tin, hetiang lo deuh hlek hian tihdan tha zawka a awm thei lawm ni tih member pakhat Pu Liangsailova, rawn sawi kha a dik a, hei aia felfai zawka kalpui zel dan tur hi chu kan la dap zel tur a nih ka ring a, a tul anih chuan kan la t zel dawn a. Mahse, hei kumin chu intervention ngai hauh lovin thil a kal tha ang reng a, rate pawh duhthusam takin kg. ah Rs. 13, 14, 18, 20 thlengin kuminah chuan Sawhthing pawh a kal thei a, chuvang chuan sorkar inrawlh lovin thui tak kan kal thei a, a lawmawm em em a ni. Chu chu Trade & Commerce lama kan hmalak dan tlangpui ka sawina ni mai sela.

Trading Regulation chungchang
thuah hian sawi leh ka duh chu kan term hmasa zawkah khan trading regulation siam tur hian engemaw committee sang din ang kan ti a, kan han din a, kan committee dinte khan kan term a tawp pawh khan report mumal an pe hlei thei ta lova, vawuin thleng pawhin report mumal tak dawn tur kan nei ta lova. Term tharah hian kan la chhonzawm ta lova, thil pakhat chuan ka duhdan Mizo anga kan duhdan a awm a, India sorkarin min phalsak theih chin a awm bawka a, chumi inkarah chuan har tak a ni eng a. A duangtu tur tan pawh khan duan har tak a ni a, kan duh dan chuan India Constitution in a phut ang piahlama kan state keimahni mizo mipuite tana advantage taka kalpui duh kan ni a. Mahse, kha ngawt kha president theih si loh chuan tih theih a lo ni si lova. Chumi karah chuan harsatna tawka kan ni a, kan term hma khan

.....720/-
.....721/-

sorkar hmasa ah khan duan vek tawh a ni a, mahse chu chu a tha zawk duhna avang khan kan hnawl a, a aia tha zawk pawh chu han duang turin tih hlawhtlin hleih theih kan nei ta rih chuang lova. Engpawhnise, hei hi tunah kan kalpui ta chiah lova kan la inrawn mek zela engtingge kan kalpui zel ang hei hi kan ti a. Mahse, tunah hian committee kan la din leh lova engtingge kan kalpui zel dawn tih chu sorkarin a ngaihtuah mek lai a ni tih kha ka sawi thiam tawk ni mai se a tha awm e.

Tin, R.D. han sawi leh ila. R.D. ah hian mi sawmparuk lain inrawn sawilang a, an sawi tlangpuih chuan hemi R.D hmalakna chi hrang hrang Urban leh Rural chungchang thu te, BADP te, IAY leh PMGY, SGRY chungchang thu te a ni deuh ber a. Tin, Luangpawm Village Council insawn chungchang thu te, tin, BDC koh a hunlo deuh e, tih thu te, IAY leh PMGY dawngtuten an mahni bangah an tar love tih te, khang kha an han sawi tlangpui deuh a chu a ni a. Helaiah hian tlem te te a ka thiamdan tawkah chuan BADP hi Mizoram pumpuih hian a tih theih mai lawm ni ? Border Area vek kan ni a, tih sawina Pu Sailothanga khan a rawn nei a. Nia, keini pawh theih se chu Mizoram hian a area chhawk bik awmlo hian hmang vek thei ila ka duh a. Amaherawhchu, a policy kaldanah hian kan block BDO te international boundary hawlh ho chin area ah hman turin central guideline angin kan kal a, tunah hian BADP Area hi Block 12 kan nei a, tin, Zawlnuam khu Block siamrem ila Phuldungsei nilo West Phaileng Block Area chihung thenkhat lai a khu Zawlnuam BDO ah hian dah tel ta ila chu chuan awinung sela. Tichuan, Zawlnuam BDO Area pumpui khu BADP Area ah lut leh ta se ka ti a. Chu chu hetah screening committee pawhin min pawmpui tawh a, chubakah central lam pawh no objection engmah a awm loh avangin kumin kumthar atang chuan anni pawh BADP Area ah telh ve kan tum ta a ni a. Tichuan, R.D. Block 13 kha BADP Area-ah a lo awm tawh ang a, BADP hi a tangkai em em a, a hmandan tur leh a hmanna tur te guideline mumal tak awm a siam anih avangin hmanni a kan tarlan tawh ang khan hetah central sorkar hovin screening committee siam a ni a. Chumi ina hmanna tur a tih ang final a neih a chu central ah report a ni a, central in an lo pawm angin chu chu kan kalpui thin a.

Tin, chumi programme hnuaiia khung tur ho a kha hetah Block Development Committee atangte leh D.C. atangte in hei hi an rawn ruahman a, chu chu screening committee ah a lut a, chumi ten an lo thliar fel hnuah chuan khami programme a lut tur a kha an siam thin a ni a. Mahse, tunah chuan BADP kaldan tlem a tih danglam leh a execution a pawh tih danglam tul a kan hriat deuhna tam tak a awm a. A hma khan thil fel tawklo assistance duh

loh avanga harsatna engemaw a hmandan a pawh dik tawklolai te awm thei a kan hriat avangin tunah chuan Directorate atangin direct ni tase kan ti a, BDO ten a execution kha khawih mai tawh lovin Directorate ah Engineering Wing in siamin E.E. thlengin kan nei a, kan tumdan chuan S.E. thleng neih kan tum a, chungte pawh chu reiloteah kan neih theih kan beisei a. Tichuan, BADP hnuaiia kan hna zawng zawngte hi construction work an ni deuh vek a, Engineer ngai vek a ni a. Chuvang chuan PWD tena Engineer in-a hma an lak thin dan angin survey te anih loh leh estimate engkim siamsa vek a khami atanga hnathawh dan tur a tul chuan kawnglah tur anih chuan footpath te pawh han laih ve a, khatiang ang zawnga hmalak nise, BDO te, VLW te hmanga an lo tingawt thin ang ni tawhlo khan, Engineer ten kalpui tawh se tiin Directorate atanga hma la turin tunah hian kan ruahman ta a ni a. Chuvang chuan a hma a thil fello tam tak lo awm thei a pawh kha khatiang a kan kal chuan a fel ang, tlem chuan hma kan sawn ang tih kan beisei a. Tunah hian estimate engkim siamin hmalakna tur chitin rengah leihlawn dawh a ni emaw, in sak a ni emaw, anih loh leh kawnglah a ni emaw, tuikhur a ni emaw, engpawh kan tih turah khan engineer te hmanga kalpui vek tawh nise kan ti a. Chuvang chuan kan inhrilhnaah pawh khawi BDO hnuaiia pawh nise, khawi hmunah pawh ni sela hnathawktu reng rengin an hlawh tawk an hmu tur a ni a. Thawh loh si, hlawh pek hi a awm tur a ni lo. Chutiang ang zawnga pawisa ti riral, ti chingpen an awm anih chuan tumah kan in dim lovang tiin instruction kan in pe a ni a. Chutiang chuan theihtawp chhuaha kalpui kan tum a, mahse nichina Pu Zodinluanga sawi ang chite pawh kha thil awmthei ve tho mai a ni a, Zawngrengte-a Serthlum veng ti ang deuh hlek te pawh hi awm theih ve tho a ni. Chuvang chuan thil hi a tha fai vek ang ka ti hauh lova, mahse, tunhma ai chuan engemaw chenah chuan tih that theih deuh hlek chu kan in beisei a, kan hmalakna pawh tunhma ai chuan awmze nei deuh hlekin a systematic deuh a kan kal tawh dawn avangin kan kal thei ang tih kan in beisei a ni.

Tin, SGRY leh PMGY leh IAY hmandan chungchang thu kha kan sawi tam viau a, hei pawh hi tih dik har tak a ni a, theihtawp chhuahin warning kan in pe a, kan Officer te an tang hle a, kan Project Director te, kan BDO te, kan Directorate a Officer te, kan Secretariat lam officer te hemi kawngah hian mi an cooperate tha em em a, theihtawp chhuaha hmalak tumin tunah hian bul kan tan ang a ni a. Tunhma a kaldan kan indem tumna lam ni lovin kan kaldan hrim hrimah V/C ten a tlangpuiin agency chan ang deuh hlek an chang a, V/C recommend ang apiangte kha tih ngawt ang deuh hlein a kal a, lehlamah party lam inrawlhna lian tak a awm bawk a. Chu chu

tunhma atangin sorkar himasa lam atang tawh a thil kalphung a ni thova, mahse tunah chuan guideline ah V/C te hman tur tih a awm chuang lova, chuvang chuan tu pawhin recommend na IAY dawng tur emaw, PMGY dawng tur emaw an lo nei ang a, kan MLA te pawhin an recommend ang a. Tin, V/C pawhin an recommend ang a, party pawhin an recommend ang a. Mahse, hei hi kan verify vek tur a ni. A hmu tur diktakin an hmu tur a ni tih hi kan instruction a ni a, chutah chuan uar deuh hleka ka sawina ah chuan ti hian ka sawi deuh kher a ni. "A hmu tur diktakin an hmu ang a, amaherawhchu mi inang leh sa inangah na na na chuan tupawhin mahni fate kan hmangaih zawk theuh a ni tih erawh chu in hre ve tur a ni" tih hi ka instruction pek dan tlangpui a ni a. Mahse, a awmlo zawk dawn tir a, a awm zawk dawn tir si loh kha chu engtikawng mahin kan pawm lovang kan ti a. Nichina Ratu bialtu MLA pawhina a rawn sawiah khan V/C te recommend anih a, mahse an rawn hek si a, engpawh nise hei hi endik tur a ni, endik loh a in pek ringawt chuan inchungah action ka la ang ka ti a ni, chu zawk chu ka tihdan a ni a.

PU LALDUHOMA

: Pu Speaker, hei aia chiang zawka in sawi tir kher ngailo se ka duh a, endik kha chu ka pawm khawp mai. Mahse, "V/C ho recommend reng reng chu rawn telh miah tawh suh" han tih tawng maite hi chu, pen tui hringa ziak lehngal, a dik biklo a lawm, V/C tih zawng zawng kha tlang vek rawh se, ka ti bik lova, a diklo an rawn telh chuan pawh tur a ni. Amaherawhchu, V/C recommend aia diklo zawk mah a inthlak thleng thinte hi a tha chuang lova, chubakah a pawng a pui a V/C recommend pawh ringawtte chu a ni bik bawk lova. Endik a tih nise.

**PU AICHHINGA
MINISTER**

: Pu Speaker, endik turin kan ti a ni zawk kha kha. An endik loh khan V/C recommend pawh nise, MLA recommend pawh nise, tu recommend pawh nise endik tur a ni. An endik ang a, a dawng tlakin an dawng ang tih kha kan order a ni a, a diklo hlek an lo ziak sual anih chuan thudang nisela, kan thu awmzia reng reng lecture ka pekna zawng zawngah pawh chu vek chu ka lecture pek dan a ni a. Chutianga V/C ten dik lova ti a an sawi avangin in lo endik ang a V/C tih pawh nisela in endik loh chu pakhatmah kan pawm lovang ka ti a ni, chu chu kan order pek dan a ni a. Chuvang chuan a theih ang tawka tihdik hi kan tum a ni a, kan officer te hma a ka sawidan phei chuan

Pathian hma-ah kan din hunah kan din pui ngam in kan kal tur a ni tih hi ka sawidan tlangpui a ni. Tin, PMGY leh IAY chungchang thuah hian tunah chuan kan kalpui tumdanah chuan tlema a pawisa pawh a lo tam tak deuh avangin material a kan pe anih pawhin khami material man bak zawng kha chu pawisa in an dawng tel vek tur a ni tih a ni a. Chuvang chuan upgradation a ni emaw, new construction a ni emaw, rangva kan pe anih pawhin rangva man bang zawng kha chu a pawisa in an dawng tur a ni kan ti a, chu chu kan kalpui tumdan a ni a.

Tin, SGRY Buhfai phurhna chungchang thuah khan phur lova lak mai a pawisa a lak mai dan a awm lawm ni ? a hlawk zawk si a phurh manah buhfai kan tih leh si a kha chuanin tih a ni a. Dik tak chuan buhfai hi min pe tel tlat a, buhfai min pek tel kha contractor khan a phurtu khan a phurh si loh dawn khan khawiah emaw a hralh ral a ngai a, hralh hi huphurhawm tak anihna lai a awm ve a. Chuvangin a theih ang tawkin hemi DRDA Headquarter a ni emaw, anih loh leh Block Headquarter emaw thlang tal chuan phur sela kan ti a, a phurh manah hian quintal khatah Rs.50/- chiah hi min pe a chu chuan a daih lo em em a, tunah erawh chuan kan sorkar atangin engemaw ehen kan Finance lamte leh kan Planning ten min tum sak azarah DRDA emaw, Block Headquarter emaw chu kan thlen hram thei a, a piahlam thingtlang khua va pe leh zel tur kha chuan kan la ti thei ta lo a ni. Chumi thuah chuan.....

PU SAIKAPTHIANGA

: Pu Speaker, khalai tak mai kha MLA hote leh V/C te pawhin a kan harsatna a ni. Entiran - khawthlang tlangdung Rengdil-ah sorkar carrying contractor in a dah ta a, tichuan Serhmun te, Bunglehmun te, Kawrtethawveng te chuan Rengdil a mi an va lak a ngai ta a ni. Tichuan, pawisa dang an nei si lova buhfai an hralh loh chuan tihngaihna a awm lova, chu chu Congress/MNF, V/C an ni emaw, an in hekna tam ber hi a ni a. Khatiang ang buhfai phurhna tur atana buhfai bawk hralhtute kha rawn hek pawh ni sela, action lak loh emaw, engemaw anih loh chuan V/C tan khan tih ngaihna a awm tlat lo a ni. Chu chu kan Minister zahawm tak hian engtingge mi a hralhfiah dawn ?

.....724/-

PU LALDUHOMA

: Pu Speaker, BDO thenkhat chuan V/C chit an pe a, carrying contractor te nen helaiah an hralh chawp a, pawisafai kha an in hawn tir mai a, kha kha sorkarin min approve sak thei chiahlo anih pawhin ka bial khaw tam ber chuan khatia tih ve kha an duh a ni, min lo hriatthiam sak mai ulangin, a let fe in kan hlawk zawk a ni.

**PU AICHHINGA
MINISTER**

: Pu Speaker, engpawh nise, dawt var deuh han sawite pawh a ngai maithei a, khalai kha a that theih phawt chuan a that dan ber kha kan duh tlang turah ka ngai mai a, kawng chu kan zawng tlang turah ka ngai a. SGRY hi a hrim hrimin a hnathawh tur siam chungchang thuah hian in V/C te desolution an nihna chhan tam ber a hi SGRY pawisa hi a ni a, kan V/C te hi an rawn hek a, hetah LAD lamah an han verify a, an lo hmang diklo ve ngei bawk si a, khalai kha a ni a SGRY hi a buaithlak khawp a, lehlamah chuan SGRY atanga food for work kan han ti a, SGRY atanga hnathawh tur a hi khawtlang ah V/C te kha kan agency an ni ta a. V/C te khanin hnathawh tur an rawn proposed a, a then chu mipui inhlawh nan a hman tur hi a ni bawk si a, a then chu mipui inhlawh nan a hman ngawt theih loh te pawh hna kha an rawn proposed bawk si a, chu chu an han ti a, lehlamah hei an hmang a nia tiin an rawn hek ve leh bawk si a. Khatiang reng reng khan SGRY hi a buaithlak khawp mai a tih thiam sen pawh hi a har a, chuvang chuan kan member zahawm tak takte pawhin helai kalpui dan hi min hriatpui ve a, min enpui ve pawh kan ngai khawp a ni. Engemaw chenah in hriatthiam a ngaihna chin thui tak a awm tih lai pawh hi min hriatpui a tha khawpin ka hria.

Tin, nichinah khan PMGY pawisa Zokhawthar-a an hmandan a dik lo e, tih kha a awm a, kha kha kum hmasa lam daih tawh a ni a, Zokhawthar khi tuna Border Trade Centre hmuna awm khi an ni a, a chhakah khian Phulmawi tlang an ti a, chuta sawn chhoh loh chuan border trade center kha a tih theih si lova, chuvang chuan a chhakah khian sawn chhoh a ngai a, khami sawn chhoh tur ho a kha an inchung rangva chauh tal hi chu pe mai ila, tih lungawi nan kan ti a, Pu Thantea'n R.D. a khawih lai kha a ni a, keini border trade center khawih tu kha kan ni si a, a ni hnenah kan ngen a, hemi PMGY pawisa hi an inchung chauh atan min pe rawh kan ti a. Tichuan, khami kan sawn chhoh ho inchung tur atan khan kan dil a, khawilai lai a mi emaw hmun khat a mi ni lovin hmundang dang a mi la khawm khan min pe ta a. Chu chu khimi kan sawn chhoh theihna chhan khi a ni ve a, chuvang chuan House-ah kan la sawilang hauh lova, zawhna a awm takah chuan kha kha thil awmdan a ni tih kan sawi duh a.

Tin, chumi rual chiah chuan hei Luangpawm, nichina bialtu MLA in a rawn sawi a kha. Luangpawm lo pawh hi kan BDO te leh kan Project Director te kan zirtirna chu BDO emaw, Project Director emaw, mahni bial khua ti tlem tam thei apiang chu chawimawi in ni ang, lawmman kan pe ang che u, te kan ti a. A chhan chu Mizoramah khaw te tak te te khawi lai laiah emaw kan awm hrang fer a, development sum kan mamawh theuh a, School kan mamawh a, engkim khawlian mamawh ang kha kan mamawh vek a, hall kan mamawh bawk a, khatiang khan chitin reng mai hi kan mamawh ve si a, chuvangin kawngpui kamah emaw, khawlian zawka infin dan emaw zawnpui hi tihluina ni si lova anmahni duhna ngai a lakkhawm hi development pawimawh tak niin ka hria a. Chutiang ang hawi zawng chuan kan BDO te leh kan Project Director te hi kan ngen in kan fuh a, an ni pawhin tan an la a, chutiang ang scheme hnuaiah chuan Luangpawm pawh hi tiang a tih chu a ni a, an ni pawh hi engemaw a tanpui hi chu kan bat a ni tih pawh kan hria a, BDO pawhin hemi kawngah hian hma a rawn la turah ka ngai a. Tin, hmun dang dang pawh khatiang chi a awm anih kha chuan khatiang a hmaiak kha kan interest a ni tih lai kha kan sawilang duh a.

Tin, Urban leh Rural chungchang thu kha sawilan a ni a, urban leh rural thenhran alo nih takah hian District Capital chungah khan thingtlang tak tak an awm si a ni tih hmanni a kan sawi ang khan khangho kha rural nature an ni a, an awmpung zawng zawng pawh. Mahse, urban in a huam lawi si a, tiang bawk chuan kei ka bial ngeite pawh saw an ni ve tho mai a. chutianga rural ngawih ngawih lai saw tamtak an awm a, chulalah chuan engtingge ni ang, haider mai dan a awm lawm ni ? tih te kha a ni a. Turah hian a tiangpuiin urban ah pawh hian on going ang deuh hleka thil lo kal mek hoah hi chuan kan han tilui zel tho va. Tuna District Capital ah pawh hian on going zawnga thil kal thei chin ho kha chu on going ah chantirin kan han kalpui mek zel a ni a. Engpawhnise, in hlamchhiah tak tak hleih theih lohna chin a awm a, in hlamchhiah theih loh han ti ila, dan dan zawm a ngai bawk si a, kaldan thiam a har khawp mai, haider chinte chu kan nei ang a, kal luihna chinte pawh kan nei hawk ang a. Kan member ten helaiah hian tihdan remchang tha min advise fo turin ka han ngen in ka han sawm duh che u a ni.

Awle, a tiangpuiin Deptt. ina kan hmalakna Rural Development a ni emaw, Soil a ni emaw, Trade & Commerce a ni emaw hengah hian kan Officer-te an fakawmin an thawhpui a nuam a, theihtawp chhuah leh thilung taka hmala an ni a, tihsualte chu an nei ang. Mahse, tih tak zeta thil tha duha hmala te anni tih hi he House-ah hian kan tarlang duh a ni.

Awle, sawitur tamtak a awm a, kan sawikim senglo ang a hmalaknate chu ziak in kan la sem zel ang a, vawiinah chuan chu chu ka han sawi theih tawk ni mai se a tha awm e. Tichuan, Pu Speaker, ka demand No. 33 Soil & Water Conservation Rs. 7,65,65,000/- Demand No. 38 Rural Development Rs. 32,20,95,000/- Demand No. 44 Trade & Commerce Rs. 4,76,00,000/- a vaiin Rs. 44,62,60,000/- chu he House zahawm tak hian min pass sak turin ka ngen e.

S P E A K E R

Awle, Minister zahawm tak Pu Aichhinga'n a Demand No. 33, 38, 44 a vaiin Rs. 44,62,60,000/- chu pass sak a rawn dil a, pass remti

apiangin 'remti' ti rawh ule. Remtilo kan awm em ? kan awm chuan 'remtilo' ti rawh ule. Awle, Pu Aichhinga, Minister zahawm tak Demand No. 33, 38, 44 te chu House-in lungrual takin a pass a ni.

PU AICHHINGA

Pu Speaker, ka lawm e.

MINISTER

S P E A K E R

Tunah chuan vawiin ni atana Demand hnukung ber kan sawiho na te wind up a pass rawn dil nghal turin Minister zahawm tak

Dr. R. Lalthangliana ilo sawm ang.

Dr. R. LALTHANGLIANA

Pu Speaker, Demand 3 vawiinah hian ka nei a, pakhat hi tuman an sawi lova, Information & Public Relation Deptt. hi vawiina kan

MINISTER

House-a kan chelai zawng zawng min telecast tute hi an ni a, an pawimawh khawp mai a, chuang chuan han sawirik ve reng reng ka duh a. Engpawhnise thil tha tak hi an ti ve a, tin, Information Office tha tak mai Lunglei-ah sawn hawn theih tepin kan peih tawh ani tihte kan report duh a. Tin, Documentary film vawiina Mizoram hmel tihte pawh episode hnihin siam a ni mek a. Tin, chubakah chuan tunhnai timai ila nikum a ni tawh ang chu September thla ah khan India hmarchhak pumpui huapin Aizawl-ah hian NEC in pawisa min rawn pe a, N.E. Media Conference te kan nei a, tiang chuan hmalakna kawng hrang hrang kan MIP movement min cover tute an ni bawka, vawiinah hian thil tam tak an tihna chungah hian lawmthu sawi tur Deptt. thawktute chungah pawh a awm ve in ka hria a, kan tarlang lawk a ni.

Hei, ka hma a miten darkar khat vel deuhthaw ve ve an sawi a, chutiang chu hmanloh hram ka tum ang a. A hmasa berin kan Chief Minister hnenah lawmthu ka sawi duh a, kan budget kuminah thil lawmawm tak lo lang chhuak a awm ve tlat mai a. Education bikah hian nikum 2004-2005 ah khar vaibelchhe 51 leh nuai 36 kha kan plan allocation a ni a, kuminah hian vaibelchhe 65 leh nuai 36 in kan pung ve a, kan punna hi vaibelchhe 14 lai a ni a. A bik takin kan Chief Minister chungah lawmthu ka sawi duh hrim hrim a ni. Tin, chubakah chuan hei kan mangang thin a, a bikin kan Non-Govt. School ten hlawh lak tur an nei mang thin lova, kumin engemawlai vel khan kan mangan karah pawh chuan non-plan lam atangin kan Chief Minister in crore 8 lai mai harsa tak chungin min tihsak a, a chungah kan lawm hle a ni. Kan Mizoram budget pumpu a pung chho hi kan lawm hle a, Education in kan chhawr hle a ni tih kha Pu Speaker, kan sawi hmasa duh a ni.

Member, zahawm tak mi 15 ten Education Deptt. bik hi an sawi a, an sawi zawng zawng hi a mal te te a han react dawn chuan a buathlak hle mai a, hun a rei dawn deuh hlek a, amaherawhchu kan sawi hlawm a kha a tawi zawnga han khaikhawm ka tum ang a. Education hi Mizorama Deptt. lianber, a hnathawktu lamah chuan kan ni a, tunah hian za a 26 Mizoram Sorkar hnuaia hnathawk hi he Deptt. hnuaia hawk kan ni a, achievement tamtak kan nei a, thil tam tak kan lawm lohna pawh a awmna Deptt. a ni a. Deptt. dang zawng zawnga lawmthu sawi kan awlsam lai hian Education Deptt. lama lawmthu sawi hi harsa kan ti emaw ni chu aw ka ti a. He House-ah hian kum 20 dawnlai hei kan lo thu ve ta a, lawmthu sawina Education Minister ah hian kan nei khat viau mai a, vawinah erawh chuan kan nei ve phauh phauh niin ka hria a, lawmawm kan ti hle a ni. Chuan District Council Area te nena han belhkhawm vek hian in Mizoramah hian Primary School ngawt pawh hi 1591 alo awm ta der mai a, Middle School hi 1009 kan nei a, High School hi 447 kan nei a. Kan Member zahawmtak tak ten kan Inspector Pu Suama'n a han sawi angte kha a pawimawh hle a. Tin, Mizoram School Education Act kan la hmang hlei thei lova, rules kan siam chaklo tih te, tin, heng hianin thil tam tak kha a huam dawn a. Private English Medium School kan ti a, thinkhat chuan sumdawng school ti zawngte pawhin kan lam lek lek thin a, a ni vek lemlo ang a. Amaherawhchu, Private School enkawlna dan siam turte hmabak tamtak kan la nei a. Damtea kan awm anih chuanin Pathianin min hruai ang a session leh hun hi chuanin rules pawimawh bika kan han ngaih, entirnan - transfer & posting rules kan han tih Assembly ah tepawh kan lay ngoi tur ang chi te, tin, chubakah chuan Private

School permission awlsam lutuka kan han pe ang chi, kan han ngaih pawimawh ang chi te pawh kha a dik khawp mai a, hmun tam takah chuanin hmun an nei ngei tur a ni tih te, residential building angah khan a remlo hle a. Chutiang chuan hmun tam takah school remchanglo tak tak tih loh theih lohva permission pek te, hun kal tawhah te leh vawiin ni thlengin kan nei nual mai a, khang zawng zawng kan regulate na tur atana kan Education Act hnuuia kan rules siam tur hi kan la peih chhuak lova, peih chhuah vat pawh kan in beisei a ni tih kha kan tarlang duh a ni.

Tin, Phuldungsei bialtu khanin Western Belt a Phuldungsei lamah te plus 2 zirna kan neilo a ni a tih kha a dik khawp mai a. Sorkarin sum harsatna kan tawh avang hian a bik takin Education Sector ah harsatna kan tawh nasa a, kan deal zung zung thei lova, a rang lama thil tihdan kawng kan la ngaihtuah zel turah ngai ila. Hmun tam takah hian private in an han din phawt a, khing North East Khawdungsei ah te, Khawzawl ang tepawh nichina bialtu ina a rawn sawi tepawh kha a dik a. An han din phawt a zirtirtu tepawh an han ruai nawk nawk a, aided ah kan han hlangkai a, aided a kan han hlankai pawh hi a tam viau a. Mahse, anih dan tur ang khan aided rules kan la siam lova lumpsum in tunah chuan entirnan - enrolment 100 an tlin chuan khang school aided a kan hlankai kha cheng nuai 1 leh sing 5 in kan pe a kumkhat atan, enrolment 100 hnuai lampang kha cheng nuai 1 leh sing hnih te kan han pe a, tiang khan kan la kal a phuahchawp tak takin. Hei hi rules kan siam hnuah chuan aided school in zirtirtu engzatnge a ken theih ang ? eng ang hlawh chin nge ni ang tih zawng zawng dan kha fel takin siam theih kan in beisei thei turah kan inngai a ni.

Tin, School building tam tak, tha tak t ak kan sak theih laia zirtirtu ten quarter an neih that loh chungchang Pu Suama han sawi pawh kha BAFFACOS atang kha chuan a remlo maithei a.....lutuk lo maithei a, tiang zawng tepawh chuan kawng dang deuh a heng kan neih theihna tur atana hmalak a that ka ring a.

Tin, amalgamation tih rawtna kha a tha khawpin ka ring a, tunah pawh hian kan ngaihtuahna-ah chuan kan exercise tan deuh hlek a, zirtirtu indaih lohna hi a nasa si a, tunah hian Primary School zirtirtu kan indaih loh in han sawi zawng zawng kha kan khaikhawm dawn chhin ang a, khalai chin vel a kha. Han rationalize dan tur pawh hi primary zirtirtu phei chu kan nei tawh lova, school pakhatat tunah hian a ram pumpuiah hian rationalize dawn

ta ila mihring pathum leh a bung khan a daih chauh tawh a ni, khawpui a mi pawh hi han tih chuan tur vak pawh kan nei tawh lo. A chhan chu kum 2 kalta atang khan pension leh thi, ruak kan nei hi tunah hian 220 Primary zirtirtu kan nei a, Middle School 71 kan nei a, khang zawng zawng kha kum 2 chhungin regular post vacancy awm chi a kha kan dahkhat thei tlat lo mai a. Chu chuanin a School number a kiam bawk si loh khan corresponding decrease zirtirtu lamah kan nei ta a, chu chuan harsatna min siam nasa a, rationalize ngaihna vak pawh awm tawh lovin tunah hian kan dinhmun a tha vak lova. Amaherawhchu, kan Chief Minister in Cabinet ah tepawh kan han thlen a, Rs. 2,500/- hlawhin a khaw mi ngei, thingtlang kilkhawr a kan indaihlohna-ah lak turin proposal tunah hian kan siam mek a, chumi kan la thei anih chuanin single teacher Tlabung bialtu in a han sawi ang chi te leh, a bikin hei Pu Duha bial te, Pu Andrew-a bial te indaihlohna a nasa viauin ka hria a, report kan dawng reng a, khangah khanin kan inthum tha thei turah kan in beisei a ni. Chu chu kan chhanna ni mai sela, zirtirtu indaihlo kha member tin deuhthaw in kan sawiin ka hria a.

Tin, SDO Office hi Saitual lama dah tih tepawh kha sawi rik a awm a, sum bawk hi a ni Saitual-ah a ni emaw, Khawzawl-ah a ni emaw, Darlawn-ah a ni emaw, Pu Duha pawh khan a bial a vei a, hmanah a sawi tawh a, exercise pawh kan bei tawh. Mahse, infrastructure thil alo ngai a, khangah khan hlawh pek tur pawh nei fumfe vak lova kum kalta ah te kan awmna karah khan helaiah hian huaisen takin kan la kalpui theilo a ni tih kha min lo hriatsak ka duh a.

Tin, zirtirtu awmtha duhlote chungchang hi kan sawi a, kan ngaihthla zauh zauh a, ngaihthlak pawh a hrehawm khawp mai a, tunhnaiah phei chuan kan strict viau mai a, report authenticate tak mai a VEC atanga lo kal anih ngat phei chuan kal miahlo khatiang anga awm anih chuanin kan hnenah rawn report sela action kan la zel ang ka tia tunhnaiah hian ka hriat sualloh chuan chutiang ang zirtirtu chu 2,3 kan ban nghala, engmah explanation pawh call ngailo khawpa ban ngai hrim hrim tepawh kha kan nei a, tiang chuan action kan la a. Hun lokal zel turah pawh kan member zahawm tak tak te ka chah duh che u chu, khatiang chianguang tak, awmtha duhlo, an awmna tur hmun post a kal miahlo ang chi te leh harsatna siam an awm anih chuan rawn report ula action kan la zel ang kan ti a, tunhnaiah hian ka hriat sual loh chuan chutiang ang zirtirtu chu 2/3 kan ban nghal a, engmah explanation pawh call ngailo khawpa ban ngai hrim hrim tepawh kha kan nei a, tiang chuan action kan la a. Hun lokal zel turah pawh kan member zahawm tak takte ka chah duh a chu khatiang chianguang tak, awmtha duhlo, an awmna tur post a kal miahlo ang chite leh harsatna siam an awm anih chuan rawn report ula action lak kan tum zel dawn a ni tih kha min lo hriatsak ka duh a ni.

PU LIANSUAMA

Pu Speaker, tlem han sawifiah nghal atan food for work buhfai phurh ang deuh hlek kha zirtirtu chungchangah hian a awm a.

Entirnan - Kan bial Khawrihnim leh Lungdar ah te chuan zirtirtu hetilai atanga an sawn te aikal ah khan an Head Teacher tekhan an fate rawih tira aikal kha an lo pawm tlat mai an, neih loh ai kha chuan a tha lawi bawk si a. Chuvang chuanin, engtinemaw tih mai dan hi a awm law law mai lawm ni ka ti a, engemaw tiin inhriatthiamna dan a awm chuan Aizawl atang khan leave min lak san daih khan kan buai hle tho bawk si a. Chuvang chuan han siamrem dante a awm em ? Phuldungsei a mi phei khu chu a hmel kan la hmu miah lova, kumkhat aia tam alo la kal lo ringawt mai a, a aikal kha a awm ve thin a, a kal tha duhlo bawk si a, kal tha duh kha lak dan hi awm law law mai se an hlawh hi chang tam biklo mai se tihdan hi a awm law law mai lo maw ?

**Dr. R. LALTHANGLIANA
MINISTER**

Pu Speaker, a mihringa la kan ni a, midang kaltir a kha chu a dikin ka ring lova, chu chu rawn report chak ula, kan dim vak lovang chu

chu a tha zawkin ka ring a, khatianga kan lak zel kha chuanin lehzal kha a awm ang a, harsatna tam tak kan tawk zawkin ka ring a. Tuna kan kaldan ang hian kan kal phawt ang a, harsatna tawpkhawk kan tawk anih chuanin kan la inpun zel turah ngai ta ila a that ka ring a ni.

Serchhip case Pu Andrew sawi niin ka hria a, SDO ina V/C seal a kawl tihlai a kha chu hei tunah hian enquiry kan la miek a, nakinah mumal takin report kan la pe thei turah kan ngai a ni.

Tin, Pu Hminga'n Education hi Industry chikhat a ni mai a, climatic condition te en hianin state revenue earning deptt. ah tepawh hianin siam a tha lawm ni ? tih kha. Ni e, ngaihtuahna kan lo hmang ang a, vawilehkhat a tih erawh chu a har khawpin ka ring a. Amaherawhchu, khatiang ngaihtuahna a rawn sawi kha a tha in ka hria a.

.....731/-

732/-

PU LALHMINGTHANGA :

Pu Speaker, vawikhatah chuanin a theih dawn loh tih a lang a, mahse India rama hemi Hill Station nei ho climatic condition nei si hjan sorkar sikul kha sumdawng pawh ni chuang lovin mi hausa investment siam thei te atang khan siamin Industries angin an kalpuina hi a tam em em a, an hlawhtling em em bawk a ni. Khalai kha a ni a chuvang chuanin khatiang anga min note sak a, Cabinet tepawn a ngaihtuah theih chuan a lawmawm ngawt ang.

**Dr. R. LALTHANGLIANA :
MINISTER**

Pu Speaker, policy thar deuh hlek anih avangin zau deuh hlek a la ngaihtuah a ngaiin ka ring a. Zau taka consultation kan neih chhoh nakinah a la tulin ka ring a. Tin, Syllabus chungchang kha Pu Rohluna khan a rawn sawi a, vawilekhkata thlak thut tih ang chi kha, hei mithiam ho hianin kum 10 danah pawh an ti chiah lova, kum 5 danah te thlak tur anga tih te an ni a. Engpawhnise, vawilekhkatah hi e huan thil hi in adjust hi a har khawpin ka ring a, hei hi kan hria a, kan lo enzui zel ang a, harsatna lutuk tawh keimahni-ah chuan report ala awm lova, vawinah erawh chuan House-ah in rawn sawichhuak a. Tin, Mission School-a thawkte.....

PU H. ROHLUNA :

Pu Speaker, mirethei leh harsa zual tan hian lehkhabu han thlak thut hian an u-te ta emaw, a nau zawk in a lo ring thin a, engemawte an awm a, kha kha vawilekhkata thlak thut khan a leina hi an harsat lutuk a, ka tihna zawk daih a ni.

**Dr. R. LALTHANGLIANA :
MINISTER**

Pu Speaker, kan lo hria ang e. Amaherawhchu, hei hi chu India ram state dangah pawh hian a ni vek mai a, experience engemaw hun harsa lai bik kha chu a awm hrim hrim a. Tin, chubakah chuan Mission School-a thawh kan han tih ang chi deuh Govt. ni chiah silo, sorkar atanga fund hmua an hlawhte pawh la te, pension tih chi kha rawn sawi kha awmin ka hria a, a rawn sawitu kha Pu Zira niin ka hria a. A awm ta lova, kha kha dan hi a awm vak lo niin ka hria a, kan zinkual ve nasa a, mahse Employee Provident Fund Organisation,

Govt, of India atanga khatianga an chhunglut a, engemaw benefit an neih theih dan kawng hi chu a awm chuan ka hria a, tiang zawng khan Pu Liansailova khanin Chaltlanga Science.....hawn tih kha ka commit bik lova, commit ah hian in ngai ve bawh thin a, in lo kal hianin tawngkam tha deuh mai a kan lo chhan hianin a ti ta alawm mawle in ti ve deuh bawh thin emaw ni chu ka ti a. Ka commit miah lova, mahse theihtawpin tan kan la dawn nia tih kha ka sawidan a ni a, a bik takin Chaltlang te, K.M. Higher Secondary School te, Lunglei Higher Secondary School te pawh saw science.....awm miahlo a ni a, a fello kan ti a, kan han move thin a, nuai 7 emaw lek School pakhat atan pawh a ngai a ni kan han tih pawh khan nikum kha chu kan experience kha sum lamah harsatna kan tawh nasa deuh hlek a, kan go a head thei lova, kumtharah erawh hi chuan theihtawp chhuah a tih kan tum ang a.

Tin, Chaltlang School pakhat kan close down zirtirtu aia zirlai tlem zawkmah avanga kan khar tak kha kan Chief Minister te nen pawh kan ngaihtuah tlang a, kan in rawn a, Gelead Special School kan tih mai, chu chu rualbanlo te enkawlna leh an eizawna tur atana thil an tihna hi Pu Ch.Chhunga building saw an luah thin a, a chep em em a, an khawngaihthlak ve a. Tin, School tam tak aini a practical tak taka engnge rualbanlote an apply na tur leh an eizawna kawhmuhna a ni bawh si a, an rawn dil a, kan pe ni lovin kan lo luah hawh tir lailawh a ni tih kha House kan hriattir duh a, kan zavaia kan hriat atan a tha in ka hria a.

Tin, Pu Auva'n Bungzung High School building chungchang a rawn sawite kha non-lapsable central pool of resources ah engemaw zat tunah hian kan han dil ve a, kan hmu leh anih chuan kan cover turah kan ngai a. (Pu Lalhmingthanga : Building kan Minister zahawm takin a sawilai khan, Lunglei H.S.S. saw 1963 a sak kha a ni tawh a, a building saw a hlui tawh avangin a hlauhawm riau mai tawh a, a building saw khami proposal zingah a telh theih lawm ni ?) Lunglei pheih saw chu i bial anih vang nge ka hre lova, kan telh lian viau. Aizawl Govt. H.S.S. nen hian a hmunte a lo tha bawh a, a lian ber chi in kan telh e.

Tin, kan Opposition Leader han sawi kha a pawimawh ka ti hle a. Education ah hianin mithiam expert te kan ruai fo thin a tih chu a dik a, tunah pawh hian engemaw chenah rawna kan nei a ni.

.....733/-

.....734/-

Tin, Hindi kha a pawimawh hle a ni tih a sawi kha a dik em em a ni. Kan pu intawmte khu an tha khawp mai, tunhnaiah Hindi Teacher 141 min rawn pe a, an hlawh tur lah chu Rs.9,800/- Hindi graduate ngat mai Mizo kan lo la nei tlem viau mai a, chu chu lak kan tum a ni. Keinin Ministry lamah sorkar chakkhai lak nan nangnin politic lamah a ni mai lawm ni ? a chiang ti raw. Vanneihthlak takin hmanni a central lama official lo kalte khanin min sawihmuh a, nikumah kan dil bawk a, mutan kan la neih pakhat chu Hindi hi Primary School ah hian nei ve ila tha kan ti a, a chhan chu Middle a neih hian Hindi gackground kha an hre lova, chuvangin Primary School ah pawh hianin kan mamawh a ni kan ti a, rawn dil vat rawh u, min ti a, kan Principal Secretary in a zuk biak pawhin hemi sorkar tharah hi chuan a tih theih nghal ang chu tiin tawngkam tha an lo hnutchhiah a, tunah hian proposal kan han siam a, Primary School zawng zawngah zirtirtu pakhat tal D/C area huam nena kan dil anih chuan 1590 vel a ni dawn a, kan Hindi thiamte hi kan la fai vek theiin kan in ring a. Hindi lamah kan Oppostition Leader-in a ngai pawimawh bawk a, theihtawp a tan lak kan tum tih kan sawi duh ani.

Building thua theihtawpin tan kan han la a, kum 3/4 kalta-ah nuai 2071 hmu in Primary School leh Middle School 1328 repair leh building sakthat kan nei hman a. Tin, teaching learning equipment hi school 1944 ah kan pe hman bawk ani. Tin, High School leh Higher Secondary School ah hian building sakna hi kan hmu tha hle a, NDA Sorkar lai khan, tuna UPA Sorkarah hian kan la hmu lova, kan hmuh ngei pawh kan beisei dawn a ni. Tah chuan nuai sangkhat leh zahnih sawmli leh pariat NDA Sorkarah kan hmu a, High School leh Higher Secondary School 126 repaired leh sakthat kan nei a, kan lawm hle a ni Laboratory Building 18 kan sa thei bawk a. Tin, Higher Secondary School leh Laboratory hmanraw lei nan tam fe kan hmu bawk a, School 195 lai kan pui thei bawk a ni. Tin, Private High School hi cheng nuaikhat bawr vel nuaihni bawr vel ten kan pui a, School 101 kan pui thei bawk a, lawmawm kan ti hle a ni, term hmasa tawp lamah khan.

Tin, thil thar deuh kan High School lamah Govt. of India in min rawn tihsak an nei dawn a, chu chu kan High School zirlai naupangte tan vocationalisation project kan buatsaih a, nimpiniah lamah khan Delhi nen kan inbia a, vaibelchhe 18 kan project kha min approve niin kan hria a, kan lawm hle a ni. Hei hi sanction kan hmuh chuan nasa takin vocationalisation chu kan hriatthiam dan tur zawngin ziak leh exam leh tih satliah mai ni lova, practical tak takte pawha hna an thawh theihna tura tan te, tin, unemployment problem tam tak Mizorama awm kan solve na atan he project hi kan hman tangkai tur a ni dawn a ni. Chu chu kan Ministry pawhin ngai pawimawhin min rawn tihsak a ni.

Tin, S.S.A hi kan sawi baw k a, kan sawi baka kan sawibelh duh chu - Kumhnih chhungin naupang zirlai nuai thum leh singhnih zawk tur a ni. Heng aia tlem lo kha S.S.A hnuaiah Rs. 150/- hu vel an Text Book kan pe ve tlat mai a, kumin khan kan matching share ruahmanna duh anga a fel that theih loh avangin kan sem thei lova, nakumah chuan kan sem leh theih kan beisei a. Hei hi tuilet hnua Mizoram Sorkarin a nawlpuia zirlai naupang zawng zawng an zirlaibu a thlawna a pek chhun niin ka hre ve tlat mai a, kan House-ah pawh min record sak se ka duh a ni. (Pu Lalduhoma : Thenkhatah chuan an khua kha thlen a nilo tlat mai a, e.g. Rangva te pawh building atan chu chu zirtirtute khan an hlawh atangte hian hlawhfa ruaiin an phur tang tang mai a, ka bial Mauchar-ah te, an khua thlen theih dan ngaihtuah nise) Transport lamah a ni maw i sawi chu kan lo enzui ang e. Central Sorkarin a rawn pek hianin a lehkhabu man ang chiah chiah deuh hian thil hi a ti a, a lehkhabu mante nena helai food for work tih siam ang deuh tepawh khan thianglim tho si a tihdan kan ngaihtuah ang. A lehpekah chuan naupang zirlai zawng zawngte Govt. leh Govt. kaihhnawih School te pek leh theih kan in beisei dawn a ni.

Tin, thil lawmawm deuh mai chu India danpui siamthat wawi 86-na chuanin school lut rual kum 6-14 inkar hi school luh tir vek nise tih a rel a, S.S.A. awm hma hian singhnih dawnlai out of school children an ti mai a, school kal thleng phalo nu leh pa pawhin an aware vak loh an awm a, Deptt. pawhin S.S.A. atangin tunah hian nasa takin tihhniam a ni ta a, School kallo hi naupang 5000 pawh an tling ta lo. Serchhip District, kan Opposition bial phe chu nikum May thla khan za a za enrollment an achieved a, a hmasa ber an ni a, kan lawmpui hle a ni.

Tin, Mamit District kha Christmas dawn tep khan total enrollment kan achieve e, an ti baw k a, kan lawm hle a ni. (Pu Saikapthianga : Khatiang an lawm tukah khan ka tlan t hla a, a diklo nasa em em mai a, churang chuan tih vek vek chuan dik deuhin a tih theih hram loh maw ?) Mumal deuh a report kan dawn D.C tena statistic nena an rawn tih a ni a, chu chu report kan dawn ani miau a ni. (Pu Saikapthianga : Pu Speaker, Minister mawhphurh ka ti chiah lova, mahse endik a ngai, a diklo nasa, kal miah lohna khua report te kha a diklo reng reng.) report kan dawn dan chuanin Serchhip khan nikum May thla-ah an achieved a, tunhnaiah Mamit District ten an achieved a ni. A hnua pawh e ngemaw a lo awm leh thei tho, engpawhnise, khalai kha chu kan enzui turah ngai ila.

....735/-

.....736/-

Tin, S.S.A. hnuaiah hian training hi kan ngai pawimawh dawn a, kan zirtirtu tam tak te hi U.T. lai vela lakte an ni a, an tunlai vak tawh lova an thiamna. Training-na kan ngai pawimawh a, chuvang chuan block resource center hi 22, sak turah 19 kan sa zo tawh a, tin, Khawlian lutuk lovah resource center hi 159 sak turah 39 kan sa zo tawh bawk a, tiang chuan hma kan la a.

Tin, Pu Speaker, thil lawmawm deuh tunah District 6-ah Diet thar kan nei thei dawn tep tawh a, kan Diet thar hi kan chhuang ve hle a, Mamit District ah te, Serchhip-ah te, Kolasib-ah te, Champhai-ah te, Lawngtlai-ah te, Saiha-ah te Diet thar kan nei dawn a, Lecturer ringawt pawh hi 78, Principal 6 tiang chuan post engemaw zat kengin tunah hian thil kan ti chho mek a, building hi kan la sa zo chiah lova. Kan MLA thenkhat District bialtu-te khan an rawn sawi dawn emaw ka ti a, a dang kha in sawi zel mai a. Hmanni Mamita ka zuk kal phe chu a tlep un mai a, helam chhuah lampang kha a ropui ka ti khawp mai a, chu chu vawinah hianin kan hriat a tha in ka hria a, achievement tha tak niin ka hria a.

Tin, level of literacy hi a pawimawh yak emaw ni le ? tih hi a pawimawh ber lai chu a ni lova, quality education a pawimawh tih kan hria a, theihtawpin helaliah hian tan kan la a. Tunah hianin Mizoram hi India ramah literacy percent pahnihna kan ni a, 88.8% kan ni a. Kerela hi 90.91% anni a, Mizoram in kan phak lohna hi 2.44% chauh a ni a. Pakhatna nih tumin hman deuha conference kan neihna-ah pawh challenge kan siam ve ringawt a, kan hniamna bik Mamit, Lunglei, Lawngtlai, Saiha ah te campaign beihpui kan thlak zo tawh a, kumin kum tawp lampang hianin pakhatna ni thei tura taalak chu kan tum khawp mai a. Helalia kan ngaih pawimawh vak loh pawhin Central Sorkar hianin ringai hian pakhatna han ni ngat chu ram reng rengah an chanchin han zawh dawn a, hriat kan chak chu literacy-ah engnge an dinhmun te, per capita income ah engnge ni an dinhmun te hriat kan chak thin a. Chuvang chuan kan dinhmun sang taka kan hlankai hi helamah hian a tul hrim hrimin ka hria a, chumi rual chuanin quality education kha a pawimawh a ni tih hria in tan kan la bawk a ni.

Tin, Aided a hlankai kha engemaw zat kan nei a, High School kha 129 kan hlankai a, Private High School kha Private Higher Secondary School 14 kan hlankai a, Middle School 66 kan hlankai a, khang ho kha kan education act hmang khanin tunah hian ruahmanna kan siam chho zel a, mumal deuh hleka kan in enkawlina theihna turin he dan hian a huam turah

kan ngai a. Tin, chumi rual chuan provincialisation school hi engemaw zat kan nei a, 228 niin ka hria, Middle leh High School kha tunah hian post 1500 zet kan siamthar tawh a, chu chu High School Headmaster tih te a ni a, khangte pheikha chu MPSC ah lo screen a ngai dawn a, chung tih chhung chu a rei deuh hlek dawn a, engpawhnise, kumin hi chuanin mumal deuh mai a khang deficit school, govt. a kan hlankaite kha awmze neiin kan dahchho thei ang tih kha kan beisei a ni. Kha kha education-ah chuan ni mai sela, han sawi zel dawn chuan tam tak mai kha sawi tur kan nei a, hun a kal chak zel a, duh tawk ta mai ila.

Tin, Forest lamah hian MLA thenkhat khanin thil rawn sawi an nei a. Pu Duha khanin a bial chungchangah eviction order chungchang kha a rawn sawi chhuakin ka hria a. Encroachment chungchang kha thil zawng zawng hi House-a sawi rem veklo hi a awm ve deuh a. A chhan chu sawitur tam tak a awm a, chipchiar deuh pawhin Supreme Court-in direction a rawn pek dungzuia kan Central Ministry lamina helama state sorkara kha a rawn tihna engemaw zat ka hmu a, kan Chief Secretary a rawn address thin a, kan Forest Secretary-ah te, chumi awmzia chu 1980 hnulama.....ho a kha tunah hian a pawng a taka chhuak rawh u, tih tawpang zawnga he thil hi tih pawh a ni lova. Committee hrang hrang Chief Secretary chair-na hnuaiia committee te, chubakah chuan Forest Circle hnuaiia committee te din a ni chhova. Notice chu kan pe ngei mai a, mahse notice kan pek khan chhuak nghal rawh u, kan ti mai thei lova, an document pawh rawn produce a, mumal taka han tih kha a awm a, leh lehkha pawimawh tak tak a awm nual mai a, hengah hian kan member zahawm tak ngaih pawimawh em em tura kha mumal deuh hlekin a lehkha leh thil pawimawh hi pe ta ila.

PU LALDUHOMA

: Pu Speaker, chhuahsan nghal tura thupek kha chu ani phawt mai a, a rei khawp mai lehngal a. Engatinge kha order kha Tuirial

Compensate hmu tur Phase-I chhung a mi Saiphum te, Mauchar area te khan an dawn ve tlat loh le ?

.....737/-

738/-

**Dr. R. LALTHANGLIANA :
MINISTER**

Pu Speaker, kha kha chu a awmzia chu vawileh khatah khan a zavaiin kan ti thei lova, tunah hianin Central Circle ah te la tih ani lova,

Southern Circle Lunglei, District-ah pawh la tih a la ni lova. Tin, Aizawl Northern Circle bikah pawh hmun thenkhat lai kha kan la ti chauh a, a la tuam vek dawn hrim hrim a notice khan. Mahse, kan tih zawka chu rumra tak mai a chhuak tura han in tih ang chi a kha a Forest Deptt. phei chuanin kan ti theilo hrim hrim a, Committee pawhin an duhdan an reifel vek a, sorkar hianin entirnan - State Level Committee, Chief Secretary Chairman-na hnuajah tih a ni a, tah chuanin member tur pawh hianin Environment Secretary tihte, Land Revenue Secretary tih te, Director, Land & Revenue Settlement tih te nen la sawi chhova hmalakna tur ang chi thil kha a ni. Govt. of India in ti tura min tih hi engmah sulhnu nei lova awm kha remchan lohna a awm ve ani tih kha min lo hriat sak kha tha in ka hria.

PU LALHMINGTHANGA :

Pu Speaker, kan special provision-ah khan kan MNF unaute leh India sorkar inremnaah khan Parliament-a Law siamte leh tiang ang ho kha

ownership and transfer of land chungchang thuah Mizoramah chuanin applied theih loh a ni ang ti a nei kan ni si a. Chuvang chuanin khalai bika kan himna lai taka kha, kha khanin a rawn khawih pawilo maw, tih lai kha a clarify theih em ? A chhan chu.....

**Dr. R. LALTHANGLIANA :
MINISTER**

Pu Speaker, India rama kan Court sangber rorelna leh direction anih avang khanin khang political thil leh thildanga lo awm a kha chu....

PU LALHMINGTHANGA :

Pu Speaker, constitutional thil tho a ni a, Supreme Court pawh hi Constitution chhunga function tur a ni a. Chuvang chuanin constitutional right kan neih a kha anni an infin chuanin Supreme Court pawh lo ni sela source of justice ni tawh lo anni dawn tlat a ni. Chuvang chuan, constitution kha a lal ber ang a, chuti zawng chuanin kha nen khan a in relate lo maw, tihtan dan a awmlo maw, tih laia kha rilru-ah chuan a awm a.

.....738/-

.....739/-

**Dr. R. LALTHANGLIANA
MINISTER**

Pu Speaker, engpawhnise, kha kha chu kan lo enzui chho turah ngai ila. Tin, Pu Duha vek khanin compensation chungchang bik a rawn rawt a kha, hei hi kum 2004-2005 pawisa atang hianin nuai 1 leh sangsarih kan la nei a, hetah hian a chung a case lian nei tham deuh hlek, ramsa avanga nuntha chan thin te loss of life inquiry kha chinfel phawt tum kha a ni a. A crop bika kha Govt. of India ah kan dil a, kha kha ngaih pawlh loh kha a ngai a, a crop bik tangka hi kan la hmu lova, a sawi pawh kan zu sawi tawh a, crop damage bika hi khaw engemaw zatah Hmuntha khua atangin 6 tih te, Hmuifang atangin 1 tih te, Khawruhlian atangin 25 tih te, tiang khan tam tak a awm a 94 lai. Hei hi kan hmuh ve leh kan pe turah ka ngai a, engpawhnise, vawi leh khatah hianin khami ramsa laka tuarte nen khan a pek rual theih si lova, a hranpa a lo kal tur kha a ni a, chu chu ka chhanna ni mai sela. Nakinah kan hmuh veleh information kan la in pe zui turah ka ngai a.

**Dr. R. LALTHANGLIANA
MINISTER**

Pu Saikapthianga khanin Session hmasa pawha a sawi bawh kha Tuipui, Tut thlang lampanga harsatna an tawh chungchang a rawn sawilang leh a, Tuipuibari I & II bawr vel tih loh chu Kawrthah Forest Division zawng zawng hi Tut, Langkaih Projected Reserved Forest 1970 a notify khan a huam vek mai a, hemi huamchhungah hian working plan peihfel tep a ni tawh a, chu chu working plan siam turin Reserve Forest chhung bika thing kan khawih dawn anih chuan a ngai tlat mai a ni. Chuvangin, chu chu kan siam chhova, chu chu kan Ministry, Govt. of India in a min rawn approved hunah chuan thingzai permit pek turah kan ngai a ni.

PU SAIKAPTHIANGA

Pu Speaker, permit lam kha a ni lova ka rawn sawi kha chu. Rules ah khan Mamit Grouping Centre, Phaileng Grouping Centre, Kawrtethawveng, Lokichera, Kanhmun, khami area zawng zawng kha dan khan a reserved ta a ni. Khami chhung a mi kha tunah hianin Forest Deptt. in a Teak Working Plan an siamah pawh hian tih theih loh tih kha a ni a, ka sawi zawk tak chu.....

.....739/-

.....740/-

Dr. R. LALTHANGLIANA :
MINISTER

Pu Speaker, mumal takin communication kan hmu ani. Working Plan hi a hautak khawp maia theih tawpin tan kan la ani. Sawihona kha ka lo theihngilh hlahu ani, hnumchangan chuan sawitlan hrim hrim a tha a ni.

Pu Speaker, LPG Connection chungchang hi tumah hianin in sawilo hle mai a, Govt. of India hian a ngai pawimawh khawp maia, a hmuh pawh hi kan hmutha ang reng hle mai a, FDA leh MAP atang ringawt pawh hian 3691 pek anni a, eco development hnuaiah 2130 kan pe a, a zavaiin 5821 pek a ni. Heng avang hianin thildang tam tak kan tih theih phah dawnin kan hria a, Nursery a thing tiak leh Mau tiak kan neihzat beihpui kan thlak tuma pawh hi han report ila. Thing tiak ringawt pawh hi nuai 55 vel tunah hian Division 16-ah kan in ruahman mek a ni.

Tin, nikum kumtawp dawn tep khan Pu Speaker, vanneihthlak takin India hmarchhaka a nei awm chhun kan ni lova, advance research center for bamboo and cane ah a foundation min rawn lay sak a, central lama kan minister te an lawm hle a, District engemaw zat in rawn dah ang a, Research Officer te thawktu dangte in rawn dah chho dawn a, April a tan kan beisei a, amaherawhchu, a building an duh dan a awm a khang angah khan hun chu a duh rei deuh dawn a. A foundation in lay anga, a bak hi in ngaihtuah si loh chuan a pawh ang a, kan ti a. Amaherawhchu, theih tawpin tan min lakpui a ni.

Heng bakah hianin kan Mautam tura hi theihtawpin tan kan la a, BAFFACOS atangte pawhin tun financial year ah hian crore 2 min buatsaih ve a, chung hmangte chuan hma kan la mek a ni.

Tin, kan Chief Minister in Commitment a lo nei a, a lawmawm ka ti khawp maia, kan limging tuarte Tamil Nadu a mi tamtak, in leh lo neilo ten Mizorama mau an mamawh thu an rawn sawi a, kan Chief Minister-in hma min lakpui a, working committee te min din sak a, tunhna lawk khan kan YMA Branch hrang hrangte Mau sat tura kan han hmang tepawh kha a tha hle a ni. Truck tip 70 bawr vel keimah ngeiin a vai liamna ka nei a, rilru a khawih hle mai a, Mizoram Mau Wagon 18 niin ka hria chutiang chuan Mizoram mau, a then dapa kan chih sate pawh a ni a, chutiang chuan kan zuk pe a ni. Ni 4 chungin Tamil Nadu khawpui Chennai thlang turah an ngai a ni. Tin, a dawngsawngtute pawhin lawmthu te an rawn sawi nasa hle a, hetiang min ngaihtuah chhuah puitu Chief Minister hnenah lawmthu sawi tur awmin ka hria.

....740/-
.....741/-

Tin, Pu Suama bial lamah - Dampa Tiger Reserved ah hian Project lian tak mai kan buatsaih a, ruling lo bial hlir maiah project lian kan nei a Forest lampang pawh hian. A lian khawp mai yaibelchhe 115 project kan buatsaih a, chu chu a turu khawp mai a, World Bank Funding tur khanin Pu Speaker a principle ah hianin min rawn approved sak hlahh mai a, opposition bial hi kan ngai pawimawh hle ani tih kha kan sawi duh a ni.

Tin, Wet Lane Project pahnih hmanni question hour ah pawh ka chhan tak Tamdil tepawh Pu Zira bial a ni a ruling bial si lovah hna nasa tak kan thawk ve a ni tih kha ka sawi duh a ni, Engpawhnise, kan sorkarin thleibik nei lovin hna kan thawk a ni tih hi House-ah hian hre ve reng reng sela tha in ka hria.

Forest hi a pawimawh a, Green Mizoram Committee tepawh kan Chief Minister Chairman-na hnuaiah din a ni a, nikum khan hmanhmawh deuh maiin screening pawh kan neih vak hman hma in thingphun hna nasa takin kan thawk a, kuminah pheichuan tam fe hi phun tura kan in buatsaih tulin kan hria a ni.

PU H. LIANSILOVA : Pu Speaker, tukina information kan han hriatah chuan a khaw bul a mi khawthlang hruaitu ruling lam mi an rawn ti kher a. Chu chuan in jelatine in an bomb a, Sangha a thi hnem hle mai a, uih/rimchhia a tam a, rawn enchain vat a tha e, Minister rawn hrih rawh u, tiin an rawn in chah a, kha kha lo chhinchhiah la, sawizui pawh ni lovin.

Dr. R. LALTHANGLIANA : Pu Speaker, ka lo enzui ang a, kan **MINISTER** zavaia tantlan hi forest-ah hian a tul a ni tih hi ka sawi duh a. nichina kan ngaihthlak tak VFDC chungchanga thil fel tawklaw a, a bika khawthlang lam Pu Saikapthianga han sawi angte kha kan lo en ang a, hengah hian thil dik tak mai a tih hi kan duh a, kan hriat loh a thil awm hi min rawn hriattir chak ula kan tangho thei turah ngai ila. A tul ang angin action kan lo la turah ngai ila, chu chu kan sawi duh a ni. Kan zavaia kan tanho chuan kan ram forest te leh kan environment thil te nasa takin hna kan thawk thein ka ring a, pollution control board pawimawhna te nichina kan opposition leader han sawite pawh kha a pawimawh in ka hria a, ka sawi thin a, Bible ah pawh khan Pu Speaker Pathianin a mihring a siam hmasak ber hi zirtirtu ni tur te, sportsmen ni tur te, doctor ni tur te khan hna kha a pe lova, a hna

pek hmasak ber kha forest hna a ni a, tin, a hnu zela kan han hmuh khan mi pakhat hmingthang tak mai kan hmu Nova tepawh kha wild life hna kha a pe ani. Chuvang chuan, a pawimawh a, a danga kha a pawimawh lo tihna ni lovin, kan zavaia kan tanho a, preserved nana hna kan thawhho hi tulin ka hria a. Wild life lamah hian kan sawi duh lawk a chu tunah hian Dampa Tiger Project bakah hianin Murlen National Park te, Phawngpui National Park te, Ngengpui Sanctuary te, Khawnglung Wild life sanctuary te, Thorang, Pualrang, Tawi te kan nei thar a, a lawmawm hle in ka hria a, sanctuary pariat kan nei a, kumthum, kunli kalta a tang khan. Tin, hengah hian eco-development scheme chi hrang hrang, farming tih te, piggery farming tih te, pisciculture tih te, poultry farming tih te, carpentary tihte atan hian mi 2923 kan pui a. Nichina forest pangngai kan han tih wild-life lampang tel lova hemi kan wild-life bik a LPG free connection an lo pek pawh hi a tam khawp mai a, 4429 lai mai kan lo pe a ni.

Tin, chhungkua 4429 te hi water storage 50 litres dawng kha kan lo pe a, chutiang chuan tangkai takin heng wild life hna hi kan lo hmang a. Tin, hmun thenkhatah chuan water point te mipui tan a tui lakna tur te line an siam sak a, Community Hall te leh Playground te, Waiting Shed te, Internal Road tepawh hi heng hnuai atang hian tih a ni a. Tin, Free Medical Camp hi vawi 65 lai an lo nei tawh a. Tin, ramsate laka nunna chan compensation cheng nuai 1 zel tunhnai mai khan pek theih an lo ni ta hi thil lawmawm tak a ni. Compensation hetiang a kan pek theih loh laia ramsate laka nunna chante kan pe thei hi a lawmawmin ka hria a, vanduaina-ah compensation pek theih loh hi a Deptt. tan hrehawm deuh mai a ni a, minrawn phalsak a, tin, c hubakah chuan hliam tuarte leh serious zualte pawh zangnadawmna ang chi provision te kan han nei ta a, crop damaged compensation te nen.....

PU LALHMINGTHANGA : Pu Speaker, nunna chan kha retrospect tur nge, a dan sorkarin a rawn siam ni atang khan kan zawh duhna chhan chu ka bialah sawn Sakhi in a seh hlum pakhat a awm a, a rei tawh deuh a.....

Dr. R. LALTHANGLIANA : Pu Speaker, nikum lampang atang khan kan hmang tawh a ni.
MINISTER (SPEAKER : Tunhma deuha mite kha pek ve theih an ni em tih a ni)

Engemaw kum kha chu tel loh a awm a, timai chuan ka chhang tho a ni. Hmannia Saiha District kan pek tumin a kum huamlo kha mi pakhat a lo awm a, chuvang chuan engemaw effective date a kha

chu a awm a ni, chulai chu kan sawi thei mai lova. Kum hnih kalta bawr vei atang kha chuan a pek theih min a hriat. Crop damaged compensation chungchang pawh nichina ka sawi ang khan thla tharah hi chuan pek theih kan beisei a, hna hi kan thawk ve a ni. Sawi dawn chuan sawi tur tam tak a awm a, duhtawk mai ila Pu Speaker, hei hun ka hmang rei tawh a, tichuan ka demand, aw, Pu Hminga zawhna kha 2002 atangin a intan anih chu, khami ramsa laka hliantuarte tanpuina kha.

Pu Speaker, ka Demand No. 20 - School Education Rs. 19,29,40,000/- Demand No. 26 - Information & Public Relation Rs. 4,36,40,000/- Demand No. 36 - Environment & Forests Rs. 23,32,35,000/- a vaiin Rs. 2,19,78,15,000/- hi he House ina min pawmpui turin ka rawn dil a ni e.

S P E A K E R : Minister zahawm tak Dr.R.Lalthangliana'n a Demand No. 20, 26, 36 a vaiia belhkhawm Rs. 2,19,78,15 000/- House-ah pass a rawn dil a, pass remti apiangin 'remti' ti rawh ule, remtilo kan awm em ? kan awm chuan 'remtilo' ti rawh ule.

Awle, Minister zahawm tak Dr. R. lalthangliana Demand No. 20, 26, 36 a vaiin Rs. 2,19,78,15,000/- chu House-in lungrual takin a pass a ni.

Vawiina kan business chu kan lo zo ta a, kan tindarh hma in kan R.D. Minister hnenah khan kan member te pawhin an sawi kha, Development Committee Meeting-ah kan member zahawm takte an tel ve ngei theihna turin Session lai hi chuan ti lo deuh turin instruction in pek ni tase.

Vawiin atan chuan kan lo duh tawh ang a, naktuk 29th March, 2005 zing dar 10 : 30 ah kan thukhawm leh dawn nia.

Sitting is adjourned at 8 : 10 P.M.

.....743/-